

DE RITV
SANCTISSIMAE CRVCIS
ROMANO PONTIFICI
PRAEFERENDAE

Commentarius


A F. AVGVSTINO FIVIZANIO ROMANO
PALATII APOSTOLICI SACRISTA,
Et Ordinis Eremitarum S. Augustini Vicario Generali
conscriptus.

AD SANCTISS. D. N.
CLEMENTEM VIII.
PONT. MAX.



R. O M A E,
Ex Typographia APOSTOLICA VATICANA.
M. D. XCII.

SVPERIORVM PERMISSV.



THE UNIVERSITY OF CHICAGO

LIBRARY

OF THE

PHYSICAL SCIENCES

AND

THE

LIBRARY OF THE

PHYSICAL SCIENCES

OF THE

UNIVERSITY OF CHICAGO

LIBRARY

OF THE

PHYSICAL SCIENCES

AND

THE

LIBRARY OF THE

PHYSICAL SCIENCES

OF THE

UNIVERSITY OF CHICAGO

LIBRARY

OF THE

PHYSICAL SCIENCES

AND

THE

LIBRARY OF THE

PHYSICAL SCIENCES

SANCTISSIMO PATRI
ET DOMINO NOSTRO
CLEMENTI VIII.
PONT. MAX.

F. AVGVSTINVS FIVIZANIVS ROMANVS
APOSTOLICI PALATII SACRISTA,

Et Ordinis Eremitarum S. Augustini Vicarius Generalis
S. P. D.



Vo tempore GREGORIUS XIII.
spectatissimę pietatis Pont. de
adeunda Bononia, preclarissi-
ma patria sua cogitauerat, il-
lius profectiois occasione
conscripsi Libellum de anti-
quitate & causis ritus præferendi sanctissimæ
Eucharistiæ Sacramentum Summo Pont. ex-
tra Urbem proficiscenti: quem cum ille a me
sibi oblatum, qua præditus erat humanitate,
legisset, ac etiam rei argumentum probasset,
iniunxit mihi, vt & de Cruce, quæ eidem Pont.
in publicum prodeunti rite præfertur, aliquid
adnotarem: quod, qua maiore potui diligentia,
perfeci: scriptionemq. iam diu absolui: quam
cum multis doctis viris & legēdam, & proban-

★ z dam

dam tradidifsem, fuaserunt illi, immo vero
quasi coegerunt, vt eam in publicum darem.
Quorum ego suafu & iuffu ductus, illam in ho-
minum confpectum prodire permifi. Multis
autem nominibus laborem hunc meum, qua-
lifcumque fit, auguftifs. nomini Tuo, CLEMENS
Pont. fanctiffime, deberi exiftimaui. Pri-
mum, quòd Pontificijs obfequijs a tam magno
tempore fum mancipatus. Deinde, quòd de
re ad Romanum Pont. præcipue fpectante
agatur. Præterea (vt & hoc mihi fine vllo af-
fentationis, quam tantopere deteftaris & hor-
res, fufpicionem dicere liceat) quia ex gentilitio
Stemmata tuo, in quo, cum Stellis, Crucis quã-
dam figuram infpicere videor, illud ipfum Ec-
clefiæ fanctæ, ac iam diu afflicte Christianæ
Reip. boni portendi coniicio: quod ex figno
cum Stellis Constantino magno cælitus osten-
fo, euenit; hoc eft fummam felicitatem &
tranquillitatem:

Accipe igitur PATER BEATISSIME Li-
bellum, quem fanctitati Tuæ ad illius pedes
prouolutus ingentis obferuantix ac ftudij mei
testimonium quamuis perexiguum offero ac
dico: quem fi grauiffimo ac prudentiffimo iu-
dicio tuo probari fenfero, dabo propediem
alium de Euchariftiæ gellatione, cuius paulo
antea

antea memini. Deus interim Sanctitati Tuæ,
tam magna assidue pro Ecclesiæ suæ sancto
regimine molienti, perpetuo plenitudinis gra-
tiæ suæ ac fortitudinis spiritu assistat, ac per-
petuam incolumitatem præstet. Romæ, in
Palatio Apostolico apud Vaticanum, Kal.
Maij. M. D. XCII.



1. The first part of the paper is devoted to a
discussion of the general principles of the
theory of the subject. It is shown that the
theory is based on the assumption that the
subject is a system of interacting elements.
The second part of the paper is devoted to a
discussion of the specific principles of the
theory. It is shown that the theory is based
on the assumption that the subject is a
system of interacting elements.

The third part of the paper is devoted to a
discussion of the specific principles of the
theory. It is shown that the theory is based
on the assumption that the subject is a
system of interacting elements. The fourth
part of the paper is devoted to a discussion
of the specific principles of the theory. It
is shown that the theory is based on the
assumption that the subject is a system of
interacting elements.

The fifth part of the paper is devoted to a
discussion of the specific principles of the
theory. It is shown that the theory is based
on the assumption that the subject is a
system of interacting elements. The sixth
part of the paper is devoted to a discussion
of the specific principles of the theory. It
is shown that the theory is based on the
assumption that the subject is a system of
interacting elements.

The seventh part of the paper is devoted to a
discussion of the specific principles of the
theory. It is shown that the theory is based
on the assumption that the subject is a
system of interacting elements. The eighth
part of the paper is devoted to a discussion
of the specific principles of the theory. It
is shown that the theory is based on the
assumption that the subject is a system of
interacting elements.



Quos
Per Crucis mysterium
Saluas,
Rege per sæcula.
Amen.

A V C T O R V M, Q V I I N H O C O P E R E P A S S I M C I T A N T V R,

Nomina.

A edias.	Franciscus Aluarez.	Nicephorus Callistus.
Ado Tremor.	Gabriel Franciscanus.	Nicephorus Gregoras.
Aegidius Columna Rom.	Gaudentius Brixien.	Nicolaus Sanderus.
Albinus Flaccus.	Gregorius Magnus.	Nonus Orbis.
Alexander a's Elpidio.	Gregorius Nazianzenus.	Oecumenius.
Aloisius Lippom.	Gregorius Nyssenus.	Onuphrius Panninius.
Alphonsus Ciacconus.	Gregorius Turenau.	Origenes.
Amalaricus.	Grismoldus Abbas.	Paulinus.
Ambrosius.	Guillelmus Cremonen.	Paulus Diac.
Anastasis Bibliothecarius.	Guillelmus Durantes.	Petrus Cluniacen.
Andreas Cresen.	Guillelmus Neubrigen.	Petrus Damian.
Anselmus.	Hieronymus.	Petrus Mantius.
Anconinus.	Hieronymus Oforius.	Philon Hebraus.
Aristoteles.	Hippolytus Martyr.	Pontificalis liber.
Athanasius.	Hisor. Trapa.	Porphyrius.
Augustinus.	Isidorus Hispaleu.	Prasum spirituale.
Augustinus Fanaronius.	Jacobus Pamelius.	Procopius Gazans.
Augustinus Triumphus.	Jacobus Viterb.	Prudentius.
Bartholemaus Cypres.	Ignatius Martyr.	Rabanus Maurus.
Basilus.	Innocentius Pont. III.	Robertus Bellarminus.
Beda.	Ioannes Beletus.	Rodulphus Tungrensis.
Benedictus, Can. S. Perri.	Ioannes Chryso.	Rufinus.
Bernardus.	Ioannes Diaconus.	Rupertus Twitiensis.
Bibliotheca SS. PP.	Ioannes Leflaus.	Saluianus Masilien.
Carolus Sigon.	Ioannes Molanus.	Seneca.
Cassiodorus.	Ioannes Perell.	Simcon Metaphrastes.
Casar Baronius.	Iosephus Steph. Val. Epif.	Simon Metolus.
Claudianus.	Irenaeus.	Sozomenus.
Clementianus.	Iulius Africanus.	Socrates.
Caelius Rhodig.	Iuo Carnoten.	Stamilaus Ofus.
Concilia.	Ius can. & cin.	Sulpitius Severus.
Cyprianus.	Iustinianus Imper.	Tertullianus.
Cyrillus Alexandr.	Iustinus Martyr.	Theodoratus.
Cyrillus Hierosol.	Laftantius Firmianus.	Theodorus Balsamon.
Damasenus.	Laurentius Suring.	Theodulphus.
Dionysius Arcopag.	Leo Magnus.	Thomas Aquin.
Ephrem Ediff.	Leontius Episcopus.	Thomas Vualdensis.
Epiphanius.	Mayhaus Vegin.	Venustus.
Eusebius Caesariensis.	Marsilius Ficinus.	Zonaras.
Euthymius.	Martialis Episcopus.	
Fortunatus.	Micrologus.	

P R Æ F A T I O .



DE RITV præferendæ CRVCIS Romano Pontifici in publicum prodeunti argumentum, de quo vt scriberē mihi imperatum est, tanto difficilior explicatu videtur, quanto nostra Aetas a Christianæ Religionis exordio, quo ritus ipse vsus primitus accepit, longiori disiūgitur interuallo: nulla enim certa huius institutionis apud nos viget recordatio: nullusq. certus auctor extat (quod sciā) qui ex proposito hoc idem tractarit. His ergo de causis, quamuis accusari merito possim, qui onus viribus impar subierim; obsequēdi tamen studiū, siue parēdi potius necessitas, iure excusat: facilius namque probaturos omnes arbitror, me Maiorum auctoritate compulsus, id præstare, quā de ingenij tenuitate diffusum abnuere debuisse. Mihi igitur rem ipsam altius animo repetenti, satisfecisse tanto muneri videbor, si huius instituti antiquitatem, & causas ex sanctorum Patrum sententijs, & rei veritatem, testimonijs summa fide vndique collectis comprobauero. Qua in re magnum momentum habent quæ spectant ad alium ritum, isto longe antiquiorem, communioremq. il-

lum nimirum, quo fidelis quisque salutari Cru-
cis signo se, suaq. omnia, manu sua munire
consuevit. Triplex autem in vniuersum signi
viuificæ Crucis vsus occurrit: aut enim sola
manu formatur: aut e saxo sculptum cernitur,
pictum in muris, in lapidibus pretiosis inci-
sum, panno intextum, siue cuius materiæ ap-
positum: aut postremo ex ligno delatum, ære
conflatum, auro, argento, & quacumque ex re:
alia fabrefactum effertur, siue aliquo in loco:
perpetuo, aut statis temporibus, ad veneran-
dum populo proponitur. Ita fit, vt explicatio-
nem propositi argumenti aggressurus, hæc
omnia complecti, breuemq. hanc disputatio-
nem in tres Sectiones, seu Libros partiri vi-
sum sit opportunum. In primo agam de ve-
tustissimo, ac frequentissimo vsu fidelium
Cruci, se, aliaq. manu sua consignandi. In se-
cundo, de ritus circumferendæ Crucis anti-
quitate. In tertio, de ratione, & causis propo-
siti ritus, qui perpetuo quodam tenore ad no-
stra vsque tempora perductus est. Quilibet
Liber erit distinctus per Capita. Accedit præ-
terea Appendix de honore sanctissimæ Crucis
exhibendo; hanc præter intentionem quidem
suscepti operis ab initio, præsentī tamen tra-
ctationi in ipso progressu plurimum conue-
nire sum arbitratus.



LIBER PRIMVS

De vetustissimo, atque frequentissimo vfu
Christianorum, se, & alia Crucis
viuificæ signo muniendi.



*Crucis signandi ritum ab Apostolis, qui illum a
Christo acceperunt, ad Christianos omnes
descendisse, ostenditur.*

CAP. I.



IGNI sanctissimæ CRUCIS vsum in
Ecclesia Dei ab eius (vt ita loquar) infan-
tia frequentissimum fuisse, grauissimo-
rum Patrum monumenta testantur.
Non potest autem veneranda huiusmodi
antiquitas altius peti, nisi a diuinis viris,
qui post Christum, Ecclesiæ fundamenta iecerunt, hoc
est a sanctissimis Apostolis, a quibus exordiemur, ipso-
rum exempla primum referentes. Sicut autē credendum est,
nullum vere fidelem virum dubitasse, pium hunc ritum
ab illis, qui cum Christo manducarunt, & biberunt, ad
nos manasse, & ab eisdem, & fidei illorum heredibus
fuisse nobis, quasi per manus, traditū; ita minime am-
bigendum putamus, illos ab ipsomet Salvatore accepisse.
Nam sicut non audemus prorsus affirmare a Do-
mino nostro Crucis signum adhibitum fuisse, quando
benedicens panem in corpus suum transubstantiauit, de
quo scripsit Amalarius Fortunatus dicens: *Si Dominus,*
quando benedixit panem, fecisset Crucis signaculum, ipsi norunt,

De Eccl.
off. lib. 5.
cap. 24.

qui praesentes fuerunt, praesertim cum nondum esset erectum vexillum sanctae Crucis; ita haud difficulter nobis persuaderi potest, Christum post debellatos per passionem & mortem suam in Cruce Principatus, & Potestates, in caelum ascendentem signo Crucis Apostolis benedixisse, eosq. tutissimo isto clypeo munitos reliquisse. Hoc ipsum

Luc. 24. indicare videntur beati Lucae verba, dicentis, Christum, eleuatis manibus, Apostolos benedixisse. Vnde non absurde quis crediderit voluisse significare, quod extensa manu, magna cum grauitate, & maiestate, Crucis signum super illos duxerit. Ex quo loco desumpta videtur etiam

Lib. Pontificali in Missa Pontificum.

forma, quam seruant Episcopi, quando populum solemniter more benedicunt. Mos enim illis est, ut ambas manus primo leuent, & extollant ad caelum, mox eas iungant, tum dexteram solam super adstantes deducant, signumq. Crucis forment super eos. In quam sententiam, videlicet quod Christus Discipulis signo Crucis manu formato, benedixerit, venire videtur Ioannes Molanus in suo de picturis egregio libro cap. 79. ubi ait: *Ascendens porro Christus, benedixit Apostolis manibus eleuatis: Quod fecit, aut ritu Aaronico, extensis super eos palmis, uti Iudaici Sacerdotes hodie temere benedicunt: aut ritu Christiano, quo Episcopi benedicunt. Posterius tamquam probabilius expriment pictores.* Haec ut clariora fiant, methodo tractabimus, ac primo quidem afferemus se signandi exempla. Secundo loco statuemus ea, quibus signum Crucis super alias res ab ipso signante distinctas ducendum demonstretur.

Iulius Aphric.

Inter illa igitur primo se offert beatissimi Andreae Apostoli memorabile exemplum, qui tamquam Crucis amatissimus, singulos Christianos Cruce munebat, deinde seipsum signabat, ut Iulius Aphricanus Abdiae interpres lib. 3. affirmauit his verbis: *Sanctus Apostolus Andreas singulis manus imponens, & consignans Cruce, eos abire permittit; nonisime autem se signans, & ipse discessit.*

Præterea Discipulus præ ceteris dilectus, qui stetit iuxta

iuxta Crucem Magistri sui patientis, & morientis, ante obitum se signo Crucis manu propria signavit, vt ait idem Abdias: si tamen Abdia liber est is, qui eius nomine circumfertur, cuius fides etsi omnino probata non est, multa tamen, quæ vera sunt, ibi continentur in hæc verba: Ioannes signans se totum, astitit, & ait: Tu mecum Domine Iesu solus: & proiecit se supra tumulum, in quo strauerat vestimenta sua, dicens: Pax vobis, fratres: ac omnes benedicens, ac valefaciens deposuit se viuentem in sepulchro suo, & iussit se operiri glorificans Dominum, & statim reddidit spiritum. Hanc eandem historiam copiose descripsit Nicephorus Calixtus, dicens: Cum dudum transitionem suam ad Deum, diemq. & horã eius prauidisset Ioannes, presbyterus, ministrusq. Ecclesiæ, & praterea quicumque flagranti essent fide fratribus assumptis, extra Ephesiorum urbem progreditur, & cum eis in vicinum quendam tumulum, quò frequenter ire precationi operam daturus solebat, conscendit. Ibi vehementius orans Ecclesiæ Deo commendat, mox sarculis quibusdam, & lignis celeriter sepulchrum sibi fodi præcipit: Deinde eos, qui tum aderant, arcanis de Deo verbis, & præceptis optimis de fide, spe, & potissimum dilectione (quippe dilectus ipse) erudit; & corda eorum confirmans Seruatori verbo commendat. Postremoq. illis in Domino saluere & valere iussit, ubi se Crucis signo communisset, in monumentum descendit.

Ioan. 19.

Abd. li. 5.

Niceph. hist. Eccl. lib. 2. cap. 42.

Vnde, quæso, Antipas, cuius Apostolus & Euangelista Ioannes in Apocalypsi meminit, ritum consignandi se didicit, nisi ab ipsis Apostolis, quos ille habuit doctores. De quo hæc refert Metaphrastes: Virum hunc iustum Antipam corripunt homines impij, & ad Diana templum trahunt, ubi erat statua bonis area, quam igne succenso multo ante inflammarunt. In hanc beatum Martyrem coniecerunt. At ille cum se signo Crucis munisset, dum eiusmodi cruciatus torqueretur, diu in hunc modum precabatur: Deus, & cet.

Apoc. 2.

Apud Sur. diet. 1. April.

De Thecla quoque a beatissimo Apostolo Paulo fidei præceptis instituta idem prorsus refert Ado Treuerensis xxii j. Septemb. dicens: Capta ab apparitoribus vt in fo-

Ado Treuer.

cum iactaretur, sponte pyram ascendit, & signo Crucis facto, virili animo inter medias flammās stetit, subitoq. facta inundatione pluviarum, ignis extinctus est, & beata virgo illa, virtute superna erigitur. Eodemq. signo munita, ut idem Auctor testatur, illa quoque euasit a collectis, & congregatis serpentibus in fouea, in quam a furentibus populis deiecta fuerat.

Euphemia virgo sanctissima inter atrocia tormenta machinarum in vno Crucis signo praesidium sibi constituit. De qua haec habet Metaphrastes: *Postquam autem ipsa machine, dicto citius, fuerunt constructa, & Martyr in eas erat conijcienda, validis continuo in se paratis armis, nempe diuina Crucis figura, ac ea signata, aut (ut melius dicam) munita aduersus rotas processit, nullam quidem vulsu ostendens irrisum.*

Confessorum ille maximus, & Monachorum pater Antonius, ut in eius vita scribit Athanasius, se Crucis signo contra innumeras daemonum pugnas, & hostiles incursiones armabat: discipulosq. suos, ut eadem armatura se munirent, saepissime hortabatur inter cetera, dicens: *Solent nocte venientes Angelos Dei se fingere, laudare studium, mirari perseverantiam, futura premia polliceri: quos cum videritis, tam vos, quam domos vestras Crucis armate signaculo, & confestim soluentur in nihilum.* Hoc vero, quod alijs commendabat, Crucis propugnaculo Antonium usum fuisse testatur beatus Hieronymus, dum in vita sancti Pauli primi Eremitae refert illum ad Anachoretarum Principem visendum perrexisse, his verbis: *Et iam media dies desuper, coquente sole, fernebat; nec tamen a capto itinere abducebatur, dicens: Credo in Deum meum, quia quod mihi seruo suo promisit, ostendet. Nec plura his, conspiciet hominem equo mixtum, cui opinio Poetarum equo centauro vocabulum indidit: quo viso, salutaris impressionis signo armat frontem, & ab illo didicit iter ad Paulum.*

Hierony.
in vita S.
Pauli to.
1.

Constantinum etiam Imperatorem se hoc sacro signo muniendi consuetudinem habuisse apud Ecclesiarum

fticarum hiftoriarum Scriptores videre eft. Inter quos hæc habet Eufebius: *Hic Chriftrum libero ore & fermane in omnes diuulgauit, atque interdum vultum falutari illa paffionis fignauit nota, nonnumquam trophæo illo gloriofo plurimum fe extollens.*

De Vic.
Conftât.
lib. 3. c. 2.

Præftantiffimus Patriarcha Ioannes Chryfoftomus fpiritum Deo redditurus, eodem fignaculo fe ipfum infigniuit, vt refert Nicephorus Hiftor. Eccl. lib. xii j. cap. 37.

Sed poft Apoftolorum, Martyrum, Confefforum, & Virginum relata exempla, aliquot nunc Patrum fententijs propositum argumentum confirmemus.

Tertullianus Apoftolorum ætati valde propinquus, ad eam, de qua agimus, fignandi frequentiam comprobendam luculentiffimum huiusmodi testimonium perhibet: *Ad omnem progrefsum, atque promotum, ad omnem aditum, & exitum, ad veftitum, & calceatum, ad lauacra, ad menfas, ad lumina, ad cubilia, ad fedilia, quacumque nos conuerfatio exerceat, frontem Crucis fignaculo terimus.*

De corona
mili-
tis.

His maxime concordant, quæ habet Hierofolymorum olim Antiftes beatus Cyrillus Cathec. iij. vbi dicit: *Fac hoc fignum & manducans, & bibens, & fedens, & ftans, & loquens, & ambulans: In fuma, in omni tuo negotio.* Et cathec. xii j. *Non pudeat igitur nos Crucifixum confiteri, fed in fronte confidenter fignaculum Crucis digitis imprimere, & in omnibus alijs Crux fiat. In panibus comedendis, & in poculis bibendis, & in ingreffu, & egreffu, & ante fomnum, recumbendo, & furgendo, eundo, & quiefcendo.* Et quod ad pocula Cruce fignanda attinet, præclarum a Theodoro refertur exemplum militis, qui, quod Chriftianus effet, detectus, ac increpatus, & in vitæ periculum adductus, quod in conuiuio, fumpto in manum poculo, non ante bibebat, quàm falutare Crucis fignum adhibuiffet.

Hift. Ec-
clef. lib. 3
cap. 13.

Tertulliani & Cyrilli fententiæ fe fubfcribit Ephræm Ediffæ Diaconus beati Bafilij contemporaneus, dicens:

In ferm.
de Cru-
ce.

Nos

Gal. 6. Nos Christiani a Gentilibus & Iudais declinemus, posteq. nostros pretiosa, ac viuifica Cruce coronemus, dicentes cum Apostolo: Mihi absit gloriari, nisi in Cruce Domini nostri Iesu Christi. Pingamus in ianuis, atque in frontibus nostris, & in ore, & in pectore, atque in membris omnibus viuificum signum, armemur insuperabili hac Christianorum armatura: ea enim victrix est mortis, fidelium spes, lux orbis terra, paradisi referatrix, haresum profligatrix, demonum expultrix, monachorum adminiculum, firmamentum fidei, magna, salutarisq. custodia, & gloria perpetua orthodoxorum in aeternum. Hanc, o Christiane, armaturam diebus singulis, & noctibus, horis, atque momentis in omni loco circumferre non desinas, nihilq. sine ipsa perficias: sed siue dormias, siue iter agas, siue euigiles, siue transmissas flumina, hac te lorica circumtege, membraq. tua omnia saluari signo exorna, atque circumsepi.

Insignium horum Doctorum testimonijs adstipulans. S. Ioan. tur quæ S. Ioannes Chrysostomus scripsit in demonstratione contra Gentes, quod Christus sit Deus, dicens: Quam omnes prius abhorrebant Crucis figuram, tantopere querunt, atque adeo ea ubique inuenitur apud Principes, apud subditos, apud mulieres, apud viros, apud virgines, apud nuptas, apud seruos, apud liberos: subinde omnes ea se signant inscribendo in nobilissimum membrum: in fronte enim nostra quasi columna quotidie figuratur.

Prudentius. Ante somnum vero, frontem, locumq. cordis Cruce signandum docet Prudentius in Cathemerino hymno vj. dicens:

Fac, cum, vocante somno,
Castum petis cubile,
Frontem, locumq. cordis
Crucis figura signet:
Crux pellit omne crimen,
Fugiunt Crucem tenebra,
Tali dicata signo
Mens fluctuare nescis.

Accedat ad hæc Gaudentij Brixienſis Episcopi, qui & cir-

& circa eadem tempora floruit locupletissimum testimonium, quo manifeste comprobatur, huiusmodi ad singulas actiones signandi ritum ab ipso Apostolo Paulo fidelibus fuisse traditum. Gaudentij autem verba sunt ista: *Sit sermo Dei, & signum Christi in corde, in ore, in fronte, inter cibos, in lauacris, in cubilibus, & in ingressu, & egressu, in letitia, in merore; ut iuxta beatissimi Pauli doctrinam; sine manducatis, sine bibitis, sine aliquid facitis, omnia in nomine Domini nostri Iesu Christi, qui vos vocauit ad gratiam, faciatis.*

1. Cor. 10

Gauden-
tius tract.
1. de Lect.
Euang. &
in ordi. o-
ctauo. 7

Sed ne in re luce ipsa clariore diutius immoremur, vno beati Paulini Nolani Episcopi testimonio in vita sancti Felicis, Natali 8. ut silentio præteream quæ Hieronymus, Augustinus, & alij sanctissimi, & eruditissimi viri de se Cruce signando scriptis tradiderunt, iam tandem caput hoc concludamus: Is enim Crucis laudes enumerans, ita subiungit:

Hier. epi.
8. & 27. in
vita sancti
Pauli pri-
mi Ere-
mitæ: &
in vita S.
Hilario-
nis.

*Nos Crucis inuicta signum, & confessio munit,
Armataq. Dea mentem, non quarimus arma
Corporis, & quamquam membris videamur inermes,
Arma tamen gerimus, quibus & sub pace serena
Contra incorporeos animis decernimus hostes.*

Ambros.
ser. 58.Aug. de
doct. chri-
stia. lib. 2.
cap. 41.De rect.
cath. cõ-
uers. de
verb. Do-
mini ser.
18. & de
tempore
serm. 131.

*De ratione se rite signandi, & de ijs, quæ ex
ea proficiuntur, utilitatibus.*

AT ne quod graues ac docti viri accurate scriptis tradiderunt, a nobis quasi leuis momenti silentio inuoluatur, rite se signandi formam, eiusq. signationis rationem, ac utilitates, antea quàm vterius progrediamur, explicare minime grauati sumus. Rite igitur, quemadmodum ex Maiorum traditione, scriptoq. accepimus, eum se signare asserimus, qui dextera manu plena, tribus, vel etiam solis duobus digitis ad frontem

Ad ortho
dox. in re
spō. ad q.
118.

ad motis, primo pronunciauerit: *In nomine Patris*. Subinde ad ventrem descendendo proferat: & *Filiū*. Mox ad pectus manum adducens, & a laeuo ad dextrum latus deducens, subinferat: & *Spiritus sancti*. Amen. Formationis autem huiusmodi ratio hæc redditur: Primum, quòd manu dextera fiat, illa est causa, quam a beato Iuliano Martyre accepimus: *Quia honorabilior est dextera quam sinistra; tametsi situ, non natura, ab ea differt*. Si plena manu, hoc est, cunctis simul quinque digitis absoluitur, quinque Domini plagæ: Si tribus, sanctissima Trinitas: Si duobus solis, duæ in Christo naturæ significantur. Patris nomen primum ad frontem pronunciat, quippe qui, cum a nullo sit, reliquarum personarū fons est, & origo. Filius subinde a fronte ad ventrem descendendo exprimitur: quoniam qui a solo Patre gignitur, in temporis plenitudine in Matris Virginis utero descendens, in ea, & ex ea homo factus est. Manus vero ad pectus inter frontem, & ventrem medium reducta, cum dicitur: *Et Spiritus sancti*, in memoriam reuocat, quòd Spiritus sanctus a Patre, Filioq. procedens utriusque amor est, & quasi quidam ipsorum nexus. A laeuo autem ad dextrum latus transitio docet, vere fideles ex hac vita, miseriarum plena, ad cælestem omnium gaudiorum refertam, & a laeuo damnationis ad saluationis æternæ dexteram per Crucis virtutem transferendos.

Commoda vero, ac utilitates, quæ ex huiusmodi sanctæ Crucis cum inuocatione trium Diuinarum Personarum, formatione proficiscuntur, hoc ordine explicantur.

Ioan. Pe-
rell. libro
piarū in-
stitutio-
num.

Primo, signum Crucis præcipua religionis nostræ capita complectitur, quæ credere & palam profiteri, Christiani omnes tenentur. Qualia sunt, sanctissima Trinitatis, Incarnationis, & Passionis Christi, remissionis peccatorum, denique gloriæ cælestis cognitio.

Secundo, in Crucis formatione sancta oratio continetur,

netur, qua sese signantes Deum precantur, vt in omnibus actionibus auxilium præbeat.

Tertio, est oblatio, qua nos, nostraq; omnia Deo offerimus.

Quarto, est quædam in dæmonem cōiuratio, ad eum scilicet depellendum, cuiusq; vires frangendas, & obtendas.

Quinto, hac Crucis formatione, nostra spes excitatur in Deum, vt remissionem peccatorum obtinere possimus.

Sexto, in nobis charitas inflammatur, dum per hoc signum passionem Domini memoria complectimur.

Septimo, incitatur alacriter ad imitationem Crucifixi, & ad nostros labores patienter, immo alacri animo perferendos.

Sacra omnes actiones, quæ circa rem externam exercentur, non possunt sine signaculo Crucis absolui.

CAP. III.

HVmanarum, immo quarumcumque actionū, quædam in exteriorem, vt Philosophi dicunt, materiam transeunt, quædam verò in ipsarum auctore persistunt. Has in præcedenti capite complexi sumus; nunc de transeuntibus, siue illæ circa homines, siue circa quācūque aliam rem exerceantur, testimonia proferamus, vt aperte demonstrare possimus eas omnes sine Crucis signaculo ab ipso Christianæ religionis exordio tradito, compleri non posse. Et prætermiſſis fere infinitis rebus notitiam hominum omnino excedentibus, quæ post Christi in calos ascensum potentissimo signo Crucis factæ fuerunt, tantummodo nonnulla insignium viro-

Dion. A-
scopag.

rum dicta in medium afferemus, quibus res ipsa, quasi ex certissimis tabulis confirmetur. Qua in re primum nonnulla adducenda veniunt ex his auctoribus, qui de mysticis functionibus agunt, quas Ecclesiarum Dei Præsules ad hominum sibi traditas animas purgandas, & Deo dicandas ex Christi, & Apostolorum præscripto adhibere consueverunt. Inter quos primus occurrit sapientissimus ille Philosophus, ac fortissimus Martyr Dionysius Arcopagita, beatissimi Apostoli Pauli discipulus, qui de Ecclesiastica hierarchia cap. 5. par. 2. mysteria consecrationis Episcoporum, & Sacerdotum explicans, post multa ita intulit: *Unicuique autem eorum signum Crucis a consecrante Pontifice imprimitur*. Et cap. 6. eiusdem part. in quo de mysterio monasticae consummationis verba facit, ad finem dicit: *Vbi vero ille (Monachus videlicet) mundo renunciando ista omnia intente promiserit, consignans eum signo Crucis sacerdos tondet, trinas divina beatitudinis personas inelamans*. Et par. 3. *Communia quidem sunt & Pontificibus, & sacerdotibus, & ministris, cum coopantur, & consecrantur, accessus ad divinum altare, inflexio genuum, Pontificis manus admotio, signum Crucis, predicatione, sine laudatio, perficiens salutatio*.

S. Iustinus
In respō.
ad q. 118.

Beatus quoque Iustinus, & ipse Philosophus & Martyr, & a Dionysij ætate parum distans, ad Orthod. post probatum ab ipso ritum orandi orientem versus, hæc habet: *Quemadmodum dextera manu in nomine Christi consignamus eos, qui hoc signo egent, quia honorabilior existimatur, quam sinistra; tamen si suu, non natura ab ipsa differt*.

S. Cypria-
nus.

Sanctus quoque Cyprianus doctrina & Martyrio insignis diuersis in locis non pauca scripsit, quæ ad huius instituti confirmationem faciunt: sed satis erit mihi attulisse quod in libro de baptismo habet his verbis: *Necque enim Paulus pro nobis crucifixus est, aut nos gloriamur in Paulo; sed in Cruce Domini gloriamur, cuius virtus omnia peragit sacramenta: sine quo signo nihil est sanctum, neque aliqua consecratio meretur effectum*.

Confir-

Confirmat hoc ipsum apertissime magni Basilij locus liber de Spiritu sancto, cap. 18. cuius verba quoniam manifestissime redarguunt nostræ quoque tempestatis hæreticos, temere impieq. asserentes nihil in Ecclesia recipiendum præter illa, quæ in sacris Biblijs scripta sunt, paulo latius referre haud superuacaneum erit. Ea autem sunt: *Dogmata, quæ in Ecclesia prædicantur, quedam habemus doctrina scripto prodita: quedam rursus ex Apostolorum traditione in mysterio tradita recipimus, quorum utraque parem vim habens ad pietatem, nec his quisquam contradicit, quisquis sane vel tenuiter expertus est, quæ sint iuxta Ecclesiastica. Nam si consuetudines, quæ scripto prodita non sunt, tamquam haud multum habentes momenti conemur reijcere, impudentes & ea damnabimus; quæ in Evangelio necessaria ad salutem habentur. Immo potius ipsam fidei prædicationem ad nudum nomen contrahemus, quod genus est, ut eius, quod primum est, & vulgatissimum, primo loco commemorem, ut signo Crucis eos, qui spem collocarunt in Christo, signemus.*

Basilij
Magnus.

His adstipulatur in pluribus aureorum operum suorum locis Ioan. Chrysostomus & disertissime hom. 55. S. Ioann. in Matthæum dicens: *Etenim omnia, quæ secundum nos fiunt per ipsam (scilicet Crucem) perficiuntur: et si generari oportet; Crux accedit: & si nutriri, vel pasci mystico illo cibo, & si quodcumque aliud facere, ubique signum victoria nobis assistit.*

S. Ioann.
Chrysost.

Confirmantur eadem per illam sancti Ambrosij sententiam: *Marath amarissimus erat, misit in eum Moyses lignum, & dulcis factus est: Aqua enim sine prædicatione Dominica Crucis ad nullos usus futura salutis est: cum vero salutaris fuerit Crucis mysterio consecrata, tunc ad usum spiritalis lauari, & salutaris poculi temperatur.*

S. Ambro.
lib. de in-
itiadis c. 3
to. 4. in c.
15. Exo-
di de Ma-
rath, vel
Marach, si
ue Mara,
fonte.

Beatissimus quoque pater Augustinus tract. 117. in Ioan. de hac proposita re inter alia hæc habet: *Postremo quid est, quod omnes nouerunt, signum Christi, nisi Crux Christi? Quod signum nisi adhibeatur frontibus credentium, siue ipsi aquæ, quæ regenerantur, siue oleo, quo chrismate un-
guntur, siue sacrificio, quo aluntur, nihil eorum rite perficitur.*

S. August.

Leo Magnus.

Leo præterea ille magnus huic veritati elegantissime fauet, cum inquit: *Traxisti Domine omnia ad te, ut quod in uno Iudæa templo obumbratis significationibus tegebatur pleno apertum. sacramento, uniuersarum ubique nationum deuotio celebraret. Nunc enim & ordo clarior Leuitarum, & dignitas amplior seniorum, & sacratior est unctio sacerdotum: quia Crux tua omnium fons benedictionum, omnium est causa gratiarum, per quam credentibus datur virtus de infirmitate, gloria de opprobrio, vita de morte.*

Finem huic capiti imponat Stephani Papæ subscriptio de consecr. dist. v. cap. Numquid, relata in hæc verba: *Numquid non omnia sacerdotalis mysterij chrismata Crucis figura perficiuntur? Numquid baptismatis unda, nisi Cruce sanctificata peccata relaxantur? Et, ut cetera prætereamus, sine Crucis signaculo quis ad Sacerdotij gradus ascendit?*

De benedictione supra populum.

CAP. IIII.

BREVITATI studens ritum omiseram in Ecclesia frequentissimum, & valde insignem, quo Episcopi, & Presbyteri populo benedicere consueuerunt.

Qui benedicendi vsus, ut ex Chrysostomo, Augustino, aliisque grauissimis Patribus non sine Crucis signo, & ut Isidorus ait, semper cum inuocatione sanctissimæ Trinitatis fiebat. Et cum sit Episcoporum, maiorumque Præsulum quodam modo proprius, Presbyteris tamen aliquando conceditur, cum nimirum absente Episcopo sacra faciunt, vel eo præsentem impetrata primum benedicendi facultate: Episcopi vero non solum sacra facientes, vel diuinis officiis præsentem, verum etiam ubique, & semper quoscunque sibi obuios inuenerint, intra diocesis suæ limites benedicere solent, licet non semper illam solemnitatem adhibeant, qua in fine Missæ vtuntur. Huius vero instituti antiquitas (nam non est quòd

Chryf. in
1. tom. 4.
Hom. 55.
in Matth.
Auguf. de
pec. mor.
& remiss.
lib. 2. c. 26
Isidor. de
diu. offic.
lib. 1. c. 17
Microf.
de Eccl.
obsecr.
cap. 21.

de

de eiusdem frequentia, utpote cunctis notissima differamus) ex eo potissimum colligitur, quod in veteri testamento non tantum adumbrata, sed ad viuum (vt ita dicam) expressa fuit: nempe quando grandævus ille Patriarcha Iacob Ephraim, & Manassem nepotibus suis, *Gen. 48.* ex Ioseph progenitis, & in proprios filios ascitis, benedixit. Etenim illud, quod Moyles refert, manus scilicet, supra puerorum capita commutatas fuisse, proculdubio intelligendū est, eius manus in Crucis figuram fuisse dispositas, & complicatas, vt doctissimus Hieronymus interpretatur his verbis: *In Hiere. cap. 31. to 4. Irido. Hispanen. in Genesim.* Ephraim in typo esse populi de gentibus congregati Scriptura testatur. Fuit enim posterior filius Iosephi, & subripuit primogenita Manasse, qui natura primogenitus erat, sed in mysterio Crucis, decussatis manibus, qui stabas ad sinistram Iacob, dextra manus eius suscepit benedictionem. Cui interpretationi subscribit beatus Ioannes Damascenus dicens: *De Oreb. hie lib. 4. cap. 12.* Iacob adorans summitatem virgæ, alternatis, cancellatisq. manibus, filios Ioseph benedicens, signum Crucis manifestissime descripsit.

Rupertus Tuitiensis typum hunc clarissime explicauit his verbis: *De oper. Trin. li. 9. cap. 24.* Sine dubio transpositio manuum Crucis expressit figuram. Numquid in eo sic manus commutando casu Crucem figurauit? Numquid non poterat eadem ratione data Manassem ad dextram, Ephraim vero ad sinistram posuisse? poterat plane, & prophetico spiritu sciebas, quod per Crucem componenda esset benedictio, quam Legislator daret, vel qua in eo semine benedicerentur omnes Gentes. Quando vero idem ritus in nouo Testamento originem duxerit, supra primi capituli fronte indicauimus, cum scilicet omnium Patriarcharum Pater, Pastorum cunctorum primus & antesignanus, animarumq. omnium nostrum, *Psal. 44. Act. 1.* Episcopus a sibi charissimis discipulis, quos vere Principes super omnem terram instituerat, discessurus eleuatis manibus eis benedixit, quasi hac ratione significans, & admonens eos, qui ex ipsius instituto sacrificium offerunt, eo loco, id est, in fine Missæ, benedictionem solemniter

niter impertiri debere; quemadmodum ipse discessurus impertitus est. At si quis res a Redemptore nostro in mortali carne gestas diligenter consideret, plane confitebitur benedictionem illā fuisse finem Missæ per Christum maximum, & sempiternum Pontificem celebratæ. Nam in quem, obsecro, finem a palatio suo regio, hoc

Psal. 13. est, a summo cælo egressus, in mundissimum almę Virginis vterum descendit, nisi vt in eo tamquam in Pontificio ac sibi soli reservato, cælestibusq. aulæis, omnibus videlicet virtutibus, & gratiarum coloribus, & splendoribus ornatissimo secretario, seu sacrario ad Missam celebrandam se præpararet, indumenta q. sacratissima ad tanta mysteria complenda necessaria, sine quibus nec sacrificium offerre poterat, Patre, ac Spiritu sancto cooperantibus se indueret? Quod profundissimum mysteriū

Heb. 10. vas electionis Paulus satis obscuram Davidis sententiā

Psal. 39. elucidans explicauit in hæc verba: *Ideo ingrediens mundum, hostiam, & oblationem noluisti, corpus autem aptasti mihi. Holocausta, & pro peccato non tibi placuerunt: tunc dixi:*

Psal. 109. *Eccē venio.* Ex quo secretario æternus ille Sacerdos secundum ordinem Melchisedech (vt Psalmographi verbis vtar) tamquam Sponsus de thalamo suo cælestibus choris, quæ omni populo lætissima futura erant, nunciantibus, egressus exultauit vt gigas ad curiendam viā. Quid autem fuit totius vita eius per huiusmodi semitas cursus, nisi solemnisima, & celeberrima quædam, quā

Ioan. 1. tamen nō cognoscit mundus, supplicatio, vel processio ad sibi optatissimum, & a se tanto Pontifice consecrandum, & mirifice, ac ineffabili modo exornandum altare Crucis, supra quod salutaris illa victima immolāda, sacrificium illud incendendum, & holocaustum assumendum, ac consummandum, hoc est, Missa pro viuīs & defunctis celebranda erat? qua hominum vniuersa peccata remittuntur, & patriæ cælestis aditus a mundi exordio propter primi Parentis nostri culpam nobis clausus, referatur, & quæ hominum genus per eiusdem

parentis

parentis ipsius inobedientiam incurrerat damna integre refarcita, sufficientissimeq. reparata, ac instaurata fuerunt: Ipsum vero sacrificium perfectissime absolutum fuisse, in ipso celebrationis actu significauit ipse, qui semetipsum obtulit Sacerdos, cum dixit: *Consummatum est*. Quod Apostolus paucissimis explicauit superiori a me mox relatæ sententiæ subiiciens: *Vna oblatione consummatum in æternum sanctificatos*. Quæ autem postea sequuta sunt, sepultura videlicet, ad inferos descensus, & a mortis resurrectio, quid fuerunt, nisi paucorum, quæ pro integra quadam solemnitate Missæ perficienda erant, adimpletio? Quibus admirabili ordine pro infinita sua sapientia absolutis, non quemadmodum Sacerdotes nostri, rursus Secretarium repetijt, ad sacras vestes depoenendas, quia Verbum Dei, sicuti communis Theologorum schola docet, quod semel assumpsit, numquam dimisit, sed ad cæleste, ac æternum palatium, vnde venerat, remeaturus, celebratæ suæ Missæ ministris, illiusq. ab initio vsque in finem auditoribus, discipulisq. inexplicabili, ac incredibili maiestate benedixit: Quam benedictionem mox sequuta est auditorū dimissio. Nam quod in illius sacrificij incruenti commemorationis fine facit Diaconus, cuius est populū dimittere, tres illas voces pronunciando, *Itē; Missa est;* suppleuerunt Angeli, qui in vestibus albis astiterunt, dixeruntq. *Viri Galilai, quid statis aspicientes in calum?* Ac si dicerent: Hinc vobis discedere licet: non enim est quod diutius hoc in loco moram faciatis, Dominum ac Magistrum expectantes, qui non nisi in sæculi consummatione de cælo, ad quod, vobis videntibus, nunc ascendit, rediturus est.

Licet autem is a nobis ordo seruetur, vt prius scilicet per Diaconum dimittatur; & postea per Sacerdotē benedicatur populus; nihilominus in Missa Ambrosiana statuitur primo benedictio, & mox dimissio populi: Quem morem olim etiam a nostris seruatum fuisse;

Ioan. 19.

Heb. 10.

Damasc.
lib. 3. de
orth. fide
cap. 27.
S. Tho. 3.
par. q. 50.
art. 2. & 3.

Mat. 1.

Amalar. testantur Amalarius, Rabanus, & qui auctor fuit libri,
 de Eccl. qui Micrologus dicitur. Et quamvis huiusmodi regu-
 offi. lib. 2. la rationi valde consona mihi videatur, videlicet vt
 cap. 36. non dimittatur populus antea quàm benedictionem ac-
 Rab. mau. ceperit; tamen quia vsu receptum est, vt Diaconus prius
 de instit. cler. lib. 1. pronunciet, *Ite, Missa est*, quàm Sacerdos benedicat,
 cap. 30. non sine matura consideratione id factum crediderim.
 Microlog. de Eccle. Ideo dicerem, illos, qui monent, vt prius dicatur: *Ite*,
 offi. c. 20. *Missa est*, quibus verbis dimittuntur qui sacris interfue-
 runt, quàm illi a Sacerdote benedicantur, non permitte-
 re vt populus dimissus exeat ante acceptam benedictio-
 nem: sed quòd illa Diaconi voce admoneantur audiē-
 tes (quibus sit abeundi facultas) vt se praparet ad bene-
 dictionem per suum pastorem exhibendam, debita cum
 animi humilitate, & corporis summissione accipiendam.
 De diuin. Quod his verbis indicare viderur Albinus: *Finitis omni-*
 offic. cap. bus, adstanti, & obseruanti populo absolutio datur, inclamante
 celebrat. *Diacono; Ite, Missa est.* Quemadmodum & Amalarius
 Missa ad ff. sentire videtur laudabilem vsu in familiari consuetu-
 dine a Patrum exemplis acceptum, & in familiari con-
 uersatione seruatum afferens in hæc verba: *Et vt cetera*

De Eccl. *prætermittam, sanctorum Patrum exempla, causa compendij*
 offi. lib. 3. *breviter dico: Quando familiarem assum habemus cum seruis*
 cap. 37. *Dei, mere religionis nostra antequam separemur ab illis, in vlti-*
 mo benedictionem petimus. Vt interim non omitam ora-
 tionem, quæ, peracta communionem, dicitur, appellari be-
 nedictionem vltimam, & eam, quæ super populum, præ-
 fertim in ferijs Quadragesimæ dici cōsuevit, vltiorem
 vltimam nominari. Immo & ante sacrosanctæ Eucha-
 ristie, sumptionem benedictio ab Episcopo porrigeba-
 tur, vt illi, qui Corpus Domini sumpturi essent, celesti
 benedictione cumulari possent. De qua re in Con-
 cil. IIII, Toletano, cap. xy I. statutum est his ver-
 bis: *Nonnulli Sacerdotes post dictam orationem Dominicam*
statim communicant, & postea benedictionem populo dant: quod
deinceps interdiximus: sed post orationem Dominicam benedi-

Ho in populo sequarur. Verum vt tandem ad id, a quo digressi sumus, reuertamur, de multis pauca, & quidem illustriora testimonia in medium proferamus, quibus formandæ Crucis ritus super populum non minus utilitatem, quam antiquitatem demonstramus. Occurrit autem primo loco beati Cyrilli Hierosolymitani de Crucis formatione sententia: *Magna est hæc custodia (quasi dicat, & propterea non parum æstimanda) quæ propter pauperes gratis datur, sine labore propter infirmos, cum a Deo sit hæc gratia, signum fidelium, & timor demonum: triumphauit enim de illis hoc signo.* Deinde accedit Concilij Agathensis auctoritas, cui in hac re subscripsit Aurelianus. 111. vbi Patres hunc ritum ita probarunt, vt cauerent maxime ne populus, qui die Dominico totas Missas audire iubetur, ante Episcopi, si adsit; sin minus, Presbyteri benedictionem egredi præsumat. Quæ cum quibusdam verborum formulis enuncietur, non ab re beatus Isidorus Hispalensis consuetudinem benedictionis, quæ a Sacerdotibus confertur populo, asserit a Moyse, qui vt Sacerdos solemniter diuina numinis inuocatione super populum precatus est, acceptam fuisse.

Sed ex recentioribus Rodolphus Decanus Tungrensis, benedictiones, quæ populo adhibentur ab Episcopis, Martialis Episcopi Apostolorum discipuli testimonio, ex ipsorum Apostolorum ministerio deductas existimat.

Quas (sunt autem hæc ipsa eius verba) probabile studium seruientium auxit, Ambrosius dicere capit.

Hinc forte ortum habuerunt CXLV III. illæ benedicendi populo formulæ a Grimoldo Abbate collectæ, quas Iacobus Pamelius vir eruditissimus Tomo I. Liturgicon Ecclesiæ Latinæ adiungi curauit. Quorum plurima adhuc extant in libris Pontificalibus, licet in usu esse iam pridem desierint. Hæc dicta sint de Episcopali, & Sacerdotali benedictione. De qua re D. Iosephus Stephanus Valentinus Episcopus Vestanus in cap. xvi. libri de osculatione pedum Romani

Cathec.
13.

Agathen.
ecocilium
cap. 47.
Aurelian.
concil. 3.
cap. 43.
De cõsc.
d. 1. cap.
Missas.
dic Domi
nico, & c.
Omnes si
deles.

De offic.
Eecl. li. 2.
c. 17. nu. 6
De can.
obseruat.
proposit.
vltima.

* Ita ha-
bet, sed
fortasse
mêdo nō
carēs, le-
ctio.
Grimol-
dus.
Pamelius

Ioseph.
Stephan.
Valent.

- Pontificis, quem nunc secundò additionibus locupletatum in lucem edidit, consulendus erit. Sicuti autem gratum fuerit de benedictione mensæ sine Crucis signaculo haudquaquam fieri solitæ, vt credibile est, testimonium habere, legat Sancti Augustini initium cap. xxi. lib. 11. de peccat. mort. & remiss. vbi post pauca ita habet: *Verum & ipsos cibos, quibus ad necessitatem sustentantur, de huius vite alimur, sanctificari, idem Apostolus dixit, per verbum Dei, & orationem, qua oramus utique nostra corpora refecturi.*
- S. Aug. 1. Tim. 4.

*Crucis in subiecta aliqua materia efformanda
usum apud veteres frequentissimum
fuisse, probatur.*

CAP. V.

HVCVS QVE satis dictum est de usu formandi signum Crucis sola dextera, nullo in re signata vestigio, quod sensu percipi possit, relicto. Restat modo vt in huius primæ partis calce de signandi consuetudine dicatur, quando nimirum Crucis signum pictura, sculptura, textura, futura, vel quacumque alia ratione cernitur expressum. Prima autem huius rei demonstratio peti potest ex Ioannis vaticinio, vel potius (ni fallor) verissimo exemplo, quo illius crebra frequentia, atque etiam antiquitas probatur, vt in Apocalypsi legitur his verbis: *Ecce ego Ioannes vidi alterum Angelum ascendentem ab ortu solis habentem signum Dei vini, & clamauit voce magna quattuor Angelis, quibus datum est nocere terra & mari, dicens: Nolite nocere terra, & mari, neque arboribus, quoadusque signemus seruos Dei nostri in frontibus eorum. Et audiui numerum signatorum centum quadraginta quattuor millia ex omni*

Apoc. 7.

omni Tribu filiorum Israel. Ex tali itaque, tantoq. testimonio constat signandi antiquitas; necnō a numero signatorum eiusdem signi frequentia. Quod autem hæc verba de signo Crucis intelligenda sint, nemini dubium erit, qui Andream Cæsariensem, Bedam, Oecumenium, & Anselmum in huius loci commentariis consulat: Jul 30
Omnes enim hoc Ioannis testimonium, ad Crucis significationem, & impressionem transtulerunt: quoniam signum, de quo loquitur Apostolus, præter inuisibilem characterem, ac mysticam consignationem; impressio- nem quoque in fronte, ceu sigillum quoddam significa- re, vis græcæ dictionis *σπαρῖδα*, quæ vitur Ioannes, satis indicare videtur.

Eadem quoque ratione Ezechielis verba de littera Ezec. 9.
Thau, quæ in frontibus gementium, iussu Dei imprimenda erat, de Cruce intelligenda sunt, teste Tertulliano lib. 1111. aduersus Marcionem, & beato Cypriano lib. 11. testimoniorum aduersus Quirinum cap. xxi. cum ea ex atramento efformanda dicatur: litteram enim illam, Crucis figuram habuisse, in eius Prophetæ commentariis cap. xii. docet sanctus Hieronymus his verbis: *Antiquis Hebraeorum litteris, quibus usque hodie vtuntur Samaritani, extrema Than littera Crucis habet similitudinem, quæ in Christianorum frontibus pingitur, & frequentius manus inscriptione signatur.*

S. Hiero-
nymus.
Ruper. in
Ezec. li. r.
cap. 32.

Hanc vero formationem Crucis non solum in fronte, sed in alijs quoque membris, faciendam fore Isaias fuerat vaticinatus his verbis: *Iste dices, Domini ego sum: & Isa. 44. ille vocabis in nomine Iacob. & hic scribes manu sua, Domino: & in nomine Israel assimilabitur.* Vti enim Procopius Gazæus in illius loci interpretatione demonstrat, permulti Christiani Crucis signa in palmis, & brachijs sibi inuri curabant; fortasse quemadmodum nunc a multis fieri videmus, qui in fronte, seu in manibus feruorum, qui Christi fidem in adulta ætate suscipiunt, Crucis signum cæruleis notis inurunt.

Proco-
pius.

Antiquitatem sculpendæ Crucis in petra ad ipsorum sanctissimorum Apostolorum ætatem referri debere; beatissimi Thomæ Apostoli historia ab Oforio Siluensi Episcopo de rebus ab Emanuele Lusitanæ Rege in India gestis lib. 111. ad finem eleganter narrata demonstrat his verbis: *Anno a Christo nato M. D. LXII. Pontifex Cochienfis misit ad Henricum Cardinalem testimonium publicis litteris consignatum, quod historiam commemoratione dignam continebat: In ea ciuitate, quam diximus appellari Malipurem, & nunc, postquam a Lusitanis frequentari capit, Sancti Thomæ ciuitas appellatur, erat in colle sacellum adificatum, eo quod affirmarent incole in eo loco Thomam fuisse a Religionis hostibus interfectum. Erat autem hoc solemniter institutum, ut in eo sacello octo diebus ante Natalem Christi res diuina fieret, & omnes Christiani in eo conuenirent. Fuerat autem ante quattuordecim annos in eo colle inuenta Crux in lapide incisa, in cuius fastigio columba imago desidebat, basis vero erat in specie quadam herbarum, qua diffundi lasissime videbantur collocata, & tam fastigium quàm basis, & brachia in liliorum formam desinebant. Arcus eam ex eodem lapide factus undique muniebat. In arca erant incisa littera, quas nemo legere poterat. Totum hoc opus integrum, quod erat satis magnum, fuit super altare eiusdem sacelli multorum operis statuum. Hæc Oforius. Subijcitur ibidem insigne miraculum guttarum sanguinis a Cruce illa in lapide insculpta defluentium, sed ne longius digrediamur, satis sit locum indicasse.*

Pingendi autem in muris Crucis viuificæ signum frequentem usum inter cetera demonstrant Templorum nostrorum parietes, qui in eorum dedicatione antiquissimo de more duodecim crucibus rubro colore formatis exornantur, & insigniuntur, ut referunt Petrus Damianus serm. 1. de dedicatione Ecclesiæ, & coætaneus ipsius Iuo Carnotensis Episcopus serm. de Sacramentis dedicationis in lib. de diuinis officijs. Cuius consuetudinis non solum in Ecclesiasticis, sed etiam in prophanis, & communibus fabricis, & ædificijs antiquitatem, & frequentiam

quentiam perpulchro hoc exemplo ostendit Rufinus ad Eusebij historiam lib. xj. cap. xxix. dicens : *Sed & illud apud Alexandriam gestum est, quod etiam Thoraces Serapis, qui per singulas quasque domos in parietibus, in ingressibus, in postibus etiam, ac fenestris erant, ita abscissi sunt omnes, & abradi, ut ne vestigium quidem usquam, vel nominis appellatio, aut ipsius, aut cuiuslibet alterius demonis remaneret. Sed pro his Crucis Dominica signum unusquisque in postibus, in ingressibus, in fenestris, in parietibus, ac columnis pingeret. Quod cum factum esse, hi, qui superfuerant ex paganis, viderent, in recordationem rei, magne ex traditione sibi antiquitus commendata venisse, perhibentur. Signum hoc nostrum Dominica Crucis inter illas, quas dicunt in p̄tinae, id est sacerdotales litteras habere Aegyptij dicuntur, velut unum ex ceteris litterarum, quae apud illos sunt elementis. Cuius littera, seu vocabuli hanc esse asserunt interpretationem : Vita ventura. Dicebant ergo, qui tunc admiratione rerum gestarum conuersebantur ad fidem, ita sibi ab antiquis traditum, quod hac, quae nunc coluntur, tandem itarent, quamdiu viderent signum istud venisse, in quo esses vita. Unde accidit, ut magis hi, qui erant ex Sacerdotibus, vel Ministris templorum, ad fidem conuerterentur, quam illi, quos errorum praestigia, & deceptionum machina delectabant. Hæc autem ubique & ab omnibus cuiuscumque conditionis hominibus in usu positum fuisse, eleganti carmine explicauit Prudentius :*

*Reges, Prophetae, Iudices, & Principes,
Virgine, bellis, cultibus, sacris, stylo
Non desisterunt pingere hanc formam Crucis.
Crux prænata, crux adumbrata est prius,
Crucem vetusta combiberunt sacula.*

Sed adiungemus Ioannis Chrysostomi testimonium, quo frequentissimus Crucis vsus maxime commendatur : ait enim de Cruce : *Hanc ubique celebrari videre licet, in domibus, in foro, in solitudine, in vijs, in montibus, in collibus, in vallibus, in mari, in nauigio, in insulis, in lectis, in vestibulis, in ramis, in thalauis, in symposijs, in vasis argenteis, in aureis, in margaritis, in murorum picturis, in corporibus brutis male affectis,*

Rufinus
lib. 2. sed
11. in ord.
ad lib. Eu
feb.
Greg. Na
zia. in in
fornio
de Ana
stasia Ec
clesia.

In Peri
Stepha
non, hym
no 10.

In demo
stra. quod
Christus
sit Deus.

*Etis: in bello, in pace, in diebus, in noctibus, in delicatarum cho-
reis, in Monachorum ordinibus, adeo certatim donum hoc mira-
bile rapiunt omnes. Et paucis omnia complectens adiun-
git: In precibus Crux, in purpureis Crux, in diadematis Crux,
in armis Crux, & in mensa sacra Crux, & in toto orbe Crux,
& super solem fulget Crux. Horum similia referuntur in
Nicæna Synodo 1 I. ex verbis Leontij Episcopi Neapo-
leos Cypri in eo Concilio recitatis, quæ sic habent: Hinc etiam propter Christum, Christi-
q. passiones passim in Ec-
clesijs, in domibus & in foro, in pieturis, in synodibus, in prom-
ptuarijs, in vestibis, omnibus denique in locis hanc figuram po-
nimus.*

To. 2. Cō
cil. in Sy-
nodo Ni-
cæno 2.
act. 4.

Cassio-
dorus.

Nec prætereundum videtur quod Cassiodorus Tri-
pert. hist. lib. 1. cap. 1 x. refert ex Socrate de Constan-
tino Magno dicens: *Assuescens autem milites, ut, sicut ipse,
Deum colerent, signo Crucis eorum arma signabat.*

Antiquissimus ergo est, & illis temporibus frequentis-
simus erat vsus circumferendi signum Crucis in vestibus
sacris, in indumentis Monachorum, & in ipsorum etiã
militum armaturis. Vnde non est mirum, quod tam
multis, varijsq. modis hic vsus in Ecclesia Catholica fue-
rit mirabiliter propagatus. Taceo nunc Cruces ex pre-
tiosa materia, elegantiq. artificio varijs, multiplicibusq.
ministrorum Ecclesiæ indumentis appositas, quæ in-
tuentium oculos iucundissime afficiunt.

Cruce si-
gnati.

Quis nunc enumerabit tot Equites illustrium milita-
rum; tot Monachos, & alios regularis vitæ professores,
tam multis, & in materia, & in forma, & colore diuersis
Crucibus insignitos? Omitto innumerabiles exercitus
Cruce signatorum, qui primum sub Urbano 1 I. dein-
de sub Innocentio 1 I. pro recuperanda Terra sancta,
certatim arma sumpserunt. At illud minime præter-
eundum, quod sacri signi huius in lapidibus insculpendi
adeo frequens apud veteres vsus fuit, ut in silicibus, ac
marmoribus, humi, & in pavimentis, licet imperite ni-
mis, & irreligiose, insculperetur. Id ne quis in posterum
auderet,

auderet, Theodosij & Valentiniani legibus ita cautum fuit: *Cum sit nobis cura diligens per omnia superni numinis religionem tueri, signum Saluatoris nostri Christi, nemini licere vel in solo, vel in silice, vel in marmoribus humi positis insculpere, vel pingere; sed quodcumque reperitur tolli, grauisima pena multando eos, qui contrarium statuti nostris tentauerint, specialiter imperamus.* Datum xij. Kalend. Iun. Hierid. & Arabario Consulibus.

*Leuita,
cap. 16.
ceteri hic
L. 1. 1. 1.
C. 1. 1. 1.
vi 1. 1. 1.
signum Sal-
uatoris.*

Cuius prohibitionis vsus quantopere Deo gratus extiterit, manifestissime declarauit omni memoria dignū exemplum, quod Paulus Diaconus in historia Miscell. lib. xvij. & beatus Gregorius Turonensis de Tiberio II. Imperatore narrant in hæc verba: *Et quia magnus, & uerus Christianus erat, dum hilari distributione pauperibus opem præstat, magis ac magis ei Dominus subministrat. Nam deambulans per palatium, uidit in pavimento domus tabulam marmoream, in qua Crux marmorea erat insculpta, & ait: Cruce tuâ, Domine, frontem nostram munimus, & pectora: & ecce Crucem sub pedibus conculcamus.* Et dicto citius, iussit eam auferri. Defossaq. tabula, atque erecta, inueniunt subter & aliam hoc signum habentem, quam & iussit amoueri: qua amota reperiunt & tertiam, iussuq. eius hæc etiam aufertur: ea vero sublata, inueniunt arcam magnum thesaurum habentem supra millia centenaria auri, sublatumq. aurum pauperibus adhuc abundantius, ut consueuerat, subministrat; nec ei Dominus aliquid deficere permittebat pro bona voluntate. Sed cum hominum iniuria Imperatorum constitutio in defuetudinem abiisset, in vj. Synodo, can. 73. omnium Patrum consensione edictum ac imperatum fuit ne quisquam Crucis sacratissimæ signum humi depingeret his ipsis verbis: *Cum Crux nobis uiuifica illud salutare ostenderit, nos omnem diligentiam adhibere oportet, ut ei, per quam ab antiquo lapsu saluati sumus, cum, qui par est, honorem habeamus: Quamobrem & mente, & sermone, & sensu adorationem ei tribuentes, Crucis figuras, quæ a nonnullis in solo, ac pavimento*

*Paulus
Diaconus
Greg. Tu-
ronen.*

Syn. 6.

D

sunt,

funt, omnino deleri mandamus, ne incedentium conculcatione victoria nobis trophæum iniuria afficiatur. Eos itaque, qui deinceps Crucis signum in solo construunt, segregari decernimus. Sed si fortasse alicui Crucis in ære, & metallis alijs imprimendæ frequentia, vel antiquitas satis nota non sit, numismata is, argenteos scilicet, & aureos nummos inspiciat, qui a Constantini magni felicissimo illo sæculo ad nostrâ vsque ætatem præclarissimæ Crucis imagine insigniti peruenere. Ita enim illi cum signo Crucis excudi solebant, vt tanti miraculi, atque victoriæ, quæ per Crucem Imperatori contigerat, memoriam retinerent, vt testatur Sozomen. hist. Eccles. lib. 1. cap. 8. his verbis:

Sozom.

Quin etiam suam imaginem, seu in nummis expressam, seu depictam, in tabulis insit semper hoc quoque diuino signo inscribi, consignariq. Cuius rei etiam adhuc testimonio sunt imagines eius hac figura descriptæ. Quod forte ab eodem auctore acceptum retulit Nicephorus hist. Eccl. lib. 7. cap. 47.

Nicephorus.

in hæc verba: Quam etiam ob causam eam (videlicet Crucem) summo opere in veneratione habens in nummis suis & imaginibus omnibus insculpi, inscribiq. fecit. Testantur hoc imagines eius, eo habitu, & forma propositæ.

Sed quid Lectorem moror in ostendenda Crucis antiquitate, ac frequentia tantummodo in sacramentis, & sacramentalibus, & in ceteris ad diuinum cultum vel quacumque alia ratione ad Christianam pietatem spectantibus, cum & ipsa quotidiana munia, in quibus miser homines mortales pro corporis vita tuenda se diuersis modis excruciant, non sine Crucis figura in illis quodam modo impressa expleri possint, licet, vt beatus Iustinus ait, non omnes aliud agētes aduertant? In cuius rei considerationem Mediolanensem Pastor Ambrosius, vt omnes adduceret, dicebat: *Grande Crucis est sacramentum: & si intelligamus, per hoc signum etiam mundus ipse saluatur: nam eum a nautis scinditur mare; prius ab ipsis arbor erigitur, velum distenditur; vt Cruce Dominus facta, aquarum flumina expandantur, & hoc Dominico securi signo porcum saluare perunt,*

Iustin. 2.
pol. 2.
Ambr. 10.
5. serm. 2.
de Cruce
in Para-
scæue, in
ord. 52.

petunt, periculum mortis evadunt. Et infra: Sed & bonus agricola cum parat terra solum versere, & vita alimenta perquirere, non nisi per signum Crucis id facere conatur. Dum enim aratro dentale subiecit, affigit aures, stivam inserit, figuram Crucis imitatur: compactio enim ipsa similitudo quadam est Dominica passionis.

Neque vero Crucis antiquitatem, ac frequentiam in ijs tantummodo, quæ hominum industria & arte fiunt, licet agnoscere, cum simul ipso cum tempore Crux esse coeperit, & in ipso cælo, quod vnà cum tempore, & motu initium habuit, ab eius opifice figurata descriptaq. videatur, & quidem tanta cum æquali partium commensuratione, atque frequentia, vt numquam non appareat: & in ipsismet hominibus brachiorum apta dispositione cernatur, eodem Ambrosio teste, qui de cælo ita dicit: Cælum quoque ipsum huius signi figura dispositum est. Nam cum quatuor partibus, hæc est, Oriente, & Occidente, Meridiano, & Septentrione distinguitur, quatuor quasi Crucis angularis continetur. De homine vero subdit: Ipsius etiam incessus hominis cum manus leuaverit, Crucem pingit, atque adeo eleuatis manibus orare precipimur, vt ipsa quoque membrorum gestu passionem Domini fateamur. Tunc enim citius nostra exauditur oratio, cum Christum, quem mens loquitur, etiam corpus imitatur. Et paulo infra: Hoc igitur Dominico signo frangitur mare, terra colitur, cælum regitur, homines conseruantur.

Horum similia S. Hieronymus, siue quicumque fuerit auctor eorum, quæ illi adscribuntur, commentariorum in Marcum, explicauit his verbis: Ipsa species Crucis, quid est nisi quadrata forma mundi? Oriens de vertice fulgens: Arcton dextra tenet: Auster in laua consistit: Occidens sub plantis firmatur. Vnde Apostolus dicit: Vt sciamus, quæ sit altitudo, & latitudo, & longitudo, & profundum. Aues quando volant ad æthera, formam Crucis assumunt: homo natans per aquas, vel orans, forma Crucis vehitur: nauis per maria antenna Crucis similata sufflatur. Et re vera nulla est figura om-

S. Ambr.
eisdē to.
& serm.

In Marc.
cap. 15.
to. 6.

Ephes. 3.

De diu.
off. cap. de
singul. ve-
ritatibus.

Marsil. Fi-
cin. lib. 3.
cap. 18. de
vit. cxli-
tus cōpa-
randa, &
Cxl. Rho-
dig. li. 10.
Antiqui-
tatis. cap. 8
tom. 1. in
Editioni-
bus recen-
tiq. ubi,
& ab eo-
dē auctis:
in vetu-
stioribus
autē lib. 6
Marsilius
floruit an-
no 1490.
Rhodig.
autē cir-
ca annum
1500.

Lib. 4.

nibus tam natura, quàm ab arte effectis ita communis, nec oculis hominum æque grata, sicut est figura Crucis, Cui Albinus Flaccus inter omnes creaturas apicem, primatumq. concedit, dicens: *Quattuor litteræ in lamina scriptæ, quattuor sunt cornua Crucis totum mundum complectentis: Cruci enim Christi in omni creatura apex conceditur, quæ omnium fidelium frontes signantur.* Ad cuius figuræ inter ceteras omnes dignitatem intelligendam, non ingratum erit Lectori hic scribere, quæ Marsilius Ficinus, & Cælius Rhodiginus de illa ex Arabum sententia referunt: *Traditum est ab Arabibus, Crucis figuram videri ceteras quatuor sunt præstare, quoniam superficies prima, Cruce describitur: sic enim in primis longitudinem habent atque latitudinem, primaq. hæc figura est & omnium recta quàm maxime; constansq. rectis angulis quattuor: Effectus vero celestium maxime per rectitudinem angulorum, radiorumq. resulant. Tunc enim stellarum potestas prænales, quando calæ quattuor habeant angulos, vel cardines potius, Orientis videlicet, Occidentis, & medij utrinque calæ. Sic vero disposita radios ita coniungunt in se inuicem, ut Crucem inde constituent: Et infra: Ego vero quod de Crucis excellentia fuit apud Aegyptios ante Christi aduentum, non tam muneris stellarum testimonium fuisse arbitror, quàm virtutis præsagium, quam a Christo fuerat acceptura.*

Nec illud consideratione indignum est, quod Pererius Valentinus in egregijs suis in Daniele commentarijs de Stella, quæ Crucifer dicitur, se accepisse narrat his verbis: *Qui ad nos scripserunt, vel etiam venerunt ex regione Americana, quæ calo Antarctico subiecta est, affirmarunt in eo calo, nec tot terni stellas, quot in Arctico, easq. minus fulgere, aspectuq. notabiles, præter unam quandam valde illustrem siderum speciem & effigiem, quàm Cruciferum appellari. Hoc sidus quattuor ex fulgentibus ex aquo fere distantibus stellis in similitudinem Crucis pulcherrima figuratum est. Ex quibus optime deduci potest imaginis Crucis excellentia, quæ tanta est, ut non tantum figuras naturales, verum & Astro-*

Astrologicas, & Mathematicas superet.

Sed ut ad ritum Crucis signandi sermonem conuertamus, innumera profecto alia Patrum dicta, & aliorum Sanctorum exempla prope infinita non deessent ad eiusmodi ritus antiquitatem, & frequentiam confirmandam: a quibus superfedendum existimaui, quia per ea; quæ dicta sunt, satis superque probatas censeo: Nam quæ maior antiquitas, ut de hac præcipue loquamur, desiderari potest, quam quod hic se signandi adhibito Crucis signaculo usus una cum ipso nomine Christiano, Christianisque ipsis initium, & ortum acceperit, progressionemque fecerit? At clarissime iam constat, eos, qui post Christum Ecclesiæ fundamenta iecerunt, sanctissimos videlicet Apostolos, & qui eandem surgentem suo sanguine irrigarunt, hoc est beatissimos Martyres sacra huiusmodi figura se pie muniuisse, atque signasse, cuiusque usum omnibus fidelibus tradidisse: Cuiam vero hæc exacte ac diligenter explanata non videatur? Patet enim neminem ex ijs, qui Christo nomen dederunt, ab ipsa nascentis Ecclesiæ infantia, Christiano huiusmodi symbolo tum ab alijs, tum a semetipso, & quidem sæpissime, insignitum non fuisse: Ne igitur in re manifestissima frustra versari, ac laborare videamur, ad ea, quæ in secundo Libro explicare proposuimus; redeamus; sed prius nonnulla enarramus exempla illorum, qui gravissima damna passi sunt ob Crucis viuificæ signaculum neglectum.

*Varijs exemplis ostenditur, illos multis periculis
subiectos esse, qui se, suaq. signaculo
Crucis munire negligunt.*

Greg. Ma-
gnus li. 1.
Dial. c. 4.

MANIFESTISSIME demonstrat id, quod pro-
bandum sumpsimus, historia de sanctimoniali a
Magno Gregorio lib. 1. Dialog. cap. 4. in hæc verba re-
lata: *Quadam die una Dei famula ex eodem monasterio Vir-*
ginum, hortum ingressa est, que lactucam conspiciens concupivit,
eamq. signo Crucis benedicere oblita, auide momordit: sed arrepta
a damone protinus cecidit. Facit præterea ad eandem rem
confirmandam quod idem grauissimus Auctor de Mar-

Greg. li. 1.
Dial. c. 11.

tyrio monacho refert in hunc modum: Dum quadam
die Frater illius panem subcinericium fecisset, eiq. obliti es-
sent signum Crucis imprimere siculi in hac provincia crudi, pa-
nes signo signari solent, ut per quadras quatuor partiti videren-
tur, idem Dei famulus affuit, eiq. referentibus signatū non fuisse
cognovit. Cumq. iam panis ille prunis esset, & cineribus coopers-
tus, dixit: Quare hanc minime signasti? Qui hoc dicens, signum
Crucis digito contra prunas fecit. Quo signante, protinus im-
mensum ereptum panis dedit, ac si, ingens in ignibus olla cre-
puisset. Qui dum coctum postmodum fuisse, ab igne subtractus,
ea Cruce signatus inuentus est, quam non contactus, sed fides fe-
cit. Extat tertiò insigne Ketelli exemplum a Gulielmo

De rebus
Angl. lib.
2. cap. 21.

Neobrigensi scriptis traditum in hæc verba: *Contigit Ke-*
tellum aliquando eorundem pene bastium, demonum sauitiam ex-
periri: Fessus ex agrario opere domum reuersus, dum somno gra-
uaretur, sacri se signaculi nequaquam impressione muniuit. Dor-
mientis loco solito soli, astitērunt duo demones saui nimis, atque
terribiles: & excitatum apprehendentes: Surge (inquiunt) Ke-
telle, incidisti in manus nostras, infellos sentire habes, quos pro-
uocare minime timuisti, quorum mysteria toties prodidisti. Ille
subito casu attonitus nomen Christi inuocare, & signare se vo-
luit,

luit, nec valuit: manus enim eius ac lingua tenebantur, ne sacri-
vel signi, vel nominis munimine tueretur. Noli (inquiunt)
Ketelle frustra contrari, manum, linguamq. uiam ligauimus, ut
nihil tibi aduersum nos ualeat suffragari. Cumq. de illo ita
triumphare videretur, & maluit, quod ei facere cogitabant,
verbis minacibus atque insultatorijs praeuenirent, repente inue-
nit splendidus bipennem manu ferens introire, stansq. in medio:
bipenni molliter digito tacto funitum ingentem dedit. Quo soni-
tu exterriti daemones, relicto, de quo triumphare ceperunt, homi-
ne, diffugerunt. Tunc accedens iuuenis, quem eiusdem hominis
credo fuisse Angelum, Ketelle (inquit) negligentia tua pene te
nunc periclitari facit, caue ne ulterius te inueniant insidantes
tibi hostes incermem. Incermem proculdubio tunc dixit, quia sibi
Crucis signum non imprefferat.

Hæc in eum finem relata sunt, ut nos aliorum peri-
culis cauti effecti, & quantæ virtutis Crucis signum sit
edocti, numquam fortissimo huiusmodi clypeo nos ip-
sos munire negligamus, nullum opus in hoc mus, nisi
hoc sacro signo pie præmisso. Pie, inquam, quia non
desunt, qui eodem impie, & in suam quidem ipsorum
perniciem abutantur: quos admonens Origenes dicit
Vt ergo non exprobremur ab insipiente diabolo, conuerſamur nos
ab omnibus iniquitatibus nostris, ne deprehendens in nobis ma-
culas peccatorum, id est, sua voluntatis insignia, exprobet. &
dicat: Ecce hic Christianus dicebatur, & signo Crucis signaba-
tur in fronte, mea autem voluntates, & mea chirographa ge-
rebas in corde. Quod apertius explicatur a beatissimo
Patre Augustino in hæc verba: Omnis qui ad aliquid ma-
lum opus currit, si forte pedem impegerit, signat os suum, & nescit,
quod includit potius demonem, quam excludat. Tunc enim
bene se signaret, & diabolum de corde suo depelleret, si se ab illo
opere nefando renouaret. Vnde & supra de ijs, qui ad spe-
ctacula furiosa, vel cruenta, vel turpia currebant, præ-
miserat: Qui si forte in ipso circo aliqua ex parte expan-
ſcant, continuo se signant, & stant illic portantes in fronte, unde
abſcederent si hoc in corde portarent. Pie autem illum se si-

Barz. 21
21. m. 21
01. 01. 21

Sup Psal.
38. hom. 2
21. m. 21
01. 01. 21

Lib. 50.
homilia-
rum. ho-
mil. 21.
sub init.
Ruper. in
Leuit. lib.
1. cap. 33.

gnare crediderim, qui imprimendo sibi Crucis signaculum, illo se totum, & omnes suas actiones sanctissimæ Trinitati, in cuius nomine se signat, dicare: & eius numini consecrare studet, & quasi cum Apostolo dicit:

Gal. 2. Christo confixus sum Cruci: Manus, inquam, pedes, & reliqua membra mea confixi, ut numquam proprio, sed semper Christi arbitrio illis utar, vnoq. eius spiritu ducar, ut qui illius semper voluntatem, & meam nunquam, me facturum toto & sincero corde profitear.

De Sanct.
Serm. 19.
in fi. to. 10.

Hinc vero omnia feliciter cuque cessura, omniaq. consolationis genera euentura non secus ac si ipsum Dominum in forma visibili præsentē haberet certo polliceor, idq. nō meis, sed Augustini sanctissimi Patris verbis, qui ita ait: *Quod faciebat in terris corporis Christi præsentia, hoc facis cū fidei inuocatione nominis Christi victoriosa Crucis insignita memoria.* Et paulo superius ait: *Qui hoc mare magnū, & spatiosum, in quo sunt reptilia, quorum non est numerus, absque naufragio transire desiderat, Crucem sequatur, Crucem teneat, & eam non deferat donec ad optatum salutis portum perueniat. Hoc cursum nostrum dirigit: Hoc ad agonem nos instruit: Hoc in luctamine nos adiuuat: Hoc ad victoriam prouehit: Hoc maleficia destruit, & omnia demonum machinamenta ad nihilum redigit.*

S. August.
de temp.
serm. 181.
cap. 3.

Hæc Augustinus: qui cur Dominus crucifigi, & non præcipitari, vel lapidari, seu gladio truncari voluerit, rationem afferens, inquit: *Vsq̃ue causa nostra salutis hoc fecit. Mors enim Christi, signum est nostra salutis. Noluit ergo lapidari, aut etiam gladio percui, quia videlicet nos semper nobiscum lapides aut ferrum ferre non possumus, quibus defendamur: elegit vero Crucem, qua leui motu manus exprimitur, qua & contra mundi versutias munimur.*

FINIS LIBRI PRIMI.



LIBER

LIBER SECVNDVS

De antiquitate ritus deferendi Vexillum
viuifica CRVCIS summo Pontifici
in publicum prodeunti.

Crux corpore, & mente tollitur.

CAP. PA. I.

INNOCENTIVS Pontifex huius no-
minis III. (vt hinc secundi Libri
exordium ducamus) interpretans il-
lud Luca 9. *Qui vult venire post me, ab-
neget semetipsum, & tollat Crucem suam,
& sequatur me,* docet Crucem tolli,
vt ipsius verbis utar, spiritualiter & materialiter. Et
prosequitur: Spiritualiter quidem duobus modis, per
mentis scilicet compassionem, & carnis afflictionem.
Cum enim, ait, quisque cruciatur in corde compati-
endo proximo, tunc utique Crucem tollit cum Apostolo,
qui dicebat: *Quis infirmatur, & ego non infirmor? quis scan-*
dalizatur, & ego non uror? Cum vero cruciatur in cor-
pore, affligendo seipsum, tunc etiā cum Apostolo Cru-
cem tollit, qui ait: *Castigo corpus meum, & in seruitutem*
redigo, ne forte cum alijs pradicauerim, ipse reprobus efficiar.
Alia præterea ratione, materialiter videlicet, duobus
quoque modis Crux tollitur: Nam in signum religio-
nis quidam arctioris vitæ genus amplexati, Crucem

Sem. 1. de
vno Mar-
tyre.

Greg. in
Euāg. ho-
mil. 32.

2. Cor. 1.

1. Cor. 9.

E

portant,

To. 3. Bi-
blior. SS.
Patrū, de
prouiden.
Dei. lib. 3

Matt. 27

Apud Sur.
die 8. In-
lij to. 4.
Lipom.
tom. 6.

portant, vt ostendant se spiritali & speciali quodā mo-
do mancipatos esse ad obsequium Crucifixi. De quibus
& spēciatim de illis, qui foris tantum, & non in corde
Crucem gēstant, sapide scripsit Sālūianus Massiliensis
Episcopus in hæc verba: *Nam & qui renunciare diuitijs vi-
dentur, non sic renunciant vt penitus renūciasse videantur. &
qui putantur Crucem portare, sic portant, vt plus habeant in
Crucē dignitatis, quā in Passione supplicij.* Alij in suppli-
cium, vt qui pro iustitia vel offēsa olim Cruci affige-
bantur, quemadmodum iuxta Crucem IESV duo la-
trones crucifixi fuerunt, vnus a dextris, alter a sinistris.
Nostrū autem institutū est de materiali, & ea quidem
publica gestatione tractare: cuius plane, publicæ, in-
quam, manifestæq. gestationis, licet ante Constantiniani
magni Imperatoris ad Christum conuersionem, nul-
lum exemplum hactenus inuenire potuerim, id enim
sæuientium in Christianos Tyrannorum impietas, &
persequutio, nec passim, nec palam, nec honorifice
fieri permittebat; nihilominus tamen præter priuatam
Crucem, quam quisque Christianus apud se deferebat,
qualem porro gestasse Procopium martyrem ex auro
confectam refert Metaphrastes, facile adducor vt cre-
dam, Christi fideles nullibi ad sacra faciēda, & susci-
piēda: & ad Dei verbum in communi audiendum
conuenire solitos fuisse absque sanctissimi Vexilli Cru-
cis eleuatione, salutatione, & adoratione. In locis
vero, quorum incolæ omnes, vel pars illorum
maior Dei, & Virginis Filio nomen dede-
rant, nemini dubium esse arbitrarer,
salutaris Crucis trophæum tam-
quam victoriæ signum pa-
lam & publice circum-
ductum.

*De Crucis erectione, ac fixatione, durante
idolatrarum Principum in Chri-
stianos persecutione.*

CAP. II.

CRUCIS, quam materialem dicimus, duplex in Ecclesia semper fuit usus, nam vel in certo loco statui, & affigi, vel de loco ad locum circumferri consuevit. De utroque dicendum est: Et primo de fixatione, tum quoniam hæc circumlationem tempore præcessit, tum etiam, & maxime, quia de circumferendæ Crucis usu longe prolixior sermo habendus est: ad illum enim omnis hæc a nobis tamquam ad scopum dirigitur disputatio. Quis autem in dubium reuocet sanctæ Crucis fixationem multis annis antecessisse eiusdem circumferendæ ritum, plurimasq. alias, ac fere sacras omnes Ecclesiæ cæremonias? Declarat id in primis usus sacratissimæ illius, ac felicissimæ Crucis, propter quam ceteræ Cruces omnes in veneratione esse cœperunt: nam in Caluariæ monte primum defixa fuit: in quo post aliquot sæcula Helenæ Imperatricis iussu celeberrimum templum ædificandum erat, quasi præsagium, & felicissimum quoddam auspiciū illius consuetudinis in Ecclesiam inferendæ, quæ a sanctorum Apostolorum ducta temporibus in hæc vsque diem religiosissime seruatur, nimirum vt in locis templorum, ad Dei Sanctorumq. honorem ædificandorum, ante omnia Crux per Episcopū defigatur, & hac ratione diuino cultui ea dicata esse significantur. Indicatur hoc in xxxj. canone Apostolorum, in quo presbyter condemnatur, qui, contempto proprio Episcopo, altare fixerit: vbi Theodorus Balsamon, *σαυροπηγίαν*, idest Crucis fixationem, pro altaris constructione intelligit, quæ a solis Episcopis statui, &

Crucis v-
sus in Ec-
clesia du-
plex.

in
felicissimam

Theodo-
rus Balsa-
mon.

affigi debet, cum soli ipsi affigendarum Crucum, & construendorum altarium habeant facultatem.

Suffragatur huic veritati Syluani Troadis Episcopi ætati Apostolorum proximi exemplum, qui vt Simeon Metaphrastes refert, Crucem plantauit vbi fundaturus erat Ecclesiam apud reliquias gloriosi Episcopi, & martyris Cornelij Centurionis, ab ipsomet Martyre illi reuelatas, Metaphrastis quidem verba huiusmodi sunt:

Apud Sur.
die 13. Se-
ptemb. in
vita sancti
Cornelii
Cæt. mart.

-ab

Aurelian.
Conciliū.

Nicæna
Synodus.

De Eccl.
necesse est
quod autē.

Athen.
de Eccl.
bi p. 1.
ul. & si
q. 1. m.

Cum precatu fuisset, & Crucem fixisset in terram, & manum inieciisset, ipsas excidit radices, &c. Quem ritum adeo probauit posteritas, vt tam sæcularis, quàm Ecclesiastica potestas de illo minime negligendo legem tulerint. De illo siquidem Aurelianen. Concilium ita decreuit, & habetur de consecr. distin. 1. cap. *Nemo Ecclesiam adificet antequam Episcopus Cinitatis veniat, vt Crucem figat.* Et in Nicæna Synodo 1. I. act. 1. & 1. I. referuntur ex Epistola beati Nili ad Olympiodorum Proconsulem hæc verba: *Debet enim esse firma, & virilis sententiæ genninum in sacro loco ab Oriente sanctissimi templi unicam & solam effigiari Crucem.* Iustinianus vero Imperator de eodē ritu in perpetuum seruando ita sancit: *Si quis voluerit fabricare oratorium aut monasterium, precipimus non aliter inchoandam fabricam, nisi locorum sanctissimus Episcopus orationem ibi fecerit, & venerabilem Crucem fixerit.* Cuius plane legis ab Ecclesia perpetuo seruata testis est liber Pontificalis in 2. parte, vbi cū agitur de benedictione primarij lapidis pro Ecclesia adificanda, lex in hanc formam statuitur: *Nemo Ecclesiam adificet priusquam Episcopi iudicio locus, & atrium designetur, & per eum, vel eius auctoritate Crux in loco figatur.*

-ol

Admirabilis præterea Patrum, & Apostolicorum virorum in Deum nostrum crucifixum dilectio, & incredibilis fere eorumdem nobis plusquam satis nota in Crucem affectio faciunt, vt nobis persuadeamus, quod non in Ecclesijs solum & diuino cultui dicatis locis, verumetiam, & intra domos proprias, foris, & vbique (ijs

exceptis locis, ubi per tyrannorum impietatem ac rabiem non licebat) venerandum Crucis trophæum ab illis erigebatur. Nos haud difficile credimus in Cruce vbiq; figenda & origenda, id ab illis seruatum, quod in Cruce sculpenda factitasse Alexadrinæ Ecclesiæ primos Christianos, supra retulimus: Neimpe ut ea salte loca sanctæ Crucis signi defixione expurgarent, & munirent, quæ antea alicuius idoli, & dæmonis affixione & adoratio, ne deturpata, & excrabilia reddita fuerant: quale narratur fuisse cōsiliū a beato Apostolo Philippo datum Scithiæ gentibus, quibus per annos viginti Euangelium prædicauit, relatum ex lib. 10. historiæ Apostolorum, quam supra citauimus, Abdiæ, si vera sunt quæ de illo narrantur, sanctorum Apostolorum coetanei. Fuit autem huiusmodi: *Deiçite hunc Mariem, & confringite. & in loco, in quo fixus videtur stare, Crucem Domini mei Iesu Christi affigite, & hanc adorete.* Verisimilia quidem, valdeq; probabilia apud omnes fideles hæc futura esse non dubito. Verum quia & illud nemini dubium esse arbitror, infidelium Principum sæuiente in Christianos persecutione, id nec palam, nec passim seruari potuisse: Nobis autem sermo sit in primis, non de priuata, & occulta signi Crucis fixatione (de cuius vsu tunc quoque temporis in cryptis, speluncis, & varijs latebris, nemo est qui dubitare possit) sed de publica, & aperta, & cum honorifica pompa celebrata. Ideo ad ea, quæ paulo post consequuta sunt, sæcula deuēiamus, in quibus non solum sine metu, & impune, verum etiam cum meriti, & præmij accessione apud Deum, & homines id fieri licuit: & illorum temporum testes proferamus, quibus huius rei antiquitas & frequentia demonstratur. Cui vero gratum esset ex vno eodemq; loco, occultæ simul, & manifestæ, ac publicæ fixationis testimonium accipere, historiā septem dormientium Martyrum a Metaphraste narratam legat: vbi refert quod Iamblicus ex illorum numero vnus, ab eis, postquam a diutur-

Trophæo
Crucis ve-
nerandū ē

Crucis v-
sus occult-
us, & ma-
nifestus.

Apud Sur.
die 27. Ju-
lij, & apud
B. Grego.
Tur. plur.
mar. c. 99.

Crucis si-
gni Ephe-
si erectū.

no illo somno excitati fuerunt, ad emendos panes mis-
sus, admirans quod Crucis signum in Ephesi foribus
erectum videret, ita secum loquebatur: *Heri vespere hu-
ius Crucis signum in lasibulis conseruabatur, & nunc aperte in
ipsius Urbis foribus erectum videmus!*

Ecce quā paucis erectionis ac fixationis sanctæ Cru-
cis vterque vsus, occultus scilicet primū, deinde ma-
nifestus a dormiente isto vigili explicatus conspicitur.
Nunc tandem longe illustriora & sole ipso clariora pu-
blicæ affixionis signi almæ Crucis exempla scriptis tra-
dita petamus ex testibus, omni, vt dicitur, exceptione
maioribus.

*De publica, & honorifica signi Crucis erectio-
ne, ac fixatione post Constantini Imperato-
ris ad Christum conuersionem.*

CAP. III.

POST QVAM Constantino Imperatori aduersus
Maxentium proelium inituro, diuina illa, & in pri-
mis admirabilis Crucis visio apparuit, & vexilli instar
fabrefacti, illius exercitum antecedentis, Christianissi-
mus Imperator de impijssimo hoste victoriam reporta-
uit, nemo satis vnquam explicare poterit, quanta vene-
ratione triumphale illud signum cuiusvis generis Vr-
bis Romæ homines prosequuti fuerint: Tunc enim
maximo sumptu, ac pretiosissime exornari coeptum
fuit, in sublime attolli, & statui, ac honorificentissime
simul & religiosissime circumferri: quemadmodū Eu-
sebius, qui supremo illi Principi maxima beneuolen-
tia coniunctus fuit, Arthemius, qui sub eodem milita-
uit, Socrates, Sozom. Nicephorus, & ceteri, qui illo-
rum temporum historias texuerunt, indubiam fidem
faciunt. Sed mihi ynus Eusebij verba satis erit attulisse:

Sozom. li.
I. cap. I.
Niceph.
lib. 8. c. 3.
& lib. 7.
cap. 29.
Euseb. de
vita Con-
stant. li. I.
c. 22. 23.
& 24.

Cum

Cum iam, inquit, sol ad medium calum ascendisset, die in pomeridianum tempus paululum inclinante dixit (ipse videlicet Cæsar Constantinus) se Crucis signum ex lucis splendore figuratum in ipso calo soli imminens manifestò oculis aspexisse; in eoq. inscriptionem consignatam; qua hæc verba complectebatur:

IN HOC VINCE. Admiratio ingens ipsum & totum exercitum, qui cum copiam iter facientem comitabatur, atque adeo huius prodigij spectator factus erat, inest. Sed dubitatione admodum intra se distrahi, quid tandem illud ostentum sibi vellet, asseruit. Atque cum diu multum de eo cogitantem oppressu nox: Ibi ei dormienti Christum Dei cum signo in calo monstrato visum esse, præcipisseq. ut exemplari ad imitationem illius signi, quod in calo apparuerat, fabricato, eo tamquam præsidio in præliis cum hostibus committendis uteretur. Ille simul atque dies illuxit, primum arcanum illud visum amicis exponit: deinde artificibus, qui aurum, & lapides pretiosos assabre sculperere norant, accersitis, medio inter illos loco assidet, verbis signi describit effigiem, eam auro & lapidibus pretiosis imitatione adumbrare mandat. Et paulo infra subdit. Atque Deo omnium moderatore sibi patraro ante oculos proposito, & Christo Salvatore, adiutoreq. inuocato, & salutare signo, tamquam victoria trophæo ante armatos suos, & satellites collocato, cum toto exercitu procedit, Romanis libertatem, quam a Maioribus accepissent, recuperaturus.

Sed ut prosequamur quem primo instituius de Crucis erectione, ac fixatione sermonem, maxime ad eam rem faciunt (ut infinita prope alia prætermittamus) quæ ab eodem Eusebio referuntur his verbis: At ille utpote pietate in Deum tamquam naturaliter menti insita imbutus, præsidij a Deo allati admodum conscius exemplo preces cum gratiarum actione auctori victoria imperij; atque illustribus inscriptionibus, columellisq. erectis omnibus, salutaris Christi signi virtutem promulgavit, inq. Urbe media, quæ præ ceteris principem locum facile obtinet, ingens illud trophæum contra hostes erexit; & hoc salutare signum characteribus, qui nullo modo deleri poterant, in eo insculptis Romanorum, aliorumq. omnium imperio

subie-

Cap. 31.

Eodē lib.
cap. 33.

subiectorum propugnaculum esse demonstravit, palamq. omnibus proposuit ad intuentum; ac statim ubi erectum hastile ad formam Crucis in manum propria imaginis in statua expresse insertam, Roma in loco celebri, ac multum a populo frequentato locatum fuit, hanc Inscriptionem Latino sermone in eo mandat inscribere:

*Hoc salutari signo, vero fortitudinis indicio,
Civitatem vestram tyrannidis iugo liberavi,
Et S. P. Q. R. in libertatem vindicans,
Pristinam amplitudini, & Splendori restitui.*

Hist. Ec-
cles. lib. 7.
cap. 14.

Nec tot tantorumq. beneficiorum perpetua huiusmodi monumenta in veteri tantum, sed in noua quoque Roma, Constantinopoli videlicet, statui diligentissime curauit, de quibus hæc scripsit Nicephorus: *In foro autem, quod nunc quoque Constantini dicitur, porphyriticam & maximam illam columnam Roma aduectam statuit, in qua statuum suam ex ære factam collocauit, quæ dextera manu ingem aureum malum continet, atque ipsi malo veneranda Crux ab eo infixa cum tali inscriptione: TIBI CHRISTE. DEVS VRBEM HANC COMMENDO.*

Et hinc fortasse acceptum est, ut inter alia Imperatoris insignia globus quoque Crucem desuper infixam habens nouo Cæsari in eius coronatione præbeatur: quod satis per se perspicuum probant magis aurea numismata, quæ anno tertio Pontificatus Sixti V. in structura aula Lateranensis reperta sunt. Id ipsum præterea confirmatur ex eo quod apud Græcos Imperatores inter Imperij insignia Crux enumeratur, omnesq. Imperatores Constantinopolitani apud Nicephorum Gregoram Crucem manu gestantes describuntur.

Lib. 3.
cap. 32.

Nec his contentus fuit Constantinus: Idem enim Nicephorus ait: *Quod vero re ipsa sanctæ Crucis vim, & efficaciam experiri fuerat, summo opere eam venerabatur, atque admirabatur. Ac post Helena reditum, tres immensa magnitudine*

Cru-

Cruces fieri curauit ad exemplum earū, quas ter in celo uiderat: *Constantinus ter in celo uidit Cruces.*

primum Roma contra Maxentium depugnans. Secundo cum, commisso cum Bizantijs praelio, trophaeum de eis statuit. Tercio autem, cum Istropontie iuncto Scythas ultra id flumen subegit: Ad imitationem igitur triplicis istius uisionis tres ex arte fieri curauit Cruces, eiq. sacra haec imposuit nomina: *Inoue Xpi de uia q. Iesus Christus vincit.* Ex his, cui nomen Iesus inditum, auro per omnes diffuso ornata collocata est super fornicem, seu arcum triumphalem in foro, ut obscuriore significatione ardorem pietatis ipsius indicaret; potentia namque roboris eius. Graciam superstationem debellauit. Alterum uero venerandum sanctamq. Crucem, Christi nomen preferentem in porphyreica Romana statuit columna in loco, qui *φραδελπιοι*, hoc est, fraternus amor dicitur. Terciam, quam Constantinus quidem *uictoriam*, id est, uictoriam uocauit: Heraclius autem *diuictor*, hoc est, inuictam, in alta columna marmorea posuit in loco, cui est nomen *απτοπάλιοι*, id est, forum paruarum, ad quam multa etiam supra opinionem hominum uirtutes sunt editae. De qua idem auctor Nicephorus

& hoc memoriae prodidit hunc in modum: *Hanc sanctam uenerandam Domini Crucem longe post tempore, decimum octauum annum Mauritio imperante, quod immenso terremoto corruerat, ferreis quibusdam operibus Heraclius firmauit, & in basi eius huiusmodi incidit Inscriptionem. Opus Deo acceptum Imperatoris magni Heraclius firmauit: quae Inscriptio ad mea usque tempora durauit.*

Nec tam praclaro insigni, proprium & ab ipso inhabitatum palatium carere passus est gratissimus Imperator Constantinus, quemadmodum in haec uerba testatur Eusebius: *Tantus item, & tam diuinus amor Imperatoris animum complexus est, ut in ipso palatii introitu, in edificio omnium excellentissimo, in medio recti, laqueari inaurato, in tabula maxima explicata salutaris passionis insigne ex lapillis pretiosis cuiusque modi, auroq. multo polite elaboratis confectum figendum curauerit. Istud Imperatori sanctissimo regni firmum videbatur esse propugnaculum. Haec de Crucibus a Constantino constructis.*

Constantinus ter in celo uidit Cruces.

Constantinus ter in celo uidit Cruces.

Niceph. li. 8. Eccl. hist. c. 32. in fine.

Constantinus ter in celo uidit Cruces.

Euseb. de vita Constant. li. 3. cap. 48.

Quod si principi illi adhuc plane neophyto, tantum fuit studium in statuenda & affigenda Cruce, vt animi gratitudinem erga Deum propugnatorem suum testaretur, profecto credendum est in Cruce similiter statuenda, figenda, & onini ratione honestanda, non minorem diligentiam & sollicitudinem adhibitam fuisse a sanctis Episcopis, & alijs Christianis Præsulibus, qui tunc temporis Ecclesiarum in eis, quæ ad Dei cultum pertinebāt, instituendarum curam habebant. Quare, ne in re minime dubia frustra laborare videamur, vnus tantum, vel alterius eiusmodi prope diuinorum virorum exempla, recensēbimus: Et, vt antiquitatis rationem habeamus, primum locum dabimus Gregorio magnæ Armeniæ Episcopo. De quo hæc scribit Euthymius: *Gregorius magna Armenia Præsul ante omnes iussit Cruces quibusdam in locis a se collocatas adorare, ad easq. tamquam ad sacra confugia con-*

Nicolaus Sand. de visib. monarc. Eccles. lib. 7.

Apud Sur. die 27. Ianuarij.

Apud Sur. die 27. Ianuarij.

Bedæ, & Amalarij.

Bedæ, & Amalarij.

Archiepiscopi illius Constantinopolitani, cuius dicta sæpius a nobis supra relata fuerūt, Ioannis scilicet Chrysostomi a Simeone Metaphraste descripta, dum profert cæleste, & miraculi plenum consilium Alexandrini agri incolis datum; quo ab immanissimo leone, qui ex illis quamplurimos deuorauerat, & alios discerplerat, ac dilaniauerat, liberarentur: fuit autem huiusmodi: *Vobis quidem omnibus est Deus placandus in templum simul conuenientibus: Id autem, quod de vobis erat emine Crux, ponendum est in his locis, per quos leo transiit, & obis quidem omnis metus, sit autem perfecta fides: & haud ita multo post manifesta vobis quoque erit in eo Christi virtus. Cum hanc illi Crucem accepissent, & sicut eis fuerat imperatum, fecissent; & die sequenti illuc venissent (O Domine, & Deus omnium, & admirabilem operum effector ineffabilis!) belluam vident iacentem mortuam ante basim Crucis. Si vero nobis liceret iterum a dominis temporalibus exempla depromere, non aliena a nostro instituto fuissent quæ venerabilis Bedæ hist. Angl. lib. 3. cap. 3. & Amalarius de diuin. offic. lib. 1. cap. 13. de Ofu-*

ualdo

ualdo Anglorum Rege scriptis tradiderunt, quale illud est, quod prælium commissurus, signum sanctæ Crucis crexit, vt ea præliantibus fidelibus præsidio foret, necessitatisque tempore subueniret. Scribit quoque Ioannes Lesleus Episcopus Rossensis hist. suæ lib. 5. Anglis finitimos Scotos, vt regionū terminos, & prouinciarum fines distingueret, Cruces erexisse.

Ioannes
Lesleus.

*De frequenti usu Ecclesia affigendi
signum sanctæ Crucis.*

OR D O hucusque seruatus in exponendis capitibus, de quibus hætenus dictum est, fortasse postularet, vt, cū de antiquitate ritus plantandæ & affigendæ Crucis satis diffuse dixerimus, nunc de eiusdem ritus frequenti usu longiuscule differeremus. Sed cum eiusmodi frequentia ex ijs, quæ proxime a nobis dicta sunt, non obscure indicata sit, breuitati studentes, huius ritus exemplum referre prætermitemus. Sed quis illa enumerare, aut dicendo percensere posse confidet; cum & loca, in quibus Ecclesia Cruces statuere consuevit, tam multa ac varia sint, vt nullus hominum comprehendere, & complecti possit? Quodcumque enim oculos conuertimus, Dominicæ Crucis trophæum suspicimus, eiusque imagines nobis occurrunt. Enimuero in solitudinibus, in vijs, in agris, & ipsorum agrorum limitibus, immo & in Regnorum finibus, in castris, in oppidis, in incipitatibus, in earum foribus, plateis, vicis, turribus, & propugnaculis, in magistratuum palatijs, in priuatorum domibus, in coemeterijs, & Deo dicatis Basilicis, templis, oratorijs, intus, foris: & supra illa, in altaribus singulis, & in vniuscuiusque templi illustriori, digniori, & eminentiori loco, vt omnium oculis pateant, Cruces positas &

Ritus affi
gendi Cru
cis frequē
tissimus.

locatas videmus, & adoramus. In summa; nullus est apud Christi fideles locus, qui hoc singulari Christianorum symbolo non sit insignitus, & Crucis longe omnium fortissimo praesidio munitus. Quare sitam multiplex, tamq. frequens apud recentiores fuit; & apud nos viget sanctissimæ Crucis affixio, minime arbitror dubitandum; quod saltem pari, si non etiam maiori, frequentia Patres nostri, per quorum manus sancta hæc instituta accepimus, Dominicum signum crexerint, extulerint, & quot, & quibus potuerunt modis omnibus honorarint, & coluerint. Quod quidem tam certo mihi persuadeo de illis, qui sub magni Constantini imperio vivebant, ut non difficile credam, quod triumphale illud vexillum, etiam a plerisque nondum in Crucifixum credentibus, in honore & pretio habitum fuisse, recentemq. & plenam mirabilium victoriam eos ad illius venerationem vehementer impulsisse, ut Prudentius eleganter descripsit his verbis:

Lib. r. cō-
tra Sym-
machum.

*Ipse Senatorum meminit clarissimus ordo,
Complexusq. pedes Victoris, ad inclita stendo
Procubuit vexilla iacens, tunc ille Senatus
Militis ultreus titulum, Christi q. verendum
Nomen adoravit, quod collucebat in armis.*

Plurimum quoque ad repetendam Crucis fixationem; & illius venerationem cunctos populos commovebat, & hortabatur Principis, quem tanto amore prosequēbatur, exemplum: quo plane excitati erga Crucis imaginem se bene affectos, & ad illam colendam propensos omni, qua poterant, ratione declarare, & ostendere studebant. Quare minime ambigendum est, trophæum Crucis domi, foris, & vbique locorum ab illis fuisse erectum: Est enim (ut ait beatus Damascenus) huiusmodi principatus, & imperij natura; ut semper subditi ad eorum, qui earum potiuntur, mores sese componant, eaq. amare, & consecrari soleant, quibus Principem delectari sentiunt, quemadmo-
dum

In vit. SS.
Balaã, &
Iosaphat
apud Sur.
die 27.
Novemb.

dum & Claudianus contestatus est hunc in modum :

componitur orbis.

Regis. ad exemplum.

in: Sed ut nos intra Christianorum solum modo terminos contineamus, quàm frequentia essent tunc temporis Crucis venerandæ signa, & quòd nullo non loco essent affixa, Bi Ioannis Chrysostomi repetito testimonio, quo solo ex veteribus contenti erimus, comprobemus. Hic in demonstratione contra Gētes, quòd Christus sit Deus, ita habet: *Hanc ubique celebrari videlicet in domibus, in foro, in solitudine, in vijs, in montibus, in collibus, in mari, in nauigio, in insulis, in lectis, & cetera que sequuntur.* Vnam denique sententia a recentioribus, qui nostra ætate maximo Reipubl. Christianæ beneficio floruerūt, deprompta præsens caput concludamus. Stanislaus Osius Episcopus Varmienſis, priscis patribus, quorum auctoritate hæc scripta confirmare consueuimus, nierito comparandus, in Catholica sua confessione de fide, ac symbolo agens, hæc ad propositam materiam apprimè facientia scripta reliquit: *Neque vero tantum præferri Crucem instituit Ecclesia, verum & in medio templi, eiusq. in eminentiori loco, ut ab omnibus conspici possit, Christi crucifixi statuam erexit. Quo sicut in serpentem anem, quem in deserto Moyses exaltauit, qui morsu a serpentibus intuebantur, sanabantur; Num. 21. sic, qui vellent a morsibus peccatorum sanari, quos intulit serpens diabolus, in eum intuerentur, qui pro nobis in Cruce pendens mori dignatus est, certa cum spe remissionis peccatorum illius merito consequenda. At non in templis modo, verum in vijs etiam, & compitis Christi crucifixi signum istud erigendum putauit. Fuit hoc priscis illis temporibus apud nonnullos in more positum, priusquam ad agnitionē veri Dei peruenissent, ut Mercurij Statuas in vijs collocarent, quòd hunc Deum itineribus præesse persuasum haberent: Posteaquam vero depulsis errorum tenebris, Euangelij noua lux effulsit, deiecta sunt statua Mercuriales, quæ viarum indices fuerant, & earum in locum erecta sunt statua Christi crucifixi, ut ne sic viatores quidem aliud agen-*

Claudia-
nus Pane-
gyr. in 4.
conf. Ho-
norij.

S. Iosua.
Chrysoſt.

Stanislaus
Osius.

Cap. 11.

Ioan. 3.
Num. 21.

A.
2. 21b

res: tanti beneficij possent obliuisci: Hæc quidem de Crucis fixatione dicta sint: cuius sane erectionis, atque item fixationis, antiquitas pariter, ac frequentia vix dici potest quot exemplis comprobari possent, nisi Diocletiani ceterorumq. eius similium satanæ ministrorum iussu dirutæ, soloq. æquatæ fuissent Ecclesiæ, & diuino cultui dicata loca ipsis sanctissimis Apostolis superstitibus, & subsequenter temporibus a Christianis excitata. Et de illorum quidem tunc temporis multiplici extruptione testes habemus Philonem Iudæum, Eusebium, Nicephorum, Callixtum, & complures alios. De eorundem vero templorum demolitione inter ceteros late scripsit idem Eusebius de Eccles. hist. lib. 8. cap. 2. & 3. & in Oratione de laudibus Pauli ad finem.

Philon li.
de suppli-
cum virtu-
tibus.
Euseb. hi-
stor. Eccl.
li. 2. c. 16.
& hom. 1.
aduers. gē-
tes, quod
Christus
sit Deus.
Niceph.
hist. Eccl.
li. 2. c. 39.
40. 42. &
cet.

*De triplici ratione circumlationis signi Crucis
apud Christianos: & de prima, quæ priuati-
tim singulis fidelibus est communis.*

CAP. V.

CIRCUMFERENDI signum Crucis vsus ad tria capita redigi posse arbitror, iuxta tria Christi fidelium genera, qui eo diuersimode vtuntur. Vnum est omnium priuatorum: alterum est omnium collegiorum Ecclesiasticorum: tertium verò Ecclesiæ Dei Prælatorum & præsulum maiorum. Primum, inquam, est omnium priuatorum Christianorum, nam ex eis neminem, vel paucos esse arbitror, qui si non semper, frequentissime tamen Cruciculam aliquam a collo, vel a rosario, vel ab ea, quam vocamus coronam, pendentem secum non deferant. Huius gestationis consuetudinem viguisse apud veteres, ante & post Constantinianæ tempora demonstrat in primis Simæon Metaphrastes in

Apud Sur.
dic. 2. li.
217.

vita

vita sanctorum Martyrium Marcellini presbyteri, & Petri exorcistæ, qui sub Diocletiano, martyrij palmam adepti sunt, in quorum memoriam & honorem Constantinus Basilicam ædificavit, narrans qua ratione, ^{-in 2. 227} quove habitu indutus Petrus perrexit ad Arthemium, ^{Petrus ad Arthemium.} qui pollicitus fuerat se Christi fidem suscepturum, si eius virtute ille e carcere duplicibus claustris communito egressus, ipsius domum proficisceretur, & eiusdem filiã a dæmonio liberaret, hæc enim habet: *Cum inter se loquerentur, & occumbente diei lumine, nox initium suum stellarum ortu indicaret, adest homo Dei Petrus Arthemio, & candide se offerens, candidis indutus vestibus, propheta Crucis tenens in manu sua.*

De Ioanne quoque Eremita, cuius beatissimi Patres, ^{Prat. Spirit. cap. 8.} Hieronymus, & Augustinus cum laude meminerunt. Legitur in Prato spiritali, quod obierit, argenteam Crucem in manu tenens.

De sancto etiã Macario Patriarcha Antiocheno pulchrum huiusmodi exemplum recensetur: Scipioni, quæ manu gestabat, parvam Crucem imposuerat, quæ illi & iter agenti, & vigilanti, & dormienti, & quidlibet ageri præsto erat: per quam, cæcum illuminasse, & alia præclara miracula edidisse testatur, qui ipsius vitam scriptis mandavit.

In vita admirabilis viri Ioannis Eleemosynarij per Leontium Cismorum Episcopum descripta legitur de quodam Zacharia dicti Ioannis discipulo, & alumno, a quo cum egenus eleemosynam petisset, coram multis viris, quibus nihil erat, quod pauperi impertirët, ideoque egenus illos præterisset, Zachariam cum insequutus Cruciculam, quam ferebat argenteam, dedit mendico, dicens nihil sibi præter siliquam vnam superfuisset in vita sua. Denique Ioannes Diaconus refert, effigiem sancti Gregorij Papæ in absidicula per pictorem ad viuum repræsentatam, in dextera imaginem Crucis habuisse.

Apud Simonem. Max. iol. cët. 7. cap. 8.

In vita 3. Greg. li. 4. cap. 84.

Nec mirum si pij Christiani, qui adhuc in mundo degunt

Prat. Spi-
rit. c. 37.

degunt, seipsos fortissimo isto clypeo munire student, cum defunctos etiam cum hoc signo sepelire in more habuerint: quod nos quoque a maioribus acceptum, modo seruamus: Legitur enim in Prato Spirituali hoc memoria dignum exemplum, quod iisdem verbis enarrabo: *Cum in Raso Cilicia duo viri nocte uidissent in sylua proxima ingentem ignem lucere, & eò accedentes nihil reperissent, nocte quadam assumentes quosdam ex vico cum armis propter feras, ascendimus in montem ad lucem, quæ apparuerat, mansimusq. vbi luxerat vsque ad diem sequentem: mane vero facto, aspiciamus modicam speluncam in eo loco, vbi lumina videramus: ingressi autem inuenimus Anachoretam defunctum, indutum et licio, & pallio, tenentemq. in manu argenteam Crucem. Quid ergo blaterant miseri huius ætatis hæretici, qui impie, & audacter nimium Catholicos criminantur quòd iisdem ritibus, defunctorum fidelium cadauera ad Ecclesias deducant, & sepulturæ tradant? Sed iam ad secundam gestandæ Crucis rationem veniamus.*

De gestatione vexilli Crucis in supplicationibus.

CAP. VI.

RITVS gestandæ Crucis, quem a Collegijs virorum Ecclesiasticorum seruari videmus, plurima leguntur Patrum exempla, quibus huius cæremoniæ antiquitas, & frequentia demonstratur. Is autem est, quo supplicationes (quas processiones dicimus) intra vel extra Ecclesiam semper sacro vexillo præeunte fieri consueuerunt: hunc rite, pieq. seruandum monet Origenes his verbis: *Gaudentes leuamus hoc signum: in humeris nostris victoriarum vexilla portemus.*

In diuers.
hom. 2.

Hom. 55.

in Matth.

Eo etiam tendunt illa beati Chrysostomi verba: *Nul-
lus itaque verecundetur, honesta nostra salutis signa, & caput
bonorum*

bonorum, per quod vivimus, & per quod sumus: sed veluti coronam, sic laeto animo Crucem Christi circumferamus. Si tamen quispiam utramque sententiam esse communem huic capiti, & proxime superiori contendat, proprijs exemplis rem ipsam demonstrabimus. Ex notissimis autem, quæ idcirco probatione non egent, pauca & quidem insigniora, ac vetustiora, quæ inter legendum nobis occurrerunt, in medium proferemus.

De beato Ioanne Chrysostomo refert Cassiodorus, quòd in nocturnis hymnis primus auxerit orationes ob eam causam, quòd Ariani collectas agebant, & hymnos, ac Antiphonas ex Ariano dogmate compositas decantabant: *Tum Ioannes metuens (inquit) ne simplices huiusmodi cantibus traherentur, instituit suum populum ut & ipsi nocturnis occuparentur hymnis, ut & illorum obscuraretur opus, & fidelium professio firmaretur. Studium ergo Ioannis valde vile cum turba, periculusq. finitum est. Nam cum clariores hymni hominisanorum noctu apparerent, (fecerat enim quoque Cruces argenteas, quæ cum argenteis cereis portabantur, expensas ad hæc Endoxia Augusta præbente) tunc Ariani zelo tracti usque ad eadem insurgunt. Hæc Cassiodorus ex Sozomèno.*

Hist. trip.
li. 10. c. 8.

Sozom. li.
8. cap. 8.
Niceph.
li. 13. c. 8.

Præterea in vita sancti Barnabæ Apostoli legitur humilissimum exemplum beati Anthemij Salaminæ Urbis Episcopi, dum ad reliquias dicti Apostoli ab eodem sibi reuelatas pergebat: *Episcopus vero expectatus Deum adoravit; totoq. Clero & populo Christi amantissimo congregato exijt in eum locum, quem per reuelationem didicerat multo apparatus, & Cruce ipsa prælata. Huius antelationis in Litanij antiquitatem declarat etiam quod in sancti Euthymij Abbatis vita sic legitur: Iam aduenerat dies præfinitus, quo is (Beatus videlicet Euthymius) exhibat in vastam solitudinem: innumrabilis quidem ad eum confluit multitudo Cruces habens in manibus, & Kyrie eleison, id est, Domine miserere, de more, non ore solum, sed labijs quoque cordis innocans. Gregorius itidem Episcopus Turonen. pium hoc institutum seruatum asserit in Ciuitate Rhemen. cum ait: Accepta palla de beati*

Apud Sur.
dic 20. Ianuarij.

De gloria
confesso-
rum c. 79.

Remigij (videlicet Rhemensis Episcopi) sepulchro, componunt in modum feretri, accensisq. super Cruces cereis, atque ceroferalibus dant voces in Canticis, circumeunt urbem cum vicis: huiusmodi enim processionibus cum Crucibus Cinitatem collustrabant, ut eam & hoc praesidio munirent.

Apud Sur.
die 22. Aprilis.

In vita sancti Theodori Archimādrīæ, qui tertio Heraclij Imperatoris anno vita functus est, Georgius presbyter eius discipulus ita scribit: *Cum in oppidis finitimis supplicationes fierent, & Cruces, quæ gestari solent, horribili miserandoq. spectaculo per se concuterentur, & commoverentur, interrogatus vir diuinus, quid sibi id vellet, respondit: Deum, o filij, precibus placate, quoniam magna mundo imminet calamitates.* A maioribus ergo acceptum esse constat, quod Clerum per vias incedentem Regis nostri vexilla semper præcedere debent. Proinde numquam, vel rarissime de processione Clericorum Scriptores aliquid vel docuerunt, vel retulerunt, quin de Cruce præferenda quoque meminerint. Constat id aperte ex v i l. Synodo act. i i i l. Vbi processionis forma describitur his verbis: *Cum sancta Cinitati reliquia sacra appropinquassent, omnibus ea res declarata ac significata fuit: Itaque lætitia magna persusi omnes, surgentes subito, lignaq. sacra pulsantes inuicem obuiam facti sunt, illinc cum Cruce & supplicatione egressi lati, ac gaudentes cum gratiarum actione sacris reliquijs occurrunt.* Nec mirum quod Ecclesiasticis viris more supplicantium ad sacra vel facienda, vel recipienda conuenientibus, seu ad Ecclesiarum præsules solemnī ritu excipiendos prodeuntibus, Crucem a Maioribus nostris præferri solitam passim referatur, cum & id apud eosdem in more positum fuerit, ut nec Principibus laicis cum pompa excipiendis Clerus nisi Cruce prælata occurreret, tamquam fidei, Catholicæq. confessionis, & aduenientium, & excipientium communi nota, symbolo, & certissima, ut ita dicam, tessera.

Lib. Pontificali.

De Ecclesiasticis quidem exstat exemplum in vita sancti Ioannis Papæ & martyris: *Occurrunt (inquit) beato Ioanni*

*Ioanni Papa a milliaro duodecimo omnis Ciuitas Constantino-
polis cum cereis, & Crucibus in honorem beati Petri. Rexit
autem Ecclesiam sanctissimus ille Pontifex circiter an-
num quadrigentesimum a mundi Redemptione. In lai-
cis Dominis excipiendis eundem ritum seruatum fuisse,
a pertissime ex historiari auctoritatibus colligitur,
qui apparatus referunt, quo, inter ceteros, Carolus Ma-
gnus Imperator primum ab Adriano, postea a Leone
III. fuit exceptus, vt Carolus Sigonius explicat his ver-
bis: *Postridie Cruces, & sacra reliquia cum vexillis Ciuitatis
obuiam misse.* Quare in ceremoniarum Pontificiarum
libris statutum legimus, vt in ipsis oppidorum, & ciui-
tatum foribus, vbi primum Episcopus, vel Rex locum
illum ingreditur, Crux ei osculanda offeratur ab eo, qui
inter Ecclesiæ illius clericos eminentiori dignitate præ-
fulget.*

Hist. de
Regno Ita-
lix lib. 4.
Cerem.
Rom. li. 1.
sect. 3. ca.
& 2.

Omnis denique de Cruce in supplicationibus præfe-
renda dubitandi locus (si quis in re tam aperta reliquus
esse possit) de medio tolletur, si, quæ de Crucis Stationa-
lis in Romana Ecclesia vsu a Maioribus nostris accepimus,
in memoriam reuocabimus. Appellabatur autem
Stationalis, propterea quod summo Pontifici, Clero &
populo ad Stationes solemniter procedentibus, illam
præferri solitum erat, qualis profecto est, quæ clarissimum
Lateranensem Clerum ad supplicationes publice
prodeuntem de more hodie præcedit: Illam dico præ-
grandem argenteis insculptam thecis diuersas Domini
Saluatoris nostri & Sanctorum actiones representantibus
vndique testam, & ornatam, quæ ob ponderis magni-
tudinem ab ijs, qui viribus corporis & robore maxime
præstant, gestari solet. Qualem etiam ad illum ipsum
fere modum ad nostra vsque tempora in Apostolorum
principis de Vrbe Basilica fuisse, qui se eam vidisse asse-
rebant mihi aliquando testati sunt. De qua stationali
Cruce, siue illa, quam diximus, siue consimilis formæ
alia, Petrus Mallius, Maphæus Végus, & Benedictus...

eius Basilicæ insignes Canonici, in suis ipsorum scriptis, quorū maior pars in sancti Petri Bibliotheca asseruatur, nonnulla notatu digna retulerunt. Petrus quidem, quem primo loco nominauimus, quæ ad rem nostram faciunt, hæc habet: *Non modica quoque beati Petri Basilica letari debet prerogativa, quod in maiori Litania tamquam nauis prora, & aliarum vexillifera omnes de navi præcedit, Domino Papa tamquam principali, & præcipuo gubernatore ex puppe veniente: In quo nimirum factō significatur, beatum Petrum Vexilliferum, & totius Ecclesiæ esse præductorem, & Christi Resurrectionis primum prædicatorem: Sicut enim in Paschali processione Cruces, & sanctorum reliquias ad vitæ præparationem, & munimenta contra hostes inuisibiles præmittimus, ita in hac generali processione beati Petri Basilica, ut ductrix, & reëtrix ceterarum præambula innuitur. Et hinc est, quod Crux Dominica, Quadragesimali videlicet tempore, sumitur de sanctissimo sancti Petri altari, quæ præcedat populum penitentem per totam Quadragesimam ad Stationes euntem de institutione sanctorum Patrum. Quæ nimirum Crux Stationalis ob Christi, & Apostolorum eius reuerentiam in tanta veneratione à cunctis est habita, quod, sicut Cantores regionarij asserunt, hac Cruce non delata, immunes a Statione recedant.*

Maphæi vero de illa testimonium eiusmodi est: Beatus Gregorius Papa, cum per totam Quadragesimā ordinasset Stationes propter penitentes, quas cum Primicerio, & Cantoribus, & Regionarijs & Acolutis deuotissime faciebat: illud etiam, quoa maximo honori, & prerogativa Basilica sancti Petri habitum est, statuit, ut de maiori altari eius Crux Dominica sumeretur, quæ populum penitentem ad Stationes ipsas procedentem semper præcederet: Cuius tanta fuit apud omnes veneratio, ut si forte non deferri eam aliquando contingeret, discederent, passim existimantes, non ita sine ea acceptas Deo Stationes ullas esse.

Petrus
Mallius.

Maphæus
Vegius.

Benedi-
ctus.

Benedictus vero de eadem inter cetera, ne omnia repetam, hæc scripsit: *In exaltatione sanctæ Crucis, Sessio Lateranis, Fit collecta ad sanctam Mariam maiorem, ubi Crux Stationalis, & Schola, & Regionarij, & Acoluti coadunantur cum Cruce sancti Ioannis & Canonicis. Primicerius cum Schola*

Schola cantat collectam. Subdiaconus regionalis portat Crucem
Stationalem in processione ante Cantores, & processionaliter pro-
cedit usque ad Lateranum: Hæc ille

Huius postremo ritus gestandæ Crucis in processio-
nibus meminit Guillelmus Durantes ceremoniarum
Ecclesiasticarum peritissimus: Crux (inquit) quasi re-
gale vexillum & triumphale signum in processionibus præmitti-
tur. Primo, ut fugiant qui oderunt eum a facie eius: Est enim
signum victoria Christi, iuxta illud: Vexilla regis præcedunt.
Secundo, quia sicut ait Apostolus ad Galatas: Abste nobis glo-
riari nisi in Cruce Domini nostri Iesu Christi, per quem mun-
dus nobis, & nos mundo crucifigi debemus. In quam sen-
tentiam amplissimus quoque Cardinalis Varmiensis
Hæc (inquit) est causa, quare in supplicationibus Crux præfertur,
ut in illa gloriari nos, in illa spem nostram omnem defixam ha-
bere, illius fiducia nihil non a Deo petentes impetrare posse, palam
omnibus faciamus. At quia de causis, propter quas signum
Crucis præfertur, diffuse à nobis in tertio Libro agen-
dum est: ideo quæ de illis modo dicenda occurrunt, in
illum locum rejicimus, ut ad alia procedamus.

Guill. Du-
rantes.

Hymnus
Theodul-
phi in Do-
min. Psal.

Gal. 6.

De fide &
symbolo

cap. 1.

De fide &
symbolo

cap. 1.

De fide &
symbolo

cap. 1.

De fide &
symbolo

cap. 1.

De gestatione Crucis pendentis a collo Episcopi.

CAP. VII.

TERTIAM rationem gestandæ Crucis, quam di-
cebamus propriam esse Prælatorum, in duas par-
tes similiter distribuimus. Nam vna communis est om-
nibus passim Episcopis. Altera vero solis concessa est
Archiepiscopis, & ceteris omnibus, qui maiores huius-
cemodi Prælatos dignitate antecellunt: quales sunt Pa-
triarchæ, Legati Apostolici, & ipsorum Patriarcharum
& totius Ecclesiæ caput Pontifex Romanus.

Quod omnibus in vniuersum Episcopis commune

dixi,

dixi,

dixi, est vetus illud institutum de Cruce parua ad collum appendenda, maxime quando Episcopi ad officia diuina celebranda se præparant: Quem ritum antiquissimum esse testificantur fere omnes, qui de sacrosanctis Missæ mysterijs scripserunt. Inter quos conuenit, quod mysticum illud ornamentum suffectum, & subrogatum fuerit in locum laminæ aureæ, qua frons summi Pontificis veteris testamenti exornabatur, de qua beatus Hieronymus dixit: *Quod olim in lamina monstrabatur, nunc in signo ostenditur Crucis. Auro legis, sanguis Euangelij pretiosior est.* Quod insigne cum sit proprium (vt dixi) Episcoporum, merito illi Episcopi, qui e suo loco & gradu deiectione erant, in Synodo VII. act. V. Crucis pectoralis appensione in priorem dignitatem restituebantur, vt hoc indicio clare constaret, eos postmodum Episcopali munere fungi posse, cum Crucem collo appensam accepissent: *Qui* (vt Concilij verba referam) *Encolpium accipiebant, vt dignitate Episcopali potirentur.* Encolpium vero (vt ait Anastasius Bibliothecarius eius loci interpret) Crux est ad pectus cum pretioso ligno, vel cum reliquijs Sanctorum, quam Episcopi ad collum appensam deferre consueverunt. Cui quidem sententiæ adstipulatur Gregorius Nissenus referens Macrinam sororem gestare solitam ad collum Crucem argenteam, particulam veræ Crucis inclusam habentem. Inferiores vero & simplices sacerdotes Crucem pectoralem non deferunt, sed ex eodem orario apte composito Crucem efficere debent, vt sacra munia obire possint: quemadmodum in Concilio Bracatensi can. 111. præscriptum est his verbis: *Enim sacerdos ad Missarum solennia accedit, aut per se sacrificiū oblaturus, aut sacramentum corporis, & sanguinis Domini nostri Iesu Christi sumpturus, non aliter, quam orario utroque humero circumscriptus, sicut & tempore ordinationis suæ dignoscitur consecratus, ita vt de vno eodemq. orario cernicem pariter, & utrumque humerum premens signum in suo pectore præparet Crucis.* De hac quoque Episcoporum Crucis gestatione Innocentius

Ad Fabio
li de vest.
sacerdot.
epist. 28.
circa fin.

Ex manu
scriptis
exempl. Bi-
blioth. Va-
ticane.

D. Cesar
Baron. in
Annal. Ec-
cles. ann.
58. pag.
517. E. 10.1

Gregor.
Niss. in vi-
ta Macri-
nx soror-
is.

nocentius III. his verbis ait: *Et quia signo Crucis auri lamina cedit, pro lamina, quam Pontifex, ille gerbat in fronte, Pontifex iste Crucem gerit in pectore. Nam mysterium, quod in quattuor litteris auri lamina, continebat, in quattuor partibus forma Crucis explicuit.* Eiusmodi ritus causam affert, quem & supra citauimus, Cardinalis Osius in hæc verba: *Hinc ille mos, quod pendentem de collo Crucem gestant Episcopi, non ob id modo, ne parum aliquando sint memores beneficij per Crucem accepti, verum etiam, ut admoncantur, quod Crucifixi vestigijs incedant.* Hinc eam accipiens Episcopus in hanc formam precatur: *Munire digneris me, Domine Iesu Christe, ab omnibus insidijs inimicorum omnium signo sanctissima Crucis tue: accedere digneris mihi indigno seruo tuo, ut sicut hanc Crucem Sanctorum tuorum reliquijs refoctam, ante pectus meum, teneo, sic semper mente retineam, & memoriam passionis, & sanctorum victorias Martyrum.*

De myst.
Missæ lib.
1. cap. 53.

De fid. &
symb. c.
12.

Lib. Pont.
tit.

Post gestatum Crucis signum a Christo ipso Deo & homine, Crux triplici generi Principum solemnî ritu præferri cæpta est.

C. A. P. VIII.

IA M tempus est, ut de solemnî circumlatione Crucis tractare incipiamus, ob quam in primis hoc nobis negotium fuit demandatum, & cuius antiquitatem, & causas inuestigare, atque explicare proposuimus. Illa autem est tertia ac postrema ratio Crucis gestandæ, quam solis Archiepiscopis Metropolitanis, Patriarchis, & ceteris, qui dignitate, ac potestate in Ecclesia Dei illos antecedunt, apte conuenire, eisque licere asseruimus.

Quoniam vero de ceremoniæ huius frequenti usu, cuius

1. Item 2. 1.
2. 1. 1. 1.
3. 1. 1. 1.

4. 1. 1. 1.
5. 1. 1. 1.

6. 1. 1. 1.
7. 1. 1. 1.

cuius semper in superiorum tractatione meminimus; nihil nobis dicendum est, cum ritus hic maxime solemnibus reliquos vel hoc nomine antecellat, quod non omnibus sit communis, sed paucioribus concedatur. Quare de antiquitate tantum nobis agendum restat, quam probabimus exēplo Iesu Christi, qui non solum in Crucem agi, sed suis humeris prior gestare voluit: tum illorum exemplo, qui subsequuti sunt, vel tantum dignitate seculari, vel Ecclesiastica præfulgētes: ultimo loco, exemplo summorum Pontificum, qui utraque potestate coniuncti, Christi vices in terris gerunt.

A primo igitur exordium ducentes, cum Christum huius ritus auctorem asseramus, superuacaneum erit, hunc reliquis omnibus non modo antiquiorem, sed etiam digniorem ratione & auctoritate demonstrare: In Christianæ enim Reipub. sacris institutis, quis maiorem animo concipere potest vel antiquitatem, vel excellentiam excogitare illa, quæ ab ipsomet Christo Ecclesiæ fundatore, & institutore originem habuit? & maxime in ijs, quæ non solo præcepto & verbo, sed etiam exemplo, & opere ipsemet exercuit, perfecit, absoluit. De ipso autem præ ceteris ab eo dilectus Discipulus hu-

Ioan. 19. iusmodi testimonium perhibuit: *Et baiulans sibi Crucem, exiit in eum, qui dicitur Calvaria, locum.* Qua quidem ratione, & re ipsa, & exactissime Christus perfecit quod in

Gen. 2. 2. Isaac figuratum legimus: *Tulit quoque (videlicet Abraham) Ligna holocausti, & imposuit super Isaac filium suum. Quod mysterium Tertullianus libro aduersus Iudæos explicauit his verbis: Christus per lignum Crucis superata morte, regnauit. Sed quis omnino Regum in signo potestatis suæ humero præfert, aut non capite diadema, aut in manu sceptrum, aut aliqua proprietate ostendit? Sed Christus noui Rex secularum nouam gloriam, & potestatem, sublimitatem suam humero exaltat, ut imperium*

Isa. 9. *eius fieret super humerum eius: & Dominus regnaret a ligno.*

Psal. 95. Leo item Magnus disertis hisce verbis simile quiddam exposuit: *Cum ergo Dominus lignum portares Crucis, quod in sceptrum*

Tertull.
cōtra Iu-
dæos de fi-
gura Cru-
cis.

Isa. 9.
Psal. 95.
Ser. 8. de
Passione
Domini.

*ſceptrum ſibi conuerterat poteſtatis: erat quidem hoc apud im-
piorum oculos grande ludibrium, ſed manifeſtabatur fidelibus
grande myſterium: quia gloriſſimus diaboli victor, & inimi-
carum virtutum potentiſſimus debellator, pulchra ſpecie triumphi
ſui portabat trophæum, & inuictæ patientiæ ſuæ humeris ſignum
ſalutis adorandum regnũ omnibus inferebat, tamquam & tunc
operis ſui imagine omnes imitatores ſuos confirmaret, eiſq. di-
ceret: Qui non accipit Crucem ſuam & ſequitur me, non eſt me* Matt. 10
dignus.

In illo autem naſcentis gloriæ Crucis exordio, ſæculi
huius oculis abſcondito, ſatis aperte, & ſimili plane
forma repræſentatus fuit ritus, qui poſtea meritò in Ec-
cleſiæ inoleuit, nimirum geſtandæ Crucis ab Eccleſiæ
Prælatiſ inſignioribus, etiam ſi non ſuis illi manibus,
ſed alienis Crucem gerant. Ideo non ſine primi Vexil-
liferi prouidentia factum eſt, vt illud ipſum, quod in ſuis
diuinis humeris geſtauerat, lignum a Simone Cyrenæo
etiam portaretur: quod ceteri Euangeliftæ teſtantur: *Matt. 27*
Marc. 15
Cum ducerent eum, inuenerunt, apprehenderunt, & angariaue- Luc. 23.
runt, prætereuntem quemdam hominem Cyrenaum nomine Si-
monem venientem de villa patrem Alexandri & Ruſi, hunc an-
garianerunt vt tolleret Crucem eius. Ex quibus verbis venio
in eam ſententiam, vt exiſtimem Chriſtum primo Cru-
cem ſuis humeris ſolum geſtaſſe, deinde Simonem iti-
dem ſolum: hunc enim locum ita interpretatur ſanctus
Hieronymus: Hoc intelligendum eſt, quòd egrediens de prato- Còment.
rio Ieſus, ipſe portauerit Crucem ſuam: poſtea obuium habuerint in Matt.
Simonem, cui portandam Crucem impoſuerunt. Hoc enim ſi- li. 4. c. 27.
gnificare videtur quod dixerunt Matthæus, & Marcus:
Vt tolleret Crucem eius. Et quod ſcripſit beatus Lucas: Et
impoſuerunt ei Crucem (nempe a Ieſu oblatam) portare poſt
Ieſum. Nulla tamen ratione oportebat, vel decebat, vt
in illo itinere ordo exprimeretur, qui poſtea in conſue-
tudinem deductus eſt, vt ſcilicet Crux Pontificem præ-
cederet, quoniã ſalus noſtra tota in eo verſatur, vt nullus
anteire præſumat, ſed omnes & ſinguli Chriſtum ſequi,

& per eius vestigia incedere pro viribus ab eodē collatis
Ioan. 8. studeant, & elaborent: vtpote cum sit Via, Veritas,
 & Vita: Lux, & Dux noster, quem qui sequitur non
 ambulat in tenebris, sed habebit lumen vitæ. Quam
 ob causam non antea Simon, & postea Christus: sed
 contra: Christus primū pretiosum illud trophæum
 portare & consecrare voluit, & postea, vt a Simone
 post ipsum portaretur, indulsit. Quod egregie pro suo
In Euāg. more exposuit beatus Ambrosius dicens: *Et bonus ordo*
Luc. c. 23. *nostri profectus est, vt prius ipse Crucis trophæum erigeret: de-*
inde Martyribus tradidit erigendū: conuenit enim vt trophæum
suum prius ipse Victor attollat. Et re vera, quis sub propriæ
 Crucis onere, vel ad martyrium, vel ad peccatorum
 satisfactionem sibi imposito, omnino non succumberet,
Tsal. 73. si exemplo, subsidioq. primi huius Cruciferi non con-
 fortaretur? Et Crux ipsa per manus eiusdem, cui pater
 est ille faber, qui auroram & solem fabricatus est, & ma-
 ter illa Virgo, quæ fabro lignario nupta fuit, adeo ex-
 polita & læuigata fuisset, vt merito affirmari possit, eos
 qui illius hortationibus excitati, & promissis permoti,
Matt. 11 Cruce in humeris assumpta, illum sequi statuerunt, iu-
 gum Christi, & onus illius, tantæ non leuitatis solum,
 sed etiam suauitatis suscepisse, vt eò non grauari, seu fa-
 tigari, quin potius subleuari, refici, ac beari se intus ex-
Hymnus periantur, apertissimoq. sermone confiteantur, dicen-
Fortun. in tes: *Dulce lignum, dulces clauos, dulcia ferens pondera.* Et
laud. Do- rursus: *Sub umbra illius, quem desideraueram sedi: & fructus*
min. Pass. *eius dulcis gutturi meo.*
Cant. 2.

Verū ne a scopo diuertamus (iam enim de ipsa
 Crucis imagine in ligno, vel in alia re efformata, vt cir-
 cumferri palam & publice posset, verba facere incepimus)
 quemadmodum Christum testibus Euangelistis
 Crucis gestandæ habemus Auctorem, ita quisque fidelis
 facile hoc nobis dabit, Crucis circumferendæ, vel qua-
 cumque ratione supra se gestandæ vsum, a tanto signi-
 fero Domino nostro in Apostolos, in Martyres, in Con-
 fessores,

fessores, & in omnes denique Christianos per imitationem manasse. At quoniam publicæ ac solemnibus, de qua in primis nobis sermo est, prælationis Crucis Constantinum magnum, qui huic religiosissimo cultui maximum, & mirificum studium adhibuit, antesignanum & principem facimus, ab eo, & ab eius in hanc rem pietate, sequens caput auspicabimur.

*De Cruce, quæ Constantino Magno Imperatori,
eiusq. Successoribus, alijsq. Principibus
prælata fuit.*

CAP. IX.

INTER eos, qui sola sæculari potestate præditi, Crucis viuisicæ vexillum gestauerunt, nullus antiquior ac illustrior nobis occurrit Constantino magno Imperatore, Constantis & Helenæ filio: ad quæ si Crucis magnificentissima cum solemnitate ac reuerentiâ circumlatæ initium referamus, profecto ritum eiusmodi valde antiquum, & vetustum esse liquido apparebit. De quo plane, quâdo superato ad Pontem Miluium Maxentio, Vrbs omni lætitiâ illum excepit, ita scribit Nicephorus: *Constantinus tam mirificam consequutus victoriam, Deum celebrando canens, & voce clariore triumphando iubilans, Urbem Romanam est ingressus, civibus omnibus hilaritate, & lætitiâ summa animis eorum exultantibus, cum plausu, felicique omine, & acclamatione eum tamquam servatorem, & liberatorem suum victoria trophæum ferentem, cum prius Urbem totam coronis obfedisent, producentibus atque excipientibus.* Et licet hoc testimonium primum attulerim ad ostendendum, quòd Crucem manu propria Urbem Romam ingressus gestauerit, sicut contra Christus Hierosolymam egrediendo proprijs humeris sustulerat, ut verba illa Nicephori:

Hist. Eccles. lib. 7.
cap. 30.

Niceph.

Lib. I. c. 4.

*Victoria trophaum ferentem, significare videntur; si quis tamen contendat illam aliorum manibus in dicto triumpho perlatam, id profecto maxime ad rem nostram faciet, & in eum sensum accipiet, qui instituto, de quo loquimur, magis vicinus & connexus est. Quanta vero cum diligentia, sollicitudine, fide, ac pietate, hanc Crucis gestandæ consuetudinem seruare studuerit Deo gratissimus Imperator, idem Nicephorus, & quotquot rerum ab illo gestarum historiam texuerunt, apertissime docent; cum omnes in omnium celeberrima narratione conueniant, quod Crucem, in quam primum ac præcipuum signum bellicum Romanorum, quod labarum dicebatur, conuerterat, ubique sibi in exercitu præferri fecerit: & quod eo signo præcedente in omnibus suis præliis inuictus, & victor semper euaserit, ut Sozomenus retulit his verbis: *Imperator prophetias de Christo admiratus, mandatum viris arte peritis dat, ut signum, quod a Romanis Labarum vocatur, in effigiem Crucis auro, & lapidibus collustratam mutarent. Hoc signum bellicum in multo maiore honore, quam alia, propterea fuit, quod semper Imperatorem antecederet, & a militibus adorari consuevit. Et paulo infra: Nam istud propugnaculum ante copias suas semper gestandum curauit. Et si qua cohors laboraret, illud ei admonere iussit, utque lectissimos satellites ad illud negotium obeundum constituit, quibus onus impositum erat, ut singuli vicissim signum humeris ferrent, & acies hostium circumirent. Hæc Sozomenus: cuius potius, quam Eusebij, vel ceterorum, qui de hac re scripserunt, testimonium recensere placuit, cum paucioribus, nempe in vno & breui capite perstrinxerit, quæ alij pluribus capitibus, & prolixè sunt complexi. Caput vero illud hac pulchra, & mirabili narratione concludit: *Dicitur porro nullum unquam militem, qui munere signi huius gestandi fungebatur, in bello (quod sane credibile est) in grauem aliquam calamitatem incidisse, aut vulnus accepisse, aut captiuum abductum fuisse. Et hoc sane diuinum vexillum ad suam vsque ætatem in Imperatorio, aut aulico instrumeto***

strumento asseruatum testatur Nicephorus.

Prudentius quoque eiusdem signi figuram egregie
his verbis expressit:

Agnoscas Regina lubens mea signa necesse est:

In quibus effigies Crucis, aut gemmata refulget,

Aut longis solido ex auro præsertar in hastis.

Hoc signo, inuictus transmisit Alpibus ultor

Servitum soluit miserabile Constantinus.

Et infra:

Testis Christicola Ducis aduentantis ad Urbem

Miluius, exceptum Tiberina in stagna Tyrannum

Præcipitans, quânam victricia viderat arma

Masestate regi, quod signum dextera vindex

Præstulerit, quali radiarint stemmate perla.

Christus purpureum gemmantis textus in auro

Signabat Labarum, chlypeorum insignia Christus

Scripterat, ardebat, summis Crux addita cristis.

Hanc vero Crucis gestandæ consuetudinem a Pro-
phetis prædictam, ac prænunciatam fuisse, Ezechielis
testimonio constat, qui ita de Cruce vaticinatus est:

Et tu fili hominis, sume tibi lignum unum: & scribe super illud Ezec. 37

Iude & filiorum Israel sociorum eius: & tolle lignum alterum, & scri-

be super illud Ioseph lignum Ephraim, & cuncta domus Israel so-

ciorumq. eius. Et adiunge illa unum ad alterum tibi in lignum

unum: & erunt in unionem in manu tua. Quem locum

sanctus Isidorus Hispalensis exposuit de Cruce Chri- Isidorus.

sti, quæ manibus deferenda erat.

Merito igitur præstantissimus ille Imperator Spi-
ritu sancto ductus, & in Christo Patris Beatissimi Silue-
stri Papæ doctrina, consilio, & monitionibus institutus,
tantorumq. beneficiorum a Deo per Crucem accepto-
rum memor, & quantum per ipsum fieri potuit, non in-
gratus, nihil eorum omisit, quæ ad Crucem decoran-
dam, honestandam, & ad astra vsque tollendam ani-
mò concipere, & opère complere potuerit. Cavit præ-
terea grauissimis poenis ne quis deinceps ex reis Cru-

cis

Li. 7. c. 29

Lib. 1. cõ-
tra Sym-
machum.

1. 7. c. 2

9. de
-m. m.
-m. m.
-m. m.
-m. m.

Sozom.
lib. 1. c. 2

cis patibulo afficeretur. Ex quo factum est, sicut iam animaduertimus, ut quod probro, & dedecori erat, in gloriam & dignitatem fuerit commutatum: & vniuerso
 1. Cor. 1. orbi in pretio, & in summa veneratione haberi coeprum sit quod antea scandalo, & stultitiæ attribuebatur.

Præterea, quis satis pro laude explicare poterit, quanta fidelium populorum pietas, & deuotionis studium, excitatum fuerit erga huiusmodi cæleste potius quam terrenum trophæum, postquam strenua opéra, & virili animo, tum incredibili pietate ab Helena sanctissima ipsius Constantini matre diligentissime illud conquisitum, & inuentum fuit? Quare autem illa potissimum ætate, illisq. fidelibus Principibus orbis imperium obtinentibus pretiosissimus ille thesaurus, & omnium speciosissima gemma inuenta fuerit, eruditissimus P. Bellarminus tam rationi consentaneam, & ni fallor, certissimam affert causam, ut quin illam cum ipsis illius
 P. Bellarmin. con-
 trouers. 7.
 lib. 2. c. 26

verbis hic describerem, me non potuerim continere. Inquit enim: *Deus eo tempore Crucem inueniri voluit, quo tuò poterat coli, nimirum ad initium Imperij Constantini. Nam si antea reuerata fuisset, regnantibus persecutoribus, magis ludibrio, quàm honore excepta fuisset. Si autem diu post tempora Constantini fuisset inuenta, fraudata fuisset sancta Crux debito honore. Tunc igitur diuina Providentia Crucem manifestauit, quo primum potuit coli.*

Qui Constantino in Imperio, & fide successerunt, illum in præferenda, & honoranda, Cruce imitati fuerunt.

C. A. P. X.

NE c dubium alicui esse arbitror, quòd fideles Principes, qui Constantino in Imperio successerunt, eundem

eundem præferendæ Crucis ritum seruauerint, cum Crux Labari loco in exercitu, & in prælijs ante Imperatorem gestari solita fuerit: & quamquam impius Iulianus hunc, dum imperaret, vsum reieccisset, eo tamen vita functo, vsus ille in pristinum honorẽ fuit restitutus:

Declarat id admirabilis victoria, quã Theodosius senior aduersus Eugenium, & Arbogasten, Deo pro ipso pugnante, est consequutus. Hanc breuibus referam, si tamen prius in medium attulero paternam cohortationẽ, qua Cyrillus Patriarcha Hierosolymitanus Constantio Constantini Magni filio, & heredi persuadere conatus est, vt in præferenda Cruce, patris pietatem imitaretur, cuius hæc sunt verba officij & admirabilis religionis illius plena: *Decuit autem huiusmodi visiones caelestes non silentio præterire, sed pietati tuæ, recenti adhuc eius rei memoria, significare, vt ad fidei, quæ in te inest, bona fundamenta, earum rerum, quæ nuper ostensa sunt, cognitionem adiungens, firmiorem in Dominum nostrũ Iesum Christum fiduciam assumas, semulq. omni fortitudine consuectæ undique roboratus, vt Deum ipsum adiutorem habeas, Crucis trophaum salutare, & omni gloria sublimius præferas, signum, inquam, illud, cuius figuram cælum ipsum hominibus ostendens maxime gloriosum esse docuit.*

Ad Modum igitur ad Theodosium reuertamur, de quo hæc refert Nicephorus: Porro cum ordinum duces paucitatem sociorum causarent, & expeditionem differendam suaderent, vt scilicet primo vere exercitus alius contraheretur, & militum numero hostes vincerentur: nequaquam in ductorum consilio acquieuit Imperator: Minime namque tantam tribuendam esse imbecillitatem dixit omnipotenti Crucis armatura, quæ ex aduerso Hercules imagini opposita est: exercitui namque meo (inquit) Crux præit, illius autem copias Hercules ducit. Nec fessit eum sua in Cruce fiducia: nam Ioanne Baptista Domini præcurso, & Philippo Apostolo, immo & vento ipso ac turbine pro eo pugnantibus, gloriosissima, vt mox dixi, contra duos dictos tyrannos victoria potitus est. Hoc ipsum confirmatur exemplo militũ, qui Valente Imperatore contra Athanarichum

Sozom.
lib. 5. c. 16

Niceph.
li. 12. hist.
Eecl. c. 39

Sozom.
lib. 4. c. 4.
Sur. die 7.
Maij.

Hist. Ec-
clesi. li. 12.
cap. 39.

Socr. lib. 6
cap. 24.

milita-

Apud Sur.
die 15. Se
ptemb.

militerunt, de quibus hæc scribit Metaphrastes in vita sancti Nicetæ Martyris: *Itaque ferentes diuinam Christi Crucem præcedentem omnes suas copias, pralio confidunt cum aduersarijs: & eum, qui vicerat, facile vincunt.*

Ioannes
Lesseus de
orig. &
reb. gest.
Scot.

Postremo adiiciam de Rege Conuallo illud, quod refert Ioannes Lesseus, Episcopus Rossensis, quem supra quoque memoravi. Ille enim Crucis signum non solum in arcibus, oppidis, & ciuitatibus locandum curabat, sed etiam illud ex argento affabre factum sibi præferri volebat: quod, equum ascensurus, osculo deuotissimo excipiebat, & cum omnibus stantibus summa veneratione prosequabatur.

Videmus itidem nostra ætate Christianæ militiæ ordines, siue mari, siue terra dimicaturi sint, in vexillis, & alijs signis bellicis figuram Crucis fere omnes vel auream, vel argenteam, vel rubram, aut viridem, aut nigram, aut denique alicuius alterius coloris præferre. Sunt tamen nonnulli, qui Christum Cruci affixum deferant. Alij vero Sancti, vel Sanctæ, Gentis alicuius patronæ, & titularis imaginem gestant Crucem in manu habentis, ne interim repetam quòd singuli etiam milites, pietatis Christianæ memores, armis suis, equis, & vestibus Crucem insculptam, vel affixam solent

habere: Satis enim mihi est ex ijs, quæ dicta

sunt, ostendisse religiosam Crucis exer-

citibus Christianis præferendæ con-

suetudinem a Constantino

introducendam vsque ad

presentem diem

semper ser-

uatam

fuisse, ac vi-

guisse.

*Antiquissimum fuisse ritum præferendi Crucem
Romanis Pontificibus, Patriarchis, Ar-
chiepiscopis, & omnibus Metro-
politit ostenditur.*

C A P. XI.

ROMANVS PONTIFEX, quem Christus sui loco in vniuersa Ecclesia caput præposuit super omnem Principatum, & Potestatem, hoc honore ceteris præstat, vt eum in publicū prodeuntem Crucis signum antecedit: Simili ritu vtuntur Archiepiscopi, & ceteri Metropolitæ in sua Metropoli, ac Prouincia, vel etiam in certo aliquo Regno, vti certis Primatibus indultum fuisse audiuius, vt interim taceamus Archiepiscopum Nazarenum, quem ferunt hoc priuilegio insignem, vt Crux ei præferatur per vniuersum orbem: hos omnes inter eos supra complexi sumus, qui spirituali tantum potestate præditi essent: quorum dignitati etsi rerum, temporalium est administratio coniuncta (& hi rari admodum sunt) ipsorum tamen secularis potestas breuibus limitibus præfinitur & continetur. At Romanus Pontifex vnus est, qui vtraque potestate præfulget; cuius ditionis fines longe, lateq. proferuntur: eiusq. summa potestas & auctoritas non in eos tantum diffunditur, qui in ditione temporali eius imperio, nullo alio intercedente Principe, subsunt, sed in omnes etiam, qui per orbem vniuersum, Symbolo Christiano sunt insigniti; vtpote, cui, in beatissimo Petro æternæ vitæ clauigero, terreni simul & cælestis imperij iura commissa fuerunt, idq. præmonstrat spiritualis & materialis gladius illi traditus: ille quidem vt sanctus Bernardus ait, propria; hic vero militis, Imperatoris videlicet & Regis, manu exerendus: hic ad nutum, ille vero datus fuit ad vsum, vtī fuscē demonstrant, qui inter ceteros ex

Archiepi-
scopi Na-
zarenī pri-
uilegium.

Dist. 22.
cap. Om-
nes.

De cōsid.
lib. 4.

Ex Com-
mentarijs
Ordinis.

sancti Patris Augustini familia, præter Augustinū Triū-
phum Anconitanū, de potestate Ecclesiastica scripserūt,
Ægidius scilicet Colūna Romanus, Archiepiscopus Bi-
turicensis, Iacobus Viterbiensis Archiepiscopus Neapo-
litanus, Guillelmus Cremonēsis Episcopus Nouariensis,
Alexander de sancto Elpidio Episcopus Melitanus, quē
nonnulli Archiepiscopum Rauennatem faciunt, Et Au-
gustinus Fauaronius Romanus Archiepiscopus Naza-
renus in operibus, quæ propediem typis mandabimus.
Quia tamen Crucis præferendæ honor a Romano Pon-
tifice ad Metropolitā, vt inferius ostendetur, deriu-
atus fuit, & quod his vel illis Crux præferatur, antiqui-
tas ipsēdem pene fundamentis innititur; bina hæc mem-
bra vno capite complectemur. Inde autem ducemus
initium, si, quod supra statuimus, iterum memoria repe-
tamus, nimirum, non tam certo nobis constare, fuerit
necne ritus hic præferendæ Crucis in vsu apud beatū
Petrū Apostolū, & alios vsque ad tempora, quæ Con-
stantinum Imperatorem consequuta fuerunt. Incredibi-
le tamen ardensq. animi studium in Apostolis promul-
gandi Euangelij, Veritatisq. propagandæ facit, vt existi-
memus illos manibus Crucem tamquam clypeum for-
tissimū gestare solitos, quando & publice Crucis vir-
tutem profitebantur, & in Crucem agi exoptabant.
Vbi verō Constantinus, nomine & re Magnus, Christianā
religionem amplexatus fuit, & ex eius conuersio-
ne & pietate in Christum pax fuit Christiano populo
restituta, nulla ratione ambigendum est, quin bea-
tissimus Pontifex Silvester tanto trophæo cum solem-
ni pompa vti cœperit, cuius venerationis in Vrbe
Auctōr extiterat. Præter id autem, quod (vt inferius de-
monstrabitur) est Romani Pontificis proprium, insi-
gne, ab ea tempestate beato Silvestro, eiusq. Successo-
ribus libera data est facultas, vt omnibus, singulisq. im-
peratorijs signis vtī fas esset; inter quæ præcipuum
erat excellentissimū Crucis trophæum: Cuius eo fre-
quentior

quentior esse debet Pontificibus vsus, quo crebriora ac difficiliora sunt ipsi, quàm Imperatoribus, certamina: his enim contra visibiles hostes, a quibus quotidie non adoriuntur: illis vero contra inuisibilia, eaq. innumera & nequissima hostium agmina, a quibus omni temporis momento fideles inuaduntur, præliari oportet. Quod si humilitatis aliòqui, ceterarumq. virtutum plenus, felicissimus ille Præsul, alijs imperatoris dignitatis insignibus, se a Constantino exornari aliquando passus fuit; proculdubio credendum est, sine Cruce, quæ Pontificis dignitatis propria est, eum numquàm in publicum processisse. Quamuis autem nullum apud veteres legerim de Pontifice Romano huiusmodi sollemnis gestationis exemplum, non tamen ritus illius auctoritas & fides apud nos imminuitur, maxime cum inferiorum Præsulum exempla non desint: Extat inter cetera illud S. Augustini Anglorum Episcopi in vita sancti Gregorij a Ioanne Diacono relatum his verbis: *Ad civitatem Augustinus cum socijs prælata Cruce seu Salvatoris imagine appropinquans cecinit dicens: Deprecamur te Domine, &c.*

Lib. 2. cap. 35.

Accedit & alterius eiusdem insulæ Prælati, sancti videlicet Thomæ Archiepiscopi Cantuariensis exemplum, a Guillelmo de Repub. Angl. lib. 11. cap. xvj. narratum his verbis: *Curiam ingressus est Thomas Crucem argenteam ante se portare solutam propria manu baiulans, volentibusq. quibusdam, qui aderant, ministerium portanda ante Metropolitanum proprium Crucis suscipere, abnuvit: nec alium in illo conventu publico Crucis baiulum quantumcumque rogatus admisit.*

Gabr. Frâcicanus lib. 5. de antiqu. & situ Calabriz, non procul ab initio. Nilus fuit Monach. & Abb. ex ord. S. Basilij in Calabr. nat.

Hoc ipsum confirmatur ex egregia historia, quæ de beato Nilo Imperatori Othoni in occursum procedente Bartholomæus Cryptes monachus scripsit in hæc verba: *Ad Nilum cum Imperator Otho accessisset, ei cum Cruce obviam perrexit, magnaq. humilitate, ac pietate Casarem veneratus est: ac in carnobium induxit. Vbi cognita viri pietate, ac religione, passus non est Imperator, se a Nilo adorari: sed contra Caesar coronam in eius manu deponens, ab eo benedictionem postulavit.*

Franciscus
Aluar.

Æthiopiæ quoque Regi, quem vulgus Prætoioannem, magnum appellat, quadraginta & amplius Regnis dominanti, dum iter agit, Crucem a Clericis semper præferri testatur Franciscus Aluar. cap. 88. Cui exemplo & illud ob eius singularitatem potius quàm quòd ijs, quæ protulimus, admodum conueniat, subijcere mihi liceat, exceptum ex libro, qui nouus orbis inscribitur in nauigatione Iosephi Indi cap. 133. in quo narratur, Pontificem Christianorum ciuitatem Carangonaram inhabitantium, qui Catholica ab eis nominatur, tonsuram capitis ferre instar Crucis factam.

Sed his Maiorum exemplis contenti, alterius generis testimonium proferamus, quo vel vno omnia, quæ in hoc capite diximus ne dum validissime confirmemus, verumetiam luce clarius illustremus. Illud autem desumpsimus ex capite, Antiqua extr. de priuil. & priuileg. excels. vbi ita habetur: *Antiqua Patriarchalium sedium priuilegia renouantes, sancta vniuersali Synodo approbante, sancimus, ut post Romanam Ecclesiam, qua, disponente Domino, super omnes ordinaria potestatis obtinet principatum; ut pote mater vniuersorum Christifidelium & magistra, Constantinopolitana primum, Alexandrina secundum, Antiochena tertium, Hierosolymitana quartum locum obtineant.* Et infra: *Dominica vero Crucis vexillum ante se facient ubique deferri, nisi in urbe Romana, & ubicumque summus Pontifex præsens extiterit, aut eius Legatus utens insignibus Apostolica dignitatis.* In quo Canone tria potissimū occurrunt diligenter considerata, quæ ad institutum, de quo agitur, plurimum faciunt. Primum est, quòd vexillum sanctæ Crucis inter sedis Apostolicæ insignia connumeratur. Quod satis euidenter colligitur ex eo, quòd post Crucis gestationem Patriarchis concessam, prohibetur ne in loco, in quo præsens fuerit Legatus insignibus Apostolicæ Sedis vrēs, Crucem sibi præferri permittant. Ex quibus verbis proculdubio ostenditur, Crucē ad eiusmodi Apostolica insignia esse referendā. Alterum, quòd nemini, præterquā Romano

Romano Pontifici sacrū illud vexillum præferendū sit, nisi cui ab eodē summo Pontifice illius præferendi facta fuerit facultas. Quod ex eisdem ferme verbis deducitur, ex quibus primum priuilegium petebatur: & eo magis, quod eius gestationis locus, tempus, & modus, ceteris omnibus ab eadem Sede præscribitur. Quod plane dilu-
 cide confirmatur rescripto Alexandri III. ad Archiepiscopum Eboracensem, cui in hæc verba respondit: *Statuimus, ut littera prohibitionis nostræ, quas ad petitionem Archiepiscopi Cantuariensis tuæ fraternitati direximus, nullum tibi præiudicium faciant, quominus tibi & successoribus tuis liberum sis (quemadmodum vobis est beneficio Apostolica sedis indultum, & tu, & prædecessores tui consueuisti facere) ante vos per totam Angliam deferre Crucem, quousque definitiua sententia decernatur, an Ecclesia tua de iure hoc debeat habere.* Tertium, quod huiusmodi prælationis priuilegium Patriarchalibus sedibus collatum, tunc temporis etiam antiquum habebatur. Quare prudentissimi illi Patres vnà cum aliis, quæ prius repetita fuerant, renouandum esse merito censuerunt. Ex quibus argumentari licet, quod vetustus fuit religiosissimus hic ritus in Ecclesia Romana, cui Patriarchalium illarum cathedralium præfati, & antiqui Præfules tantum honorem acceptum retulerunt. Cuius antiquitatis tam pro Patriarchalibus, quàm pro Romana, sedibus in præferenda Cruce institutio aperte constabit, si supputemus nō solum annos, qui inter Concilium
 Lateranense sub Innocentio III. celebratum, in quo su-
 prædictus Canon editus fuit, sed ætatem illorū etiam Archiepiscoporum, qui intercesserunt, apud quos Crucis gestandæ vsum fuisse grauissimorum Scriptorum testimonij paulo superius demonstraui-
 mus. Etenim Cōcilium illud anno M. CC. XV. coactum fuisse constat. Beatus vero Thomas Cantuariensis sexaginta sex annis Synodū antecessit: At si ad ætatem sancti Augustini Anglorum Apostoli, cuius etiam exemplum superius allatum est, huius ritus consuetudinem referamus, quem sub Gre-
 gorio,

Ext. vell.
 pēd. cap.
 A memo-
 ria.

Cōcil. La-
 teranēse.

gorio, a quo, vt diximus, in Angliam prædicandi Euangelij gratia missus fuit, in humanis fuisse constat, euiden-
tissime apparebit, cæremoniæ huiusce antiquitatem mil-
le annorum spatium excedere.

De fide,
& symbolo,
lib. cap. 12.

Sed, vt tandem huic disputationi finis imponatur, nõ
ab re fuerit hoc loco amplissimi D. Hosij Varmien. Epi-
scopi sententiam de hac re in medium proferre, quæ hu-
iusmodi est: *Ceterum Archiepiscopo, ultra Crucem de collo pen-
dentem, præfertur etiam Crux quoties in publicum prodit, quò
numquam non ante oculos ipsius versetur: vt quemadmodum prin-
ceps est Episcoporum, ita se Principem esse memineris ad quavis
adueniunda pericula pro fide, & Ecclesia Christi, & pro salute con-
crediti sibi gregis conseruanda, quin & ad mortem ipsam, si qua
id necessitas postulet, obcundam.* Sed de his hæcenus, nam de
huius nostri ritus causis iam iam sermonē aggredimur.

*Antiquissimi Patres vsi fuerunt Cruce, in qua
imago Christi affixa pendebat.*

CAP. XII.

SAT IS superq. erat ad id, quod demonstrare propo-
suimus, statuendum, de Cruce in genere testimonia
attulisse, cum parum referat, hæc de sola & nuda Cruce
dixisse, vel de illa, quæ Christum Cruci affixum refert.
Verum quia Cruci, quæ Pontifici, ceterisque Præsulibus
præfertur, Christus in Crucem actus cernitur, ne cui de
huius circumstantiæ antiquitate dubitatio aliqua subo-
riri possit, vetustissimorum Patrum auctoritate compro-
babimus. Quod eo libentius facimus, vt Iconomachor-
um nostri temporis hæreticorum ignorantiam simul
& impietatem redarguamus, maxime illorum, qui licet
Crucis vsui non aduersentur, Crucifixi tamen imagini
impijssime detrahunt.

Irenæus.

Irenæus contra hæreses lib. 11. cap. 42. hæc habet,

quæ

quæ ad rem nostram afferendam facere videntur: Ipse habitus Crucis, fines & summities habet quinque, duos in longitudinem, duos in latitudinem, & unum in medio, ubi requiescit, qui clavis affigitur. Lactantius vero Firmianus de proposito argumento luce ipsa clarius testimonium perhibet sequentibus carminibus:

*Quisquis ades mediq. subis in limina templi,
Siste parum, insonsema. tuo pro crimine pressum.
Aspice me.*

Carmin
de passio-
ne Domi-
ni.

Et paulo post subdit:

*Cerne manus clavis fixas, tinctosq. lacertos,
Atque ingens lateri vulnus, cerne inde cruorem
Sanguineum, fessosq. pedes, artusq. cruentos,
Flecte genu, lignumq. Crucis venerabile adora.*

Accedit ad hæc beati Ioannis Damasceni sententia, dicentis: Imaginem transfusionis Christi videntes in Salvatoris passionis memoriam redimus, & præcidentes adoramus non materiam, sed imagine representatum. Et addit subséquens verba, quæ rei antiquitatem manifestissime ostendunt; nempe dicens: Est autem hæc traditio (Crucē videlicet adorandi) non scripta, perinde ac adorationis ad Orientem. Refert enim hanc doctrinam ad sanctissimos Apostolos tamquam ab illis non scripto, sed voce, & vfu traditam: in quo genere, vt ex his verbis aperte patet, reposuerat aliam traditionem, quæ est adorandi ad Orientem. Huc etiam spectant verba illa, quæ in lib. 11. cap. 2. & 3. de visitatione infirmorum habetur, licet opus illud non minus Augustino quàm Tertulliano falso adscriptum credamus; ibi enim ita legitur: Adjicitur super Crucē quoddam hominis inibi patientis imago. Per quod salutifera Iesu Christi nobis passio renouatur: & cet. Vbi & distichon huiusmodi subiicitur:

*Nec Deus est, nec homo, præsens, quam cerno, figura:
Sed Deus est, & homo, quem signat sacra figura.*

Vt autem hanc catholicam veritatem vno vel altero Sanctorum exemplo comprobemus, illud primò in medium

De fide
orth. li. 4.
cap. 12. 1

S. August.
to. 9.

Tertullia-
nus.

Sur. 2. No
nemb.
Niceph.
lib. 3. c. 29

diū afferamus quod de sancto Eustathio, qui, dum sub Traiano Prætozem ageret, Placidus vocabatur, Metaphraſtes, & Nicephorus, Damascenus, immo & Nicæna Synodus I. I. referunt. Metaphraſtes (cuius tantum verba retuliſſe ſit ſatis) de eo in venatione proceræ ſtaturæ cervi ſe exercente, ita ſcripſit: *Supra caput Cervi, qui apparuit, & ex utroque eius cornu, Saluatoris Crucis erat ſignata figura colore admodum ſplendido, & luminoso: in ipſa autem ille, qui carne fuit pro nobis paſſus, tamquam in tabula erat formatus in aëre. Ex illo autem ſpectaculo vox quadam audiebatur dicens: Placida, quid me perſequeris? Ego ſum Chriſtus Ieſus, &c.*

Apud Sur.
dic 8. Iu-
lij, to. 4.

Secundo loco nobis ſe offert exemplum, quod in vita inſignis martyris Procopij, qui ante ſuſceptum baptiſmum Neanias appellabatur, & a Diocletiano dux militum fuerat conſtitutus, narrat Metaphraſtes his verbis: *Cum Apamia triginta ſtadyis abeſſet, vocem audiuit illum interrogantem quo iret? Reſpondentem Neania aduerſus Chriſtianos ſe proſiciſci; rursus vox illi inſonnerat: Cur ergo me perſequeris? Iterum reſpondit Naanias: Tu quis es Domine? Et cum hac dixiſſet, ſtatim apparet Crux cryſtallo ſimilis, voxq. e Cruce exijt dicens: Ego ſum Ieſus crucifixus Dei Filius. Et poſt pauca: Cum hac dixiſſet Dominus, & diuino gaudio impleſſet animum Neania, aſcendit in calos: In hoc, dicens, ſigno, quod tibi apparuit, vince hoſtes. Et ne ſingula verba referentes prolixiores ſimus, cum ad Crucis, quæ ſibi apparuerat, ſimilitudinem, aliam ex auro & argento conſtari curaviſſet, antequam abſolueretur, viſæ ſunt in ea tres imagines hac inſcriptione: *Superne quidem in principio Emmanuel, in ijs autem rursus, quæ erant utrimque, in ijs; Michael, & Gabriel.* Hanc ubi perfectam vidit Neanias, miraculo id totum attribuit, atque inde Crucis virtutem animo concipiens, illam adoravit, & pretioſiſſima purpura inuoluit, opifici ingenti pretio perſoluto, lætusq. abiit. Quo loco dubium eſſe non poteſt, primam illam & digniorem imaginem, cui inſculptū erat nomen Emmanuel, fuiſſe Saluatoris noſtri crucifixi effigiem. Quid igitur*

igitur hæreticus orthodoxam Ecclesiam incusat, quòd Christi imaginem in Cruce effingi non improbet, & effigiam veneretur, cum id edocta fuerit a suo sponso, qui ea forma hominibus apparere dignatus est, vt hac ratione ex infidelibus fideles, ex impugnatoribus propugnatores Christianæ religionis effecti, pro Cruce vitam neci exponere non formidarent.

Cur summo Pontifici, Legatis, Patriarchis, Archiepiscopis præferatur Crux imaginis Christi, facie ad illos conuersa, reliquis vero omnibus auersa.

CAP. XIII.

ABSOLVTIS paucis, quæ in proximo superiori capite de imagine Saluatoris dicenda erant, neque præter rem, nunc alia quæstio circa eiusmodi Crucis usum nobis occurrit: ea autem est huiusmodi: Quare dum regulares, & sæculares Clerici ad processiones conueniunt, & congruo ordine prout decet, simul incedunt, Crux eis, auersa Christi facie: summo autem Pontifici, Archiepiscopis, & huiusmodi alijs Hierarchis Ecclesiasticis conuersa præferatur: Cuius ritus admonetur Subdiaconus Apostolicus (qui & Crucifer Pontificius dicitur) in sacrarum cæremoniarum libro, his verbis: *Sed aduertat Subdiaconus, cum portat Crucem, vt semper Crucifixum vertat ad Pontificem, qui sequitur: Cum autem Pontifex non sequitur, Crucifixus sit in parte anteriori.* Huius vero cæremoniæ causa, hæc nobis videtur: vt scilicet ex diuersa, & opposita Crucis huiusmodi gestatione, duo singulares prælationis Crucis effectus significantur: Nempe inimicorum nostrorum inuisibilibus effugatio, & hic est prior: alter vero, a malis per illos nobis intentatis tutela

Lib. 3.
scd. 2.
cap. 21.

- atque defensio, Quos ambos paucis his verbis comple-
 xus est beatus Pater Augustinus : *Hoc signum presidium
 est amicis, obstraculum inimicis.* Amicos autem eos intelli-
 git, qui Crucem sequuntur : inimicos vero, qui ei ex
 aduerso veniunt. Ait enim Dux, & inuictus Imperator
 noster Christus : *Qui non est mecum*, Crucem videlicet,
 quæ est militum meorum vexillum, sequens, *aduersum
 me est* : & Petro, qui non quæ Dei, sed quæ hominum
 & carnis sapiebat, eum a Cruce, in quam se agendum
 esse prænuñciauerat, deterrere, & arcere conanti, incre-
 pando illum respondit Dominus : *Vade post me Sathana,*
scandalum mihi es. Propterea enim Sathanam, qui inter-
 pretatur aduersarius, eum appellauit, quòd antegredi
 eum, & illius studium anteuertere volebat. Quod indi-
 cant illa verba : *Scandalum mihi es.* Offendicula autem
 pedibus hominum ante non retro ponuntur. Id ipsum,
 & quidem apertius, per illa significatur : *Vade post me.*
 Quod dictum non conuenit, nisi illi, qui vel præire, vel
 saltem ex æquo incedere velit. Aduersum istos igitur
 primo effertur, & eleuatur Crucis Dominicæ signum ;
 quasi communi omnium illud sequentium consensu ;
 & voce contra infestissimos hostes inclametur : *Ecce Cru-
 cem Domini : fugite partes aduersæ.* Namque, vt beatus Am-
 brosius ait, *Vbi signum Crucis erigitur, statim & diaboli ini-
 quitas repellitur, & ventorum procella sopitur.*

Quòd vero aduersarum potestatum effugatio illud
 sit, quod primum in ipsa Crucis eductione a Deo im-
 petrare optamus, declarant Exorcismi in sacrorum ri-
 tuum libris præscripti, creaturis Deo dicandis seu be-
 nedicendis prælegendi : quales sunt, qui hominibus
 præleguntur, qui siue infantes, siue adulti fuerint, ad
 baptismi fontem accedunt : & illi, qui ædibus ad Dei
 cultum mancipandis recitantur, vt taceam de sale, &
 de aqua in hunc finem exorcizari solitis. At exorcizare,
 idem est, quod adiurare : & exorcistæ ideo dicti sunt, qui-
 bus adiurandorum malignorum spirituum, expellendi
 eos

Serm. 19.
de Sanct.
co. 10.

Luc. 10.

Mat. 16.

Serm. 52.

In Missa-
li, Sacer-
dotali, &
Pontifi-
cali.

Exorcistæ
quid.

eos gratia, vt Tertullianus & sanctus Cyprianus docuerunt; facultas inipetit. Hunc ipsum effectum significari dicendum est, cum facies Crucifixi Clero prælati ad eos, qui ex aduerso obuiam veniunt, conuersa tenetur. Hoc enim in cuiusque itineris, vel cuiuscumque actionis & motionis initio, suis precationibus sibi largiri postulant fideles; vt scilicet abijciantur, & procul pellantur quicunque pijs eorum conatibus impedimento esse student. In hanc rem malignos spiritus vires omnes suas intendere nulli dubium est. Quod vero Crucifixus conuersa facie ad Antistites præferatur, significat Deum præcipuo quodam modo illis adesse, singulariterque eis assistere. Eos vero qui post Crucem veniunt, & Christo (vt ita dicam) concrucifixos a cunctis malis, & periculis esse protegendos, & eruendos, ac bonis salutariis afficiendos, & locupletandos ostendit. Ipse vero ordo procedendi, per quem necessario fit vt Pastor medius inter Crucem, quæ illum antecedit, & populum quæcum retro comitatur incedat, declarat, Præsulis officium esse, vt ipse mediator sit inter Deum, & bues sibi creditas, pro quibus cum offerre dona & sacrificia non cesset; diuinæ largitatis gratiæ, & vberima beneficia super populos effunduntur. Id fuisse præsignatū etiam in Moyse; sacra Exodi narratio testatur: *Loquebatur autem Dominus ad Moysen facie ad faciem, sicut soles loqui amicus ad amicum suum.* Inde enim excipiebat quæ erat gregi sibi credito propalaturus, ac mandaturus. Longe clarius id ipsum quoque indicatum fuit, quando Iudæis visione lampadarum perterritis, montisq. fumantis aspectu, & auditione vocum, sonituq. buccinæ (quæ Dei ad eos loquentis signa erant) pauore concussis, & propterea illū ita rogantibus: *Loquere tu nobis, & audiemus. Non loquatur nobis Dominus, ne forte moriamur.* In hæc verba, quæ Deuteronomij cap. 5. habentur, respondit: *Ego sequester, & medius fui inter Deum, & vos in tempore illo, vt annunciarer vobis verba eius. Timistis enim ignem, & non ascendistis in montem.*

Tertul. li.
1. ad Scapula. Et S.
Cyprian.
epist. 2. &
71.

Exo. 33.

Exo. 20.

Dent. 5.

Eadem sane in legis nostræ maioribus Sacerdotibus fieri egregie declaravit Augustinus elucidans illud Psal. 75: *Illuminans tu mirabiliter a montibus aternis, dicit enim: Qui sunt montes magni? Prædicatores veritatis. Tu illuminans, sed a montibus aternis. Primi magni montes excipiunt lucem tuam; & a luce tua, quam suscipiunt montes, vestitur terra. Sed illos magnos montes exceperunt Apostoli, tamquam orientis luminis primordia exceperunt Apostoli. Numquid quod acceperunt apud se retinuerunt? Nonne diceret illis: Serue nequam, & piger dares pecuniam meam nummularijs? Si ergo quod susceperunt, apud se non retinuerunt, sed omni orbi terrarum prædicauerunt: Illuminans tu mirabiliter a montibus aternis. Omitto, ne videamur a proposito instituto longius progredi, innumera beneficia per Pastorum interpellationes, & merita populis in ipsorum subsidium, & tutelam mirabiliter a Deo collata, quæ plane haud minus nota sunt, quàm quæ per Moysen Israeliticæ genti a Deo largita fuisse diuina recenset historia. Nec sane inficias eo, quin ambos iam dictos effectus operetur Crux hac vel illa ratione gestata: sed id solum affirmasse volumus, per Crucem priore illo ritu portatam nobis repræsentari primam illam vtilitatem, quæ est, ut iam non semel supra repetiuimus, aduersarum potestatum depulsio & effugatio: Per aliam vero gestandi formam præcipue significari, quæ nobis inde proueniant dona & beneficia.*

Apolog. 2
pro Chri
stianis.

Quid simile etiam ostenditur in gestatione Crucis, quæ Clericis præferri solita est: ex cuius hasta, ut plurimum, pēdet pretiosum quoddam pallium ligno transuerso adiectum, ut nobis apertius exprimat speciem Labari, quod, referente Iustino martyre, Crucis figuram ante Constantini tempora præseferbat: quod sane signum nō minus terribile ac formidabile erat hosti Romanorum, quàm ipsis Romanis gratum, ac iucundum videbatur: nam eius visione animus, viresq. militibus ad præliandum mirifice addebantur. Maxima etiam prudentia seruari arbitramur id, quod in usu est, quādo
ad

ad proceffiones folemni ritu celebrandas vniuerfus Cle-
 rius, frequentiffimusq. populus vna cum Pastore fuo
 conueniunt, nempe, quod Clerici, & omnes Ecclesia-
 ftici viri, nullis alijs interpositis, ac interiectis, statim
 primam Crucem cum imagine Saluatoris ad antero-
 rem partem conuerfam fequantur, & Crucifixo pro-
 pinquiores incedant, quafi & illis, vt re vera decet, &
 oportet, illud beati Auguftini de Chrifti difcipulis di-
 ctum aptari poffit, videlicet, *vt illi fint etiam corpore*
viciniores, qui praeceptis implendis animo plusquam ceteri pro-
pinquant. Quanto enim Clerici pra laicis locum Cruci
 propinquorem fortietur, tanto insignioribus exem-
 plis populos ad eam fequendam inftituere & adhortari
 debent. Inter hos autem & illos medius incedit cum
 Cruce propria Archiepifcopus Crucifixi facie ad eum
 conuerfa, vt ex eius profpectu omni diligentia ftudeat
 talem fe tum apud Deum, tum apud fubditos praefta-
 re, vt ab illo in omnibus fuis tam pro feipfo, quam
 pro populo fuo oblati praebis exaudiri me-
 reatur, vitaeq. fuae recta & inflexibili inftitu-
 tionem, atque praefantia tam praecedentibus
 praecedentes, quam fequentes ad fe imitandum, fide-
 ter inuitare adhortariq. poffit. his ip-
 fis

Doctores gentium verbis:

Imitatores mei eftote,

ficut & ego

Chrifti.

De ferm.
 Dom. in
 mote lib.
 1. cap. 1.

De Cruce
 illi qui
 . . .

1. Cor. 2.

Quare Patriarcharum Crux duplici, Archiepiscoporum, & summi Pontificis, simplici linea in transfuersum ducta consuet.

CAP. XIII.

OCCURREBAT postremo hoc loco questio sol-
uenda: Quam ob causam Archiepiscoporum insi-
gnia Cruce exornentur, cuius stipes vna tantummodo
linea, eius vero, quæ super Patriarcharum insignibus
pingitur, binis disparibusq. lineis decussetur, ita vt bre-
uior linea superiore locum obtineat, longior inferio-
rem; qualem esse dicunt Crucem per vniuersam Hispa-
niam decantatissimam, Angelico, vt creditur, non hu-
mano artificio confectâ, quæ Carauacæ magnâ religio-
ne asservatur. Nos igitur animaduertentes, quod Rôma-
num Pontificem, illiusq. Legatos antecedit Crux instar
Archiepiscopalis, non autē Patriarchalis, nec non edo-
cti ab Episcopis, qui vniuersam fere orientalem Eccle-
siam peragrarunt, & Patriarchales, aliasq. primarias
illas sedes visitarunt, quod Crucis Patriarchalis vsus
apud illas nullus sit, ac propterea existimantes eius for-
mæ Crucis Præsulibus præferendæ consuetudinem nus-
quam seruari, disputationem hanc missam faceremus,
nisi oculatorum testium relatione certiores facti fuisset-
mus, esse in Europa insignis Metropolitanæ Ecclesiæ Ar-
chiepiscopum Patriarchali titulo decoratum, cui Crux
præire soleat qualis super Patriarcharum insignibus sta-
tuitur. Cuius ritus ea proculdubio causa est, vt huius-
modi notæ & indicij varietate intelligamus in Ecclesia
Dei esse sedes honore, & ditione dispares. Cum au-
tem huiusmodi obseruationis testimonium scriptis tra-
ditum apud alium auctorem, quàm apud Ioannem Mo-
lanum in suo de picturis supra citato opere, minime

inue-

Crux vi-
sa in Hi-
spania.

Ioannes
Molanus.

inuenerim, illud nulla ratione prætermittendum existi-
maui. Cap. v. igitur 42. ita habet: *Hoc autem pro rudiori-
bus addo: quod baculo Episcopali non sit addendum Sudarium,
sive ararium, sed Abbatiali: per hoc enim distinguitur ab Episco-
pali. Item quod baculus Archiepiscopi non habet superius un-
cum, sed Crucem: Patriarcha autem habet superius duplicem
Crucem. Supremo Patriarcha, siue Romano Pontifici, quidam
dant pedum cum triplici Cruce ad redarguendam eorum cacam;
& diuturnam ambitionem, qui se contra Romanam Ecclesiam
omnium matrem crexerunt, volendo Patriarcham Constantinop-
olis, qua tunc nona quoque Roma dicebatur, vniuersalis Pa-
triarcha titulati insigniri, & eiusdem potestatis esse cum veteris
Romæ Pontifice.* Cum enim Crux sit insigne præcipuum
earum, quæ in Ecclesia Dei conspiciuntur, dignitatum,
proinde simplex minorem indicat ordinis potestatem:
multiplex vero maiorem & præstantiorem. Cui sane
proportioni respondet veterum Romanorum con-
suetudo illa, iuxta quam supremum Magistratum plu-
res fasces, inferiorem pauciores antecedeabant. Et qui-
dem huiusmodi instituto illarum Ecclesiarum mos val-
de conuenire videtur, vt nobiliori Clero Cruces binæ, &
forte plures præferantur, minus vero insigni non item,
sed simplex.

Quod si hæc ad sensum tropologicum referamus, di-
cemus, commode per Crucis multipliciter, & plu-
ralitatem significari, vt quibus eminentior in Ecclesia
locus est datus, grauius etiam sollicitudinum, curarum,
& laborum fuisse onus impositum. Quid est enim aliud
Crux, nisi cruciatus signum? itaque multiplicem Cru-
cem plurimum cruciatuum indicium esse aperte conse-
quitur. Inde est, vt, quod Ecclesiastes de scientia pro-
nunciauit, dicens: *Qui addit scientiam, addit & laborem*, Eccl. 1.
id ipsum honori, potestati, seu dignitati Ecclesiastica ac-
commodari posse nemo inficias iuerit: vt similiter di-
camus: *Qui addit potestatem, seu honorem, addit &
laborem, vel etiam, quemadmodum alia lectio habet, &
do.*

Cap. 42.

103
1
2 48

101 2

Cruz Col
legij S.
Spiritus.

dolorem. Nam, vt Patres interpretantur, cuicumque plus committitur, plus ab eo exigitur. Cuius sententiæ fuisse videntur, qui Crucem albam in eodē stipite duplicatam insignis Collegij & domus S. Spiritus de Vrbe symbolum esse voluerunt, nisi forte id ad differentiam illustrissimæ militiæ Hierosolymitanæ factum esse dicamus. Etenim per alteram in transuersum superstructam lineam significatur votum ab eis præter tria omnibus regularem vitam profitentibus communia emitti solitum, quo se perpetuo vinculo obstringunt ad præstandum ægrotantibus famulatum. In quo sane voto persoluendo, tot, tantaq. incommoda suscipiunt, vt nisi charitas Christi, cui in egenis curandis seruiunt, illos erigeret ac sustentaret, omnino succumberent.

Dubitatio.

Solutio.

Verum si alicui his contrarium esse videatur, quodd Romano Pontifici, qui non solum Patriarcha, sed etiam Patriarcharum omnium Caput, & Pater est, eiusq. Legatis Cruz præferatur communi ritu fabricata, non autē binis lineis decussata, huic dubitationi satisfieri posse putamus, si dicatur, non omnino constare Romanos Pontifices ea Crucis forma, qua modo vtuntur, olim vsos fuisse: visuntur enim nonnullæ summorum Pontificum imagines, quæ in manibus Crucem referunt, cuius stipes duplici ac triplici linea est decussatus: Neque verò incredibile est, talis formæ Crucem eis aliquando prælatam, qualem in manibus ipsorum nonnulli effingunt. Nam Patriarchæ depicti, & eorum gentilitia signa talem habent, quia talem (ni fallor) illis præferri consuetum erat, immo quodd tertio decussetur, id quam supra retulimus sententiam confirmat, cum scilicet dicebamus, accessiouem secundæ lineæ in transuersum ductæ ad eundem stipitē, celsiorem illius, cui Cruz eiusmodi præfertur, potestatem præmonstrare. Quam ob causam forse sacra thiara, quæ solius Romani Pontificis caput exornat, singulari prærogatiua ex triplici coroua constatur.

Thiara.

Sed

Sed si hæc solutio quæstionis alicui non probatur, sicut nobis etiam vix persuaderi potest, vt credamus, Maiores nostros alioqui sacrarum cæremoniarum enacissimos, ab illo ritu (si apud illos vñquam vixit) aliquando recessisse: accipiat hæc alteram propositæ dubitationis solutionem.

Licet varia ista Crucis constructio reperta fuerit ad significandum inter Patriarchas, & Archiepiscopos eminentiæ, dignitatisq. discriminem: negamus tamen eandem fuisse necessariam ad ostendendam supremæ Pontificiæ potestatis dissimilitudinem: non enim vno signo tantum præfulget huiusmodi Pontificis maiestas, auctoritas, dignitas: sed plurima sunt, eaq. propria insignia, quibus supereminentiſſima omnium Apostolica sedes a quibuscumque alijs tam Patriarchalibus, quàm Archiepiscopalibus distinguitur: Huiusmodi sunt binæ clauæ decussatæ: sacra thiara triplici (vt diximus) corona, pulchro ac mystico artificio redimita. Varia præterea indumenta solius summi Pontificis propria, siue domi ille se contineat, siue in publicum prodeat. Quod si iter agat, mittimus diuersa, pulcherri- maq. vexilla, phaleratos equos pileos pretiosos, & alia, quæ Pontificem solemnem cum apparatu incedentem iuxta sacrorum rituum leges antecedunt: & inter cetera illud eò admirabilius est, quo minus frequenter est in vsu, quod videlicet Papæ ab Vrbe paulo longius proficiscenti, sacrosanctæ Eucharistiæ sacramentum præferatur, loco inter Crucem, & Papam medio, idq. cum solemnissima pompa, religiosissimoq. conitatu: Ita vero Pontifici est hoc proprium, & peculiare, vt nulli vñquam Antistiti fuerit indultum. Cum igitur cælesti ac diuino hoc indicio omnium superexcellsa Romani Pontificis dignitas mirum in modum declaretur, non opus fuit, Crucis formam aliam, quàm communem, instituerem.

Solutio
dubita-
tionis
altera.

Thiara
sacra.

Ritus, qui
summo tã
tum Pon-
tifici con-
uenit.

L

Accedit

*Hinc spic-
at iudicij
& sacro-
torali, quorũ
vult. immo
conuict. ls. 17.
in vult. c. mini.
in d. sac. p. m. ch.
in fi. vñ glo. n. u. l.*

Accedit præterea quòd Romano Pontifici, vbicum-
que fuerit, Crucis vexillum perpetuo præferri debet;
ceteri vero omnes, quicumque illi sint, etiam Le-
gati de latere, vbi Christi Vicarius adest,
Crucem seponunt, neque ante se ge-
stari patiuntur, vt hac etiam ra-
tione debitum se illi obse-
quium & reuerentiam
præstare decla-
rent.

LIBRI SECVNDI FINIS.





LIBER TERTIVS

Quas ob causas Crux præferatur Romano Pontifici in publicum prodeunti.



Quinque. causa. de. Cruce. Romano. Pontifici. præferenda.

CAP. I.

ET si multo studio ac labore apud antiquos Patres, certas & expressas causas conquisuerimus, cur Crux præferatur summo Pontifici, hætenus tamen eas non inuenimus. Verum quia ritum hunc plurimis, grauissimisq. de causis putamus institutum, præclare in illum eam conuenire censemus, quæ Iuo Carnotensis Episcopus de erectione sanctissimæ Crucis, atque alijs institutis egregie scripsit his verbis: *Consuetudo Ecclesiastica multas ex rebus gestis continet consuetudines, quibus & verum gestarum representas veritatem, & simplicium corda excitat ad pietatem, ut per ea, quæ foris venerantur, ad internorum amorem rapiantur. Quare fit, ut & ad recordationem Dominice passionis in Ecclesia Cruces erigamus: & tempore Ascensionis vexilla triumphum Christi significancia in eminentiori loco Ecclesie, tamquam in archi triumphali sublimamus: quod Sanctorum miracula, vel martyria pictura imaginatione recordamur.* Proinde pro ingenij nostri tenuitate dabimus operam, ut causas, quas coniectura

Serm. de
Purific. B.
Virginis
Mariz.

saltem animo concepimus, vti verisimiliores, ac pietati magis consentaneas, in medium afferamus. Ante omnia autem statuendum a nobis est, Crucem, vt fide-
 lium oculis facilius obijceretur, in sublime tolli consue-
 uisse, non ea solum ratione, vt potissimum passionis,
 & necis Christi Domini perpetuo memores essemus
 (prout suo testatus est) verumetiam, vt in eiusdem Do-
 mini fide, qua illum Cruci vere affixum fuisse profite-
 mur, magis ac magis confirmaremur, atque munire-
 mur, contra hæreticorum impios conatus, qui hanc
 veritatem infirmare, eiusq; virtutem labefactare totis
 viribus nituntur, sicuti fuerunt, teste Irenæo, & Epi-
 phanio, omnium primum Simoniani, quos (vt Augusti-
 nus, & ceteri testantur, qui de hæresibus commenta-
 rios ediderunt) secuti sunt Basilidiani, Marcitæ, & alij Si-
 monis Magi hæresiarcharum principis sectatores: Hi
 Christum non vere, sed vt eiusdem sancti P. Augustini
 verbo vtar, *pudine* passum fuisse asseuerare non eru-
 buerunt: & Basilidiani addebant, non Christum, sed Si-
 monem Cyrenæum, qui angariatus sustulit Crucem
 Domini, fuisse crucifixum. Contra hos Paulum Apo-
 stolus, in ea, quam ad Philippenses dedit, epistola, acer-
 rime inuehi putamus, quos inimicos Crucis Christi ap-
 pellat, ac proinde in eadem Epistola tam exacte Chri-
 sti in Cruce mortem descripsit, dicens: *Factus obediens
 usque ad mortem, mortem autem Crucis*. Et in alijs præte-
 rea Epistolis nihil aliud se scire aut prædicare proferretur
 nisi Iesum Christum, & illum quidem Crucifixum.
 Quos fugillabat Ignatius ad Trallianos ita scribens:
*Si furculi non fuissent patris (Diaboli videlicet) non fuif-
 sent hastes Crucis Christi, sed eorum, qui occiderunt Dominum
 gloria. Nunc vero, cum Crucem negent, & illos passionis pu-
 deat, tegunt Iudeorum scelus*. Sed hoc ipsum in sua ad Phi-
 lippenses Epistola magis aperte declarat, magisq; con-
 firmat eo loco, vbi legitur: *Princeps enim huius mundi
 gaudet, cum quis Crucem negarit: cognoscit enim Crucis confes-
 sionem*

Iren. li. 1.
 cap. 28.
 Epiph. hæ-
 ref. 21.

Lib. cita-
 to hæref.
 14.
 Euseb. li.
 4. hist. Ec-
 cles. c. 8.

Philipp. 3.

Ignatius
 epist. 5.

Epist. 3.

tionem suam esse exitium, id enim trophæum est contra illius potentiam, quod (vt in priori etiam libro retulimus) ubi videris, horret, & audientis timet. Sed quid est, vt optime aduertit pius admodum & Ecclesiasticarum historiarum in primis eruditus Cæsar Baronius, cuius verba referre non pigebit: *Quid est (inquam) quod ait: ubi videris, horret, nisi quod tunc Crucis vexilla erigi solita significat?* En igitur, vnde ductum est principium, cur ad exemplum Crucis, in qua passus est Christus, aliæ Cruces erigerentur in titulum, quas fideles venerarentur, & diabolus exhorresceret.

Annal. Ec
cles. anno
Christi
60. a prin
cip.

Nunc igitur ad causas, ob quas circumferuntur Cruces, tandem accedentes, illud primo statuiamus, omnes causas, quas complexi sumus in Libello de gestatione sanctissimi Corporis Christi coram Romano Pontifice procul ab vrbe iter faciente, omnes (inquam) præter primam, quæ est, vt habeatur in promptu sacrosanctæ Eucharistiæ viaticum, huic quoque parti apposite conuenire, & aptissime accommodari posse. Sunt autem quæ proxime sequuntur.

Prima, ad fidem in Christum propter nos redimendos, & saluandos Crucis affixum, absque rubore, & intrepide profitendam.

Secunda, ad illius, cui præfertur, ardentem amorem erga Crucem, & peracta in ea nostræ salutis mysteria, indicandum, ac manifestandum.

Tertia, ad Papæ, & vniuersi Papæ comitatus a cunctis periculis tutelam, ac protectionem.

Quarta, ad illos, qui eam sequuntur, & comitantur, a peccatis cohibendos, & ad Crucifixi imitationem monendos.

Postrema, ad Papæ supremam omnium dignitatem ac potestatem declarandam, cunctorumq. fidelium oculis proponendam.

Crux præfertur ad fidem in Dei Filium Crucifixum protestandam, & tam illius, cui præfertur, quam illorum, qui ei occurrunt fidem, religionemq. detegendam.

C A P. . 1 I.

PRIMA causa Crucis non solum summo Pontifici, sed & quibuscumque alijs Christianis præferenda, est, ut sacrum illud signum tamquam omnium Christi militum præcipuum vexillum, ea, qua debemus, reuerentia prosequamur, & sub illo conuenientes, & post illud incedentes, Iesu Christi Nazareni Crucifixi fidem profiteamur, & in eius Cruce nos gloriari palam, & intrepide protestemur.

Tract. 5.
in epist.
Ioan.

Est enim hoc primum symbolum externum, quo insigniuntur, & designantur, quicumque Christi fidem amplectuntur. Et quemadmodum charitas, beatissimo P. Augustino teste, intus in anima distinguit inter filios regni, & diaboli, ita Crucis signaculum in corpore innotescere facit fideles ab infidelibus, quibus Crucis prædicatio vel scandalum est, vel stultitia, dicente Apostolo:

1. Cor. 1. *Nos prædicamus Christum Crucifixum, Iudæis quidem scandalum, Genibus autem stultitiam: ipsi autem vocatis Iudæis, atque Græcis, Dei virtutem atque sapientiam. In quam sententiam a beato Athanasio Crux appellata fuit tessera: Inquit enim: Iam in spectaculo virorum, mulierum, puerorumq. in tenera ætate recta contendensum, proficiendumq. in mortem; idq. ob Christi religionem; quis ita est solidus? quis ita est a credendo alienus? quis ita animo obsecutus, ut non statim cogitet Christum hand dubie, cui illi se testes præbent homines, singulis victoriam contra mortem suppeditare, illamq. debilitare in unoquoque eorum, qui in ipsum credunt, ac tessera-*

Serm. de
incarnat.
Verbi.

ram,

ram, vexillumq. Crucis circumferunt? Tessera vero signum est, quo amici ab hostibus, & vetus hospes ab extraneo dignoscebatur: vnde tesserae militares, & hospitalis apud Latinos auctores nomen acceperunt. Quod quàm apte Crucis vexillo conueniat; non minus clare, quàm pie explicauit Ioannes Damascenus, cum ait: Hoc nobis signum datum est super frontem: per ipsum enim fideles ab infidelibus distamus, & discernimur.

De f.d. or
thod.li.4.
cap.12.

Ab hac sententia minime alienum est & id, quòd eodem tesserae nomine significari etiam legitur signum populi Romani, quod affigi solebat in aliquo eminentiori loco Urbis, vt comitia haberi possent, eo vero sublato, statim comitia soluebantur: Nàque ad huius exemplum Crux Christiani populi tessera merito dicitur, si ne qua nec Ecclesiae congregatio, nec popularis conuentus, nec aliqua iusta, & legitima societas congruenter initium sumit, nisi prius Crucis signum credentium omnium frontibus praefigatur, nec populus ad pietatem erigi; nec fideles ab infidelibus disiungi possunt. Hoc certe signum est Dei viui, quo signantur serui Dei. Hinc miserrimi homines, qui Christi fidem impie deserunt; ab eaq. turpissime desciscunt, ad id impietatis se induci permittunt, vt Crucis vel ab ipsis Angelis adorandum signum non tantum scelesto ore blasphement, verum & pedibus (ò mira omnipotentis Dei patiétia!) conculcare non vereantur.

De lib. 2. de
cap. 12.

Ad hoc facit quod Hippolytus martyr, Antichristi grauissimam in Christianos persecutionem describens ca inualecente ait: *Cuncti ciborum penuria ad illum accedent, atque adorabunt eum; quibus dabis characterem in dextera manu & fronte, ne quis dextera sua pretiosam illam Crucem pingat in fronte, ex quo tempore non poteris ullum signare membrorum suorum, & cet.*

Lib. de cō
summat.
seculi.

Hinc impiissimus Iulianus Apostata Antichristi prodromus & prænuncius, Crucis vexillum, in quod fidelissimus Imperator Constantinus Labarum (vt superius dictum

Lib. 5.
cap. 16.

De diu.
off. c. 25.

dictum est) præcipuum militare signum commutauerat, in priscum schemâ superstitionis transformauit, vt Crucis memoriam aboleret. De qua re ita scripsit Sozomenus: *Omnes autem omnino ad illam (Græcorum scilicet superstitionem) proficendam, cum re vera assuescere conaretur, illud, quod in signis militaribus Romanorum principem locum obtinebat, quodq. Constantinus diuino mandato, uti supra commemoratum est, in insigne Crucis commutauerat, ad veterem effigiem & figuram traducere decreuit.* Hæc Sozomenus, a Nicephoro postea hist. Eccl. suæ lib. 10. & cap. 23. repetita.

Hanc Iuliani impietatem Ioan. Beletus his verbis commemorauit: *Iulianus signa Crucis ubique destruxit, & Christianos quantum potuit persequutus est: credens aliter fieri non posse, ut sibi demones obtemperarent. Quare etiam Iudam modo appellatum Quiriacum interfecit, per quem Crux fuerat inuenta, & qui crederet, se rem gratam facturum diabolo, quem de hoc Martyre dixisse ferunt: Per Iudam Christus morti traditus est: & per hunc Iudam Christus mortuus exaltatus est. Itaque si salutarem Crucem abominari, ac illam longe à se pellere est certum argumentum infidelitatis eorum, qui ita erga illam se gerunt: e contra firmæ & constantissimæ illorum in Crucifixum fidei efficacissimum erit argumentum, qui Crucem sibi semper præferri, & ante oculos habere volunt.*

Perpetua Crucis in itinere prælatio ante summum Pontificem ardentissimum ipsius erga illam studium demonstrat.

C A P. III.

QUEMADMODUM ex eo quod summo Pontifici Crucis Dominicæ signum præfertur, eiusdē summi Pontificis (vt dictum est) erga Crucifixum fides demonstr-

monstratur: Ita ex illius tam frequenti usu, in Ecclesia, foris, in itinere ipso manifestissime declaratur eiusdē studium ac pietas erga præstantissimum Redemptoris trophæum: quasi illius deliciæ vnæ sint semper esse ac verari cum saluari, ac viuifica Domini sui Cruce. Quod si magni Constātini non modo in Christum Crucifixum fides, sed admirabile etiam studiū, atque propensa deuotio erga triumphale illius signū ex eo emicuit, & quod Crucem ex auro purissimo fabricarit, gēmisq. pretiosissimis exornarit: quoddq. eam a castris, & ab exercitu suo abesse numquam pateretur, vt sic ipsam intueri semper & digne pro viribus venerari posset: Quāta, quāso, cuiusq̃ue vere fidelis erga Dominicā Crucem deuotio, quantūve animi affectus conijci, & cognosci potest, si a Crucis conspectu numquā se retrahat; & non modo internis animi luminibus Crucis mysteria assidue meditetur, verum etiam corporis oculos intendant in illud Redemptionis nostræ singulare monumentum, illius præsentia vehementer delectetur? eiusq. aspectu inexplicabili delectatione perfruatur? Hæc autem inspectio si interiori spiritus visioni coniuncta fuerit, quantæ sit virtutis, & quā potenter foris in ipsa etiam (sed pro modulo suo) carne & corpore operetur (vt nunc de beatissimo Andrea Apostolo taceam, qui quanta perfusus fuerit animi lætitia ex Crucis ad atrocissimam mortem sibi paratæ inspectione, manifestissime declarant gaudij & exultationis plena verba, quibus illam statim ac eam vidit a longe salutauit, vt se suscipere non grauaretur, humili prece postulauit) testantur stigmata, quæ in manibus, pedibus, & latere sancti Francisci coram sacra Crucifixi imagine toto cordis affectu orantis diuino stylo mirabiliter impressa fuerunt. Testantur & passionis Domini mysteria in carneo corde beatæ Claræ virginis de Mōtesfalcone Eremitanæ S. P. Augustini familiæ singularis ornamenti, diuinitus insculpta, & efformata. Ex his & alijs, a quorum commemoratione consulto super-

S. An-
dreas.

Apud Sur.
in vita S.
Francisci
die 4. O-
ctob.

sedemus, consimilibus exemplis admirabilium effectuum, quos in diuersis vtriusque sexus fidelibus, qui oculorum suorum acies in Dominicam Crucem singulari studio intendere solebant, Deum pro sua benignitate operatū fuisse a fidedignis Scriptoribus accepimus; fatis constare potest, quod Crux insignioribus Ecclesie Hierarchis prælata, primo excellentem quandā eorum erga sacrum militiæ Christianæ vexillum pietatē (quod ostendere proposueramus) ac dilectionē indicat: Deinde quibus pie oculos tollere ac figere in Crucē ita prælatam contigit, eos miro quodam modo ad Christum crucifixum toto corde, totisq. viribus diligendū accendi, & inflammari. Nemo enim est eorum, qui Christi nomine digni meritò censentur, cui ad primum Crucis intuitum, Crucifixi, qui nos per eam redemit, memoria statim non refricetur, eosq. beneficiorum ab illo acceptorum non subeat recordatio; quibus interne commotus, mox coram illa genuflectat, vel saltem humillime inclinatus, caput demittat, gratiq. animi sui, pro acceptis donis, signa præferat, & ad alia, quæ commemorauimus, promerenda, dignus efficiatur: Hanc enim ob causam, Crucem non modo circumferri, verum etiam in templorum editionibus nobilioribusq. locis, & vbique statui, omnibus constat. *Quod si* *dæmones* (vt Cyrillus Hierosolymitanus ait) *quandoquæque Crucem viderint, recordantur Crucifixi, ut potè qui metunt eum, qui contriuit capita draconis in aquis, quæ ex Christi latere effluerunt:* quanto magis Crucis aspectu, eiusdem Crucifixi memores esse debent Christiani, & proinde gaudij, studij, gratiq. animi affectum, & spei plenam significationem exhibere? Si Romani milites vbi primum Labarum suspiciebāt, supplices illud adorabant, sibiq. ac ducibus bene ominabātur, & precabātur, quod eo præcedente, exteræ gentes debellassent: quanto magis nos Christiani, toto animi studio erga inuictissimum Crucis signum affici, & quolibet honoris, & reuerentiæ genere

Cath. 13.

genere cælestis Imperatoris nostri victoriarum gloriosissimum trophæum prosequi debemus, quo muniti ac protecti hostium conatus debilitamus, ac frangimus, eorumq. acies uti mox indicabimus, profligamus, ac prosternimus? Quare satis nunc sit demonstrasse validissimum esse argumentum ad convincendum, quempiam grandi ac vehementi dilectionis studio Crucis teneri, si idem frequenti Dominicæ Crucis inspectione delectetur. In summis Romanis Pontificibus recensendis non est quod sim plurimus: testantur enim id augustissima templa, & sacræ Aræ Cruci dicatæ, Cruces summa arte elaboratæ, ac pretiosissimis gemmis ornatæ. Declarant veterum monumenta Scriptorum, quorum lectione fideles edocti, aut inflammati prædicatione ad Crucem venerandam & colendam mirabiliter inuitantur, siue etiam adiguntur. Qui exempla requirit, consulat Auctores, qui Pontificum vitas scripserunt, præcipue Anastasium bibliothecariū, quorum nos dicta præterimus hoc loco, quia propositæ materiæ ea non admodum necessaria putamus. Tantum eam historiam recensebimus, quæ de Clemente VII. refertur, quia rem gratam nos arbitramur facturos saltem ijs, qui in Pontificij sacrarij præfectura nobis erunt subrogandi, nam breui hac narratione, statim de inæstimabili eorum fidei & custodiæ credito thesauro intelligent, quæ nobis post diuturnam inuestigationem, & quidem animi lætitia inexplicabili innoruerunt. Eius autem historię auctor est Onuphrius Panuinius Veronensis coe-remita Augustinianus in opere manuscripto de Basilica Lateranensi. Is, inquam, diligentissimus antiquitatis inuestigator, dicti operis lib. 4. cap. 21. agens de Oratorio sancti Laurentij Sancta Sanctorum nuncupato, ob innumeras & insignes in eo adseruatas reliquias (nam & sanctissimorum Apostolorum Petri, & Pauli ibi vsque ad Urbani V. Pontificatum, capita custodita fuerūt) refert in eo magnam sanctissimæ Crucis

Clement
VII.

Onuphr.
Panuin.

R. P. Al-
phonfus
Ciac. tra-
ctat. de si-
gnis san-
ctiss. Cru-
cis, c. 34.

Dominicæ partem asseruatam fuisse, quæ singulo quoque anno in die festo Exaltationis sanctæ Crucis efferebatur, & super altare exculte ornatum simul cum alijs reliquijs locata primum a Pontifice & Cardinalibus, deinde ab vniuerso populo adorabatur. Eius historię testes affert Venerabilem Bedam in lib. de temporum ratione, & Anastasium Bibliothecarium in vita Sergij Papæ; de quo Pontifice vterque narrat, quòd illam Crucis partem alibi inuentam in eo Oratorio reposuit custodiendam. Et in fine subdit hæc verba: *Hanc sanctissimi ligni portionem excidio Urbis sub Clemente VII. a militibus aliquot theca argentea direpta; ablatam, Pontifex prodigijs, & non sine ope diuina recuperauit, & aurea, crystallinaq. Cruce inclusam in Palatio Vaticano seruari iussit.* Quòd autem ea sit, quæ in sacrario Pontificio asseruatur, atque in solemnioribus festiuitatibus in altari, quando summo Pontifice, & sacro DD. Cardinalium Senatu præsentibus diuina officia perfoluuntur, locari est solita, haudquaquam dubitare permittunt qui tunc aderant, & historiam memorarunt oculati testes, & ipsa aurea & crystallina materia, ex qua confecta conspiciatur, & ipsius Clementis in eius, de qua agimus, theca impressum nomen.

Ad rem autem nostram, a qua digressi sumus, mihi plurimum facere videtur memorabile illud exemplum, quod sanctæ memoriæ Carolus Borromæus Cardinalis S. Prædix, vir spectatissimæ integritatis & sanctitatis ætate nostra, numquam Crucem suam Archiepiscopalem, cum in suæ ditionis locis morabatur a se patiebatur auferri, quam
 & vigilans ante oculos, & dormiens supra caput apud lectum perpetuo retinebat.

*Crux præfertur ad eorum, qui eam
prosequuntur, tutelam.*

CAP. IIII.

DE certissimo præsidio, atque ab vniuersis periculis præsentanea tutela, quam experiuntur quotquot hoc salutari signo se fideliter muniunt, ac illius, qui per eam saluos nos fecit, opem inrimo cordis affectu implorant, tam crebra, & omnibus passim notissima habetur testimonia, vt superuacaneum videri possit in huius argumenti probatione immorari. Ad laudem igitur huius fortissimi propugnaculi, & ad nostræ erga illud fiduciæ excitationem, pauca ex multis, & pene infinitis, quæ pro tertiæ huiusmodi causæ explanatione & confirmatione adduci possent, afferemus. At quis pericula, quibus mortales omnes quolibet temporis momento expositi sunt, dum in hac lacrymarum valle peregrinantur, enumerare valeat? quæ sane nullo modo nisi Diuino protegente numine imbecillitas nostra depellere, aut euitare posset: Cuncta nihilominus ad duo potissimum capita reuocari possunt, quæ huc spectant: nempe ad animæ, seu spiritus, & ad corporis damna: at quoniam bonorum spiritualium iactura longo interuallo superat corporearum creaturarum detrimenta; a spiritualibus exordientes vnum vel alterum testem proferemus, quibus liquido constabit Crucis signaculum præsentaneum esse refugium ad arcenda efugandaq. pericula, quæ animarum quieti & saluti perniciosissime aduersantur.

In ea, qua, vt supra diximus, Martialis nomine circumfertur Epistola, hæc habetur ad rem propositam in primis facientia: *Crux Domini, armatura vestra inuicta contra Satanam, galea custodiens caput, lorica protegens pectus, clypeus tela maligni repellens, gladius iniquitatem, & angelicas insidias*

Ad Bur-
degalenses
cap. 8.

insidias peruersæ potestatis, sibi propinquare nullo modo sinens. Hoc solo signo celestis victoria data est nobis, & per Crucem baptismi Dei sanctificatum est.

Lib. 6. in
cap. 6. ad
Rom.

Alter testis est Origenes, qui illam Apostoli sententiam pertractans: *Non regnes peccatum in vestro mortali corpore, Tanta est (inquit) vis Crucis Christi, ut si ante oculos ponatur, & in mente fideliter retineatur, ita ut in ipsam mortem Christi intentus oculus mentis inspiciat, nulla concupiscentia, nulla libido, nullus furor, nulla superare possit inuidia, sed continuo ad eius præsentiam totus ille peccati, & carnis fugatur exercitus. Eidem sententiæ se tertio in loco subscribit, dum inquit: Crux Iesu est omnium cupiditatum, donec eas deleueris, infectatio. Itaque beatus Apostolus, qui eas contrine-*
Gal. 2. *rat, audebat dicere: Cum Christo crucifixus sum.*

Ad grauissimorum huiusmodi testium dicta confirmanda accedit S. Patrocli exemplum, quod a Beato Gregorio Turonensi refertur his verbis: *Tentabatur is de reditu ad sæculum, sed angelica visione correptus est, his verbis: Desine ergo querere mundum, ne pereas cum eo: & quod ibi inueneris, hoc tibi erit consolatio in peregrinatione tua. Ingressus igitur cellulam Oratorij inuenit regulam fictilem, in qua signum Crucis Dominica erat impressum; agnoscensq. munus Diuinum, intellexit sibi ad omnia mundana peruersitatis incitamenta hoc esse inexpugnabile munimentum.*

Protectionis autem indubiæ a corporis (vt ad alteram partem demonstrandam cito deueniamus) periculis ad signi Crucis præsentiam, tot occurrunt ex historijs, alijsq. Patrum scriptis testimonia, vt facile nobis nõ sit deliberare, a quo sumamus exordium: ne tamen plusquam decet prolixiores simus, ex tam magna illorum multitudine, pauca nobis satis erit delibasse: Nam & aliqua superius, prout res exigebat, attulimus nostro instituto opportuna.

De vit.
Constit.
lib. 2. c. 7.

Primo igitur apud Eusebium de magno Constantino sic refertur: *Sicubi enim partem aliquam sui exercitus languentem cernebas, ibi illud salutare vexillum tamquam subsidium*

fidium ad victoriam obtinendam locari mandavit; cuius adjuvamenti extemplo parva est victoria: quippe dimicantium vires divina quadam potentia fuisse admodum confirmata. Quibus & hoc vere admirabile subiicit factum: Cum in media belli dimicatione ingens forte fremitus, & turbatio repentina exercitum occuparet, ille, qui vexillum hoc portabas humeris, inter praliandum, primum praeforidine exhorrescere cepit, deinde alteri illud tradere, ut belli impetum effugeret. Postquam alter accepit, isteq. fuit ex acie egressus, & extra vexilli praesidium locatus telo coniecto in ventre confossus est, morteq. sopitus concidit. Atque ut iste timidis & diffidentia poenas luens ibi mortuus iacuit, sic ille, qui salutare trophaeum sublime, & erectum portabat; omnino eius subsidio enasis incolumis, adeo ut saepe cum tela frequentia ab hostibus in eum iacerentur, qui ipsum ferebat, saluus extiterit, & vexilli hastile tela immissa exceperit.

Eodem lib.
cap. 9.

Hanc admirabilem virtutem beatus Martinus sibi egregie notam declaravit, quando Iuliano Caesari ei probro adscribenti, quod non religionis gratia, sed metu, quae sequenti die futura erat, militiam detrectaret, respondit: *Si hoc ignavia adscribitur, non fidei; crastina die ante aciem inermis astabo, & in nomine Domini Iesu signo Crucis, non clypeo protectus, aut galea, hostium cuneos penetrabo securus.*

Seuer. Sulpii. in vit. S. Martini apud Sur. die 11. Novemb.

Sed quid opus est fidelium plura testimonia recensere, cum ipsetiam, qui Christianae religioni aduersantur, hoc signum sua quo se manu munierant, praesentaneum fuerit contra daemones propugnaculum, ut scribit Gregorius Magnus de Iudaeo, & Nazianzenus de Iuliano Apostata, cuius nuper meminimus? Nazianzenus enim ita habet: *Ut autem egregium virum (sic ironice appellat Iulianum) qui cum mago in subterraneas partes descenderat daemones consulurus prodeuntem terrores adoriri ceperunt, ac subinde plures, & formidolosiores sonos quosdam insuetos aiunt, tetrosq. odores, atque ignea spectra, ac nescio quas nugas & deliramenta, re inopinata percussus (harum enim*

In Iuliano. orat. 1.

rerum

*verum studium sero amplexus fuerat) ad Crucem, vetuſq. remedium confugis, eoq. ſe aduerſus terrores conſignat, & cum, quem perſequabatur, in auxilium aſciſcit. Et ſubdit: Valuit ſignaculum, cedunt damones, pelluntur timores. Et cui dubium? Nam id diſertis verbis docet Origenes dicens: *Qui aurata capitolia non timent, Crucem timent.**

Epiphan.
to. 2. lib. 1.
contra E-
bionitas.
Dial. lib.
3. cap. 7.

Magica quoque incantamenta Crucis virtute ſuperata, oſtendit idem Gregorius in vita ſancti Cypriani martyris: quod etiam Epiphanius egregio teſtimonio confirmat: ſed ne in re apertiffima diutius immoremur, lectorem illuc reiſcimus. Alter vero Gregorius non inferior ſanctitate & doctrina, quàm poteſtate & auctoritate maximus, de Iudæo hæc habet: *Quadam die Iudæus quidam ex Campania partibus Romam veniens, Appia carpebat iter, qui ad Fundanum clium perueniens, cum iam diem adueſperare cerneret, & quò declinare poſſet minime reperiret, iuxta Apolliniſ templum fuit, ibiq. ſe ad manendum contulit. Qui ipſum loci illius ſacrilegium pertimeſcens, quamvis fidem Chriſti minime haberet, ſigno tamen Crucis ſe munire curauit. Nocte autem media ipſo ſolitudinis pauore turbatus peruiſil iacebat; & repente conſpiciens vidit malignorum ſpirituum turbam quaſi in obſequium cuiusdam poteſtatis praire, eum vero, qui ceteris præerat, in eiſdem gremio loci conſediſſe, caput ſingulorum ſpirituum obſequentium ſibi cauſas, actusq. diſceteret, quatenus unusquiſque quantum nequitia geſiſſet, inueniret. Et poſt pauca: Cumq. Iudæus, qui aduenerat, hoc vigilans cerneret, ac magna formidinis anxietate palpitaret, ab eodem ſpiritu, qui cunctis illis obſequentibus præerat, iuſſum eſt, ut requirerent, quiſnam eſſet ille, qui iacere in eodem templo præſumpſiſſet: Quem maligni ſpiritus pergentes, & ſubtilius intuentes, Crucis myſterio ſignatum viderunt, mirantesq. dixerunt: *Va va, vas vacuum & ſignatum.* Quibus hæc renunciantibus, cuncta illorum malignorum turba diſparuit. Concedatur nobis, ut illud adiſciamus, quod ad rem noſtram maxime facit, de Turcis a peſte ſeruatis, quia Crucis ſignum ſibi impreſſerant, licet in Crucifixum*

omnis

omnis salutis auctorem minime crederent, de quibus hæc narrat Nicephorus: *Turcos, quos Chosroes Constantinopolim miserat, stigmaticos liquato atramento Crucis in frontibus impressas Imperator (Mauritius is erat) habere videns interrogauit quanam gratia qua non eolerent circumferrent signa. Illi grauem ante plures annos in Perside ex patria sua pestem coortam esse dixerunt, a qua cum multi mortales infecti interirent, Christianos quosdam, qui ibi fuere, hominibus, si hoc fecissent, salutis sue consulturos esse, regionemq. totam a lue tali inactam; liberamq. fore persuasisse. Idq. ita esse ab eis factum. Quod licet Zonaras ab eis gestum scribat, ne fame perirent (nisi fortasse alterum sit, diuersumq. miraculum) satis tamen aperte ostenditur, Crucis virtutem in illo vel pestis, vel famis periculo, infidelibus fuisse salutarem.*

Eccl. hist.
lib. 18.
cap. 19.

Lib. An-
narium in
Mauricio.

Quare si tantum auxilij præsidijq. Crucis hostes infensissimi in eius signo positum experimento didicerunt; quid non protectionis ac tutelæ in omnibus periculis sperabunt qui se illius cultui totos addixerunt? quid non assequantur; si eiusdem auxilium fide ac pietate fulti deposcent? Hinc est, quod Ecclesia fidei ac religionis matre nos docente, sapissime repetimus: *Per signum Crucis, de inimicis nostris libera nos, Deus noster.* Itemq. petimus, vt qui eiusdem sanctæ Crucis gaudent honore, diuina quoque protectione vbique gaudeant; illiusq. perpetuis subsidijs defendantur. Ad hoc salutare signum, vt conuertamur, & confugiamus, Deum precaturi pro cunctis mentis & corporis periculis procul pellendis, in primis hortatur Alcuinus Abbas hanc precationis formam præscribens & commendans: *Pecata nostra Domine, quibus impugnamur, virtute sanctæ Crucis expelle; & tua miseratione nos ab omni aduersitate defende. Per Dominum nostrum, & cet.*

In Missa-
li Rom. in
fest. sanctæ Cru-
cis.

Tom. 2.
Liturg.
Latin. li.
3. per Pa-
mel.



Miracula, quæ post mortem Christi per fideles suos operatus est Deus, omnia communiter signo Crucis adhibito facta fuere.

CAP. V.

LOCVS hic postulare, vt ad eorum, quæ diximus confirmationem, & sanctissimæ Crucis honorem miracula commemoremus, quæ singulis ævis signo Crucis edita fuere, vt testes sunt Auctores grauissimi. Verum quia id valde est arduum, & fieri nequit, & instituti nostri fines, immo humanarum virium terminos excedit, innumerabilium membrorum capita hac vna sententia summatim complectemur, si dicamus, post Christum Dominum nostrum in Cruce affixum, editam fuisse vera miracula, Crucis potentissimo signo, siue illa oleo, siue aqua, siue pane, seu aliqua planta, vel quocumque alio elemento, materiæ adhibita, siue solis verbis, nulla accedente materia facta fuerint. Apud catholicos & pios viros, nulla id probatione, nullo argumento egere certum est, tamen ne id ex propria tantum sententia asserere videamur, id ipsum ex reuelatione olim diuinitus facta a Sozomeno relata comprobamus: *Accepi (inquit) porro Probianum unum ex sacerdotibus, qui Imperatorem in palatio stipabant, cum dolore pedum grauiter affligeretur, in eo loco (hoc est in templo, quod Michaelium dicebatur) etiam cruciatu leuatum, & admirabili quadam ac diuina visione dignatum fuisse. Nam iste cum in initio Gentilis esset, postea tamen factus Christianus, quanquam omnia alia Religionis nostræ instituta probabilia putabat, sanctam tamen Crucem salutis omnium causam extitisse neutique admittere voluit. Cui sic animo affecto visio diuinitus oblata quandam Crucis effigiem, quæ in altari illius Ecclesiæ statu-*

Hist. Eccl.
lib. 2. c. 2. Hist.
eccl. par. 1. l. 1. cap. 3.

tui

sui solet, ante oculos proposuit, declarauitq. manifesto, res, quacumque a tempore, quo Christus in Crucem actus erat, vel ad utilitatem humani generis communem, vel ad priuam quorundam, seu a diuinis Angelis, seu a pijs & perfectis hominibus gesta fuerunt, non sine virtute Crucis salutaris recte gestas esse.

Hæc Sozomenus: cuius quidem testimonium non est quod quis minus validum existimet, quod scilicet signi Crucis mentionē non faciat. Nullus est enim catholicus qui ignoret, diuinæ virtutis fidelibus communicandæ, haud vllum instrumentum, ministerium, actionemve vllam recte, riteq. exerceri nisi Crucis signo. Quod forte vox illa, *recte*, ab Auctore interposita, significauit: Nam qui de hac apertissima veritate dubitaret, idem quoque in dubium reuocaret, sacramētum videlicet baptismi sine salutari signo administrandum, propterea quod Dominus noster baptizandi præceptum ac formā tradens illis verbis, *Baptizantes eos in nomine Patris, & Mat. vi.*

Fili, & Spiritus sancti, de Crucis signo formando mentionem non fecit. At in primo libro satis superq. ostendimus, sine Crucis signo, neque baptismum, neque cetera sacramenta administrari solere: & sine illo (vt sanctus Cyprianus dicit) nihil esse sanctum, neque aliquam consecrationem mereri effectum. Tam certo igitur nobis persuadenius, miracula omnia post Christi Ascensionem per fideles regulariter non nisi intercedente signo Crucis fuisse peracta, vt valde consonum veritati credamus, claudi illius ad speciosam portam templi sedere soliti curationem (id fuit primum per Apostolos post Domini ab eis recessum factum miraculum) haud quaquam absque signo Crucis verbis illis, *In nomine Iesu Christi Nazareni*, adhibito, peractam fuisse: & quod, quæ illud deinceps subsequuta fuerunt, cum eiusdem signi interuentu facta fuerint, minime sit ambigendum. In quem sensum haud incommode accipi possunt illa Beati Patris Augustini verba: *Crucifixus noster a morte surrexit, & ca.*

In lib. de
Baptism.

Act. 3.

Serm. 19.
de Sāctis.

- los ascendit, Crucem nobis in memoriam suæ passionis reliquit, ad sanitatem. Et paulo post: Hoc signum cursum nostrum dirigit, hoc ad agonem nos instruit: hoc in luctamine adiuvat: hoc ad victoriam euehit: hoc maleficia destruit: & omnium demonum machinamenta ad nihilum redigit. Et re vera, si in testamento veteri, quo tempore Crux ad supplicium instituta, Moysis virgæ, quæ Cruciserat typus, tantum honoris, & efficaciam tributum fuit, ut sine illa (ut explicat B. Pater Augustinus) Moyses nullum opus admirabile aggredieretur, quid mirum si Cruci post collatam super Regum & Pontificum coronas dignitatem & gloriam, non, inquam, ad ipsius tantum Dominicæ Crucis, verum & ad eius quoque signi, vel sola manu formati præsentiam, mirabilia quæque in Ecclesia Dei fortiantur effectum? Et de virga quidem hæc habet

Tom. 10.
ferm. de
tép. 101.

B. Pater Augustinus: *Ligni Crucis etiam umbra, vel figura in veteri testamento plurimum valuerunt. Nullum Moyses signum sine ligni sacramento peregit: ut enim signa, & prodigia in Aegypto faceret, virgam accepit a Domino, & ad signa quæque diuinitus audiebatur, & dicebatur ei: Eleua virgam tuam. Non utique Deus virga auxilio indigebat, sed erigebatur, ut scire possimus, quantum esset futuri ligni mysterium, cuius fuerat umbra figuratum virga illius sacramentum, & cet.* Inter

Euseb. de
vit. Con-
stât. lib. 3.
cap. 29.
Sozom. li.
2. cap. 1.
Niceph.
hist. Eccl.
li. 3. c. 29.
Apud Sur.
die 3. A-
prilis.

infinita vero mirabilia, quæ per sacrosanctum illud ipsum lignum facere dignatus est Deus, duo illa memorantur; quod scilicet, mox ac Crux inuenta fuit, & (ut ita dicam) resuscitata & admota moribundæ mulieri, ac viro iam vita functo integram sanitatem subito restituerit. Et ex ijs, quæ ad Crucis adhuc integræ existentis, qualis videlicet, & quanta ab Helena inuenta fuit, & in rebus ab illa Cruce disiunctis facta fuerunt, bina hæc signa relata sint. Quæ sane paucis complecti studui, ut locus & tertio esset miraculo, quod in propria substantia illius partis, quæ Hierosolymæ relicta fuit, Deum operatum fuisse fide dignissimi Auctores litteris prodiderunt. Quod quidem eo libentius adduco

adduco quòd hac narratione hæreticorum iniuriosa temeritas comprimitur & coercetur, qua catholicos populos subsannando perturbant, eisq. obijciunt, tot in templis & apud priuatos homines ligni Dominicæ Crucis partes ac fragmenta seruari, quæ in vnum collecta, & compaginata, non modo prægrandem & ingentem Crucem, verumetiam nauem non mediocrem constituerent, & componerent. Quorum plane improbitatem dissoluere facile possumus, si ad memoriam reuocauerimus historiam plane scitu dignam a beato Paulino Nolano diserte explicatam, qui in xj. ad Seruerum epistola post multa de Crucis sanctissimæ per Helenam inuentione hæc ait: *Cum Pascha Domini agitur adorandam populo princeps ipse venerantium promit: Neque præter hanc diem, qua Crucis ipsius mysterium celebratur, ipsaq. sacramentorum causa est, quasi quoddam sacra solemnitatis insigne profertur, nisi interdum religiosissimi postulent, qui ea tantum causa illò peregrinanti aduenerint, ut sibi eius reuelatio, quasi in præuium longinqua peregrinationis deferatur; quod solum Episcopi beneficio obtineri ferunt; cuius & tantum munere de eadem Cruce hac minuta sacri ligni ad magnam fidem & benedictionis gratiam haberi datur. Quæ quidem Crux in materia insensata vim viuam tenens, ita ex illo tempore innumeris pene quotidie hominum votis lignum suum commodat, ut detrimenta non sentiat, & quasi intacta permaneas quotidie diuiduam sumensibus, & semper totam venerantibus. Sed istam impetribilem virtutem, & indetribilem soliditatem de illius profecto carnis sanguine bibit, quæ passa mortem non vidit corruptionem. Quod, si dum secatur, & inciditur, pati quodam modo videtur, vniuersum illud damnum in consummatione sæculi refarcietur, quando non lignis tantum, verum metallis, elementis, & omnibus, quæ ex illis componuntur corporibus igne combustis, & cunctis hominibus, ut non amplius intereant, resuscitatis, & ipsa Crux ministerio (ut opinamur) Angelorum rursum in vnum coëuntibus, quæ vbique locorum fuerint sacra-*

Paulinus
nō procul
a hñe,
enib.

Th. Vualden. to. 3.
tit. 20.
cap. 158.

Mat. 25. sacratissimi ligni illius quantumvis minutissimis reli-
 Mat. 24. quijs ad pristinum statum reuocata, & vt ita dicam, re-
 fuscitata, filio hominis cum potestate, & maiestate ad
 iudicandum viuos & mortuos venienti praeferetur. De
 quibus profecto Crucis fragmentis loquebatur qui eo-
 rumdem fuerat distributor, S. scilicet Cyrillus Hieroso-
 Cath. 13. lymitanus, cum dicebat: *Arguet me lignum Crucis, quod
 per particulas ex hoc loco per vniuersum orbem sparsum est.*

Nec quis vero existimet Crucis virtutem faciendo mi-
 racula, desideratam, aut saltem imminutā fuisse in eius
 reliquijs & fragmētis per vniuersas fere orbis partes vi-
 ritim distributis, alterum eiusdem Paulini testimonium
 accipiat, quo omnis dubitatio penitus tollitur. Id enim
 Natali 10. extat apud illum in natali sancti Felicis, hoc eleganti
 ante me-
 dium. carmine descriptum:

*Ipse domum remeans, modicum, sed grande saluti,
 De Crucis aeterna sumptum mihi fragmine lignum
 Promo, tenensq. manu aduersis procul ingero flammis
 Vt clypeum retinens pro pectore, quo tezerem me,
 Arceremq. hostem collato umbone relisum
 Credite, nec donate mihi, sed reddite Christo
 Grates, & iustas date laudes Omnipotenti.
 Nostra salus etenim in Cruce Christi, & nomine constat
 Inde fides nobis, & in hac Cruce nixa periclo
 Profuit, & nostram cognouit flamma salutem.
 Nec mea vox, aut dextra illum, sed vis Crucis ignem
 Terruit, inq. loco, de quo surrexerat ipso,
 Vt circumseptam praescripto limite flammam
 Sidere, & extingui fremitu moriente coegit:
 Et cinere exortam cineri remeare procellam.
 Quanta Crucis virtus, vt se natura relinquat
 Omnia ligna vorans, ligno Crucis uritur ignis,
 Multa manus crebris tunc illa incendia vasis
 Aspergens, largis cupiebat vincere lymphis.
 Sed licet exhaustis pensarent fontibus imbres,
 Vi maiore tamen, lassis spargentibus, omnem*

Vice-

*Vicerat ignis aquam, nos ligno extinximus ignem,
Quamq. aqua non poterat, vicis brevis hastula flammam.*

De multiplici vero, & summa efficacia Crucis, solo
dexteræ ductu formato, cuius causa longiuscule, non
tamen ab re digressi sumus, fidem nobis faciat inter
ceteros doctores Augustinus, qui in de Ciuitate Dei
lib. 22. habet ita: *In Carthagine Innocentia religiosissi- Cap. 2.*
ma de primarijs ipsius ciuitatis in mamilla cancrum habebat,
rem, sicut medici dicunt, nullis medicamentis sanabilem: Aut
ergo praescindi solet, & a corpore separari membrum, ubi na-
scitur: aut, ut aliquanto homo quietius viuat, fomentis est pestis
mitiganda frequentibus. Nam ut inde mortem quantumlibet
ardius affuturam confidamus, secundum Hippocratis, ut scribitur,
sententiam, omnis est omittenda curatio. Hoc illo a porito medi-
co, & sua domui familiarissimo acceperat; & ad solum Deum
se orando conuerterat. Admonetur, in somnijs, appropinquante
Pascha, ut in parte seminarum obseruanti ad baptisterium,
quacumque illi baptizata primitus occurrisset, eundem locum
signaret signo Crucis Christi. Fecit, & confestim sanitas se-
quuta est.

Sed ne eorum, quæ omnino innumerabilia diximus,
narrationē texere videamur, altero Sozōmeni (hic enim
sicut initium diuertēdi fuit, ita diuerticuli terminus esse
debet) testimonio contenti erimus. Is enim de S. Do-
nato Episcopo Euoreæ verba faciens sic ait: *Hac memo- Eccl. hist.*
ria multi multis in locis per orbem terrarum inter Episcopos li. 7. c. 29.
præclari extiterunt, ut Donatus Euorea Epiri, quem & alia
multa fecisse testantur indigenæ, & illud maxime, quod in dra-
conis interfecione præsistit, qui in Chamagephyris, quas vo-
cant, ad viam regiam lustrum habebat, & oues, & capras, &
boves, & equos, necnon & homines, & alia rapiebat. Neque
enim ille vel gladium, vel hastam ferens, vel aliud aliquod te-
lum habens, hanc belluam adortus est; sed cum illa cum aduen-
tantem sensisset, & caput velut impetum factura exernisset, si-
gnum Crucis aduersus ipsam aeri digito inscripsit, & illi in fa-
ciem expuit. Illa spūto in os accepto, statim concidit: ac mor-

sua iacens amplitudine non minor apparuit ijs serpentibus, qui visuntur apud Indos.

Quarta causa affertur, ut qui cum Pontifice iter faciunt, admoneantur a prauis operibus cauere, & bonis incumbere.

CAP. VI.

- P**OSTREMO illud Apostolorum Principis documentum, *Christus passus est pro nobis, vobis relinquens exemplum, ut sequamini vestigia eius*, nos admonet qualis conueniat esse vita, quæ morum integritas, & in verbis factisque pietas, & sanctitas eorum, qui Crucis vexillum sequuntur, talis proculdubio, ut quoad fieri potest, virtutes, opera, & passionem Magistri, ac Imperatoris sui imitentur, nisi profugatum, ac proditorum turpissimam notam, & grauissimam poenam subire velint: quibus profecto quemadmodum idem Apostolus ait: *Melius esset non cognoscere viam iustitia, quam post agnitionem retrorsum conuerſi ab eo, quod illis traditum est, sancto mandato.* Summam vero eorum, in quibus tantum ducem & doctorem sequi, & cuius vestigia imitari nos oportet, subiiciens inquit: *Ut peccatis mortui, iustitia viuamus*, hoc est, ut praua facinora caueamus, & bonis ac sanctis operibus incumbamus.

Ad hæc enim duo breuissima capita referuntur, quæ supra B. idē Petrus explicauerat de exemplis Christi nobis ad imitandū propositi: nam ad mala fugienda pertinent quæ subiecit: *Qui peccatum non fecit, nec inuictus est dolus in ore eius.* Illa vero, *Tradebat autem iudicanti se iniuste,* spectant ad recte facta a nobis imitanda, & ad incommoda etiam a nobis patienter propter ipsum perferēda. Hanc vero sæpe memorati ritus causam vna cum superiore

riore illi proxima B. Ioannes Chrysoft. his verbis complexus est: *Quando Cruce te signas* (hoc enim vnū est cum eo, quod est Crucis signum prælatum sequi) *vnīuersam tecum causam verſe, & ira ac reliquarum paſſionum incendia extingue.* Hæc quoad poſteriorē. Pro altera, quam diximus, tertiam, faciunt quæ mox ſubijciuntur: *Quando te Cruce ſignas, magna tuam frontē arma fiducia, libertate animū munias.* Et poſt pauca inferſ: *Nam ſi hoc modo eam facies tua impreſſeris, nullus ſceleſtorum demonum, cum haſtam videat, qua letale vulnus ſuſcepis, congreſſi tecum audebis.* His optime concordat illa Cyrilli Archiepiſcopi Alexandrini ſententia: *Hæc* (inquit) *omnia recordari nos facis ſalutare lignū, & ſuadet vt cogitemus, quòd ſicut dicis D. Paulus: Vnus pro omnibus mortuus eſt, vt viuētes non ultra ſibi ipsis viuānt, ſed ei, qui pro ipsis mortuus eſt, & reſurrexīt.* Nec ab hoc poſito alienum eſt illud beati P. Auguſtini elegās dictum: *Lignum illud, in quo erant fixa membra morientis, etiam cathedra fuiſt Magiſtri docentis.* Cui ſe ſubſcripſit magnus ille Pontifex Leo in hanc ſententiam loquens: *Cruce Chriſti, quæ ſaluandis eſt impenſa mortalibus, & ſacramentum eſt & exemplum, quo deuotio excitetur humana.*

In Matt.
hom. 55.

Cont. Iu-
lian. li. 6.

2. Cor. 5.

Tract. 19.
in Ioan.

Serm. 2.
de Reſur.
Domini.

Nec ab hac ſententia diſſonat hiſtoria de Heraclio Imperatore, qui Crucem Dominicam e Perſarum poſteſtate receptam, ad Caluariæ montem cum celeberrima pompa ſuper humeros ſuos reportauit, vt in Breuiario Romano narratur hiſ verbis: *Cruce quatuordecim annis poſtquam venerat in poſteſtate Perſarum, recepta eſt, quam rediens Hieroſolymam Heraclius ſolemnī celebritate ſuis humeris reſtulit in eum montem, quo eam Saluator tulerat.* Quod factum illuſtri miraculo commendatum eſt. Nam Heraclius, vt erat auro & gemmis ornatus, inſiſtere coactus eſt in porta, quæ ad Caluariæ montem ducebat. Quo enim magis progredi conabatur, eo magis retineri videbatur. Cumq. ea de re & ipſe Heraclius, & reliqui omnes obſtupeſcerent, Zacharias Hieroſolymorum Antifteſ: *Vide* (inquit) *Imperator, ne iſto triumphali ornatu in Cruce ſerenda parum Ieſu Chriſti paupertatem, & hu-*

In feſto
Exaltat.
S. Crucis.

O

militatem

militatem imitere. Tum Heraclius abiectō amplissimo vestitu, detractisq. calceis, ac plebeo amictu indutus, reliquum via facile confecit, & in eodem Caluaria loco Crucem statuit, vnde fuerat a Persis asportata. Quo plane exemplo edocemur, in Crucis gestatione ac sequela, abijcere omnia terrena, vt post Christi vestigia incedamus. Quæ si dura, & aspera videntur, & nimis animo nostro molesta, leuiora & faciliora fiunt, si in Auctorem vitæ intendamus, qui pro nostra causa acerbitates omnes sustinuit. Ad quam rem
Heb. 12. hortabatur Apostolus, dicens: Aspicientes in Auctorem fidei, & consummatorem Iesum, qui proposito sibi gaudio sustinuit Crucem confusione contempta, atque in dextera Dei sedet: recogitate enim eum, qui talem sustinuit a peccatoribus aduersus semetipsum contradictionem, vt ne fatigemini, animis vestris deficientes.

Crux prælata indicat illius, cui præfertur præcipuam aliquam dignitatem.

C A P. VII.

Crucis
 prælatio
 cuiusmodi
 veniat.

CRUCIS prælatio illius, cui præfertur, præcipuam quandam dignitatē, & insignem in alios potestatem demonstrat. Quod ex eo manifestissime comprobatur, quòd illis tantum præferri consuevit, qui in Ecclesia eminentiorem & excellētiorem habent gradum, & auctoritatem: cuiusmodi sunt Archiepiscopi, Patriarchæ, sedis Apostolicæ Legati, & summus Põtifex: Nam Episcopis hoc tributū non est, nisi paucis, qui valde insignibus Ecclesijs præsunt. Quemadmodum enim Christianis omnibus commune est seipsos Cruce signare, & solis Sacerdotibus in eorū, quos baptismi aqua ipsi purificāt, capite illam chrismate adhibito formare; ita Episcopis peculiare est illorum omnium, quos confirmant, frontem

tem cum eadem sacra vnctione signo Crucis munire. Item absconditam Crucem deferre, nulli ex fidelibus interdicitur. Minores Sacerdotes sacrum facientes eiusmodi figuram ex orario, seu stola ad pectus formare debent. Episcopi vero dum diuina faciunt officia, Crucem Sanctorum reliquijs refertam a collo pendentem; vt supra quoque meminimus, habere tenentur. Ita Archiepiscopis, qui alijs Præsulibus supereminent, & aliorum duces sunt, vicemq. sedis Apostolicæ in prouincijs sibi subiectis gerunt, præter illam ad pectus appensam, alia quoque Crux per Clericum præferri debet, quoties in publicum prædeunt. Cuius non omnino dissimilem morem in Romana Republica olim seruari solitum legimus. Nam Proconsulibus sex fasces, Consulibus duodecim, Dictatori vero vigintiquattuor, quot videlicet vtrique Consuli, quorum ipse potestatem omnem solus obtinebat, præferebantur. Semper enim tam apud fideles, quàm infideles viguit ea consuetudo, vt qui eminentiori dignitate præstarent, pluribus & nobilioribus, magisq. conspicuis insignibus vterentur. Quòd autem qui altiores in Dei Ecclesia gradus, & honores gerunt, multiplices & insigniores vsu Crucis distingui, & exornari debeant, non credo aliquem eius rei latere causam. Cum enim Crux, vt infra ostendemus, sit proprium Christi insigne, propterea omnes, singulasq. militum Christi dignitates ac munera per Crucis signum hac vel illa ratione repræsentatum, vel exornatū seu gestatum distingui, & ex eo varios inter se gradus, & multiplicem ordinem metiri, nemini mirum videri existimo, atque istud merito, cum ex Crucis profundissima humilitate ipsius etiam cælestis Pontificis, & Imperatoris nostri super quascumque creaturas exaltatio, initium, ac originem habuerit. Quemadmodum Petrus Abbas Cluniacensis egregie explicauit his verbis: *Qui Crucem* Lib. 1. Epist.
odiunt, quia Dominum terfunt, diligant eam, quia non solum nobis, sed & ipsi gloriam peperit. Peperit ei gloriam, de qua

Mor Romanorum Magistratum.

Crux propriū Christi insignis.

- Hebr. 2. ait Apostolus: *Vidimus Iesum propter passionem mortis gloria & honore coronatum. Peperit (inquam) Crux Crucifixo gloriam, ut alibi idem Apostolus ait: Quia factus est obediens usque ad mortem, mortem autem Crucis, propter quod & Deus exaltauit illum, & donauit illi nomen quod est super omne nomen, ut in nomine Iesu omne genu flectatur, caelestium, terrestrium, & infernorum; quia hanc gloriam huiusmodi homini a Deo assumpto peperit, & nobis insuper vitam & gloriam aeternam contulit, gloriosa esse promeruit.* Hanc ob causam ipse Dominus suam in Crucis patibulo obeundam mortem, exaltationem appellabat, dicens: *Sicut Moyses exaltans serpentem in deserto, ita exaltari oportet Filium hominis.* Et apertius: *Cum exaltaueritis Filium hominis, tunc cognoscetis quia ego sum.* Item: *Et ego cum exaltatus fuero a terra, omnia traham ad meipsum.* Propterea excellentissime dixit beatus Athanasius: *Gloria, & honor Christi Crux est, quia innumera dona per Crucem contingere; concitata namque est mors, in exilium relegata maledictio, infernus cecidit in pradam: peccatum est abolitum, transgressio sublata, natura hominum ab affectuum seruitute liberata, Diabolus est ligatus, plantata est salus, resurrectio est patefacta, malitia est abacta, vita est orta, idolatria dissoluta.* Hæc Athanasius. Ioannes autem Chrysostomus dicebat: *Gloria nostra, caput & origo beatitudinis, libertas & corona, Crux.* Quare si tam honorificum, nobile & gloriosum: si tam potens, ac salutare est Crucis viuificæ insigne, totq. ac tanta per illud operatus est omnipotens Deus, ut eius vi non tantum membra reddiderit nobilia, & illustria, verumetiam ipsum caput nostrum, Dei & hominis Filium supra omnem principatum & potestatem extulerit: quis admirabitur, si eam significet ac testetur dignitatem, quæ ab ipsomet Christo originem duxit, & illa præter ceteros decorentur, & ornentur, qui eam non domi solum, sed etiam foris ob oculos semper habent, & in publicum exeuntibus, Crux ipsa numquam non præfertur.

*Omnes præferenda Crucis prius enumerata
causa Romano eidemq. summo
Pontifici conueniunt.*

CAP. VIII.

SI Crucis venerabile signum metropolitano solemniter prælatum, non modo illum Christianum esse indicat, & fidei catholicæ magistrum, prædicatorem ac propugnatorem, sed etiam vehementem ipsius erga illam affectum & propensionem, ac in eum, qui pro nobis in ea pendere ac mori voluit, ardentem charitatem ostendit: si triumphalis, ac inuicti eiusmodi vexilli præsentia tantopere valet ad pericula omnia, quæ imminerent, propulsanda: si ex sacratissimi huiusmodi vexilli perpetuo aspectu admonentur vniuersi quotquot illud prosequuntur, vt non corporis tantum, sed & animæ gressibus post Crucem incedant: hoc est Christi, ducis ac præceptoris nostri, qui per eam ineffabilia, incomprehensibiliaq. beneficia nobis contulit, vestigia sequatur, & sancta exempla imitentur: denique si eum, cui Crucis vexillum præfertur, singulari aliqua dignitate conspicuum esse declarat: quis non agnosceret dum eiusmodi sacrum signum Romano Pontifici præfertur, omnes has causas illi conuenire? Et tanto æquiori potioriq. iure Episcopo conuenit Romano quàm ceteris, quanto illius dignitas, iurisdicção, ac maiestas Archiepiscopale, Patriarchalè, & quamcumque aliam potestatem longo intervallo antecedit? Quod eo certius asseuerandum est, quo dum Crux summo Pontifici præfertur, Christianæ, orthodoxæ, & catholicæ fidei quasi quædam protestatio fit, qua planè cognoscimus Romanum Pontificem omnium, quæ a cunctis fidelibus sub æternæ mortis interminatione necessario credenda sunt, quemadmodum etiam in opusculo de præferendo eidem Pontifici sanctissimo

Crucis vexillum qd præfert.

Crucis vexillum cur magis summo Pontifici, quàm ceteris conueniat.

distissimo Christi corpore explicauimus, magistrum certissimum & fidelissimum præceptorem ab ipso Domino nostro fidei Auctore, & Ecclesiæ fundatore, datum fuisse: cum ipse solus in vniuersa Ecclesia eo singulari priuilegio donatus, ac munitus sit, vt in rebus fidei discernendis numquam errare possit. Illius enim sedem & auctoritatē habet, pro quo illiusq. successoribus omnibus ipsa veritas se orasse testata est, ne fides ipsius aliquando deficeret, vt fratres ac filios & sibi subiectos vniuersos in catholica doctrina confirmare valeret.

LUC. 22.

Inconcusso igitur hoc fundamento innixi dicimus, Crucis signum summo Pontifici in publicum prodeunti præferri, non solum vt Christi Crucifixi fidem se constantissime tenere protestetur, verumetiam vt omnes illud intuentes admoneantur, tunc se fideles catholicosq. Christianos vere probari, cum ea de Christo, firmissime credunt, ac sine vlla hæsitacione confitentur, quæ Papa Christi Vicarius credit, docet, & verbo, scripto, ac opere palam profitetur. Hanc sane rationem ex se valde verisimilem longe probabiliorem facit exemplum Constantini Magni, quem inter ceteros eius historiæ narratores scribit Sozomenus, Crucis vexillum sibi in castris præferri iussisse, vt ex assiduo illius aspectu, & cultu, sibi subiectos paulatim a patrijs ritibus remoueret, eumq. solum Deum existimarent, quem ipse coleret. De quo hæc ad Saporem Persarum regem eundem Constantinum scripsisse refert Cassiodorus: *Hunc Deum colo, cuius signum Deo dicatus meus exercitus portat in humeris*. Quis enim fidelis non facile crediderit, quid simile excogitatum, & quoad per idolatrarum Principum persecutiones licebat executioni mandatum fuisse, nedum a beatissimo Siluestro, verum & ab ijs, qui illum præcesserunt Romanis Pontificibus, quorum studium totum in eo erat, vt Principes ac populos, vniuersasq. mundi nationes docerent, ac instruerent, illum solum esse verum Deum, cui, & in quem ipsi crederent, eamq. solam

Hist. Eccles. lib. 1.
cap. 4.

Hist. tripart. li. 3.
cap. 3.

solam esse ad veram ac æternam felicitatē viam, quam ipsi verbo prædicarent, & exemplo calcarent. Quæ cum in Dominica Cruce quasi in speculo; vel potius epilogo contineantur & repræsententur, iure merito illam sibi ob dictam causam præferri mandauerint, qui ætatem nostram præcesserunt Romani Episcopi, id ipsumq. faciant, sintq. facturi, & seruaturi, qui in sede beati Petri sedebunt summi Pontifices.

Quid in
Cruce Do-
minica re-
presente-
tur.

*Crucis vexillum præfertur Papa ad supremam
ipsum in terris dignitatem ac pote-
statem indicandam.*

C A P. I X.

VT liquido constet Romano Pontifici singulari ac præcipua ratione conuenire, vt ei Crucis trophæum præferatur, tria breuibus perstringemus. Primum Ecclesiæ Romanæ dignitatem omnium supremam certo proprioq. insigni exprimi ac notari oportere. Deinde inuestigandum est, quod, qualeve sit illud insigne. Postremo loco demonstrandum, Dominicæ Crucis signum Apostolicæ sedi, Romanoq. Pontifici proprie aptissimeq. conuenire. Primum, cum modica, vt nobis videtur, probatione indigeat, facile persuaderi potest. Nemo enim est, qui non videat, iamdiu apud omnes vniuersi orbis nationes inoleuisse, vt quemadmodum singuli homines proprio nomine nuncupantur, ita quoque singulas familias, collegia, pene omnia oppida, ciuitates, populos, prouincias, & regna præter cognomina gentilitia ad ea a maioribus deriuata, vel vt occasio tulit, sibi recenter assumpta, habere consueuisse certa quædam, propriaq. signa, per quæ a ceteris collegijs, seu populis secernerentur, ac distinguerentur,

Dominicæ
Crucis
vexillum
cuius cõ-
ueniat.

rentur, distinctaq; omnibus innotescerent. Quod cum non modo apud laicos, verum etiam apud clericos in usu palam positum sit, non est quod in re manifestissima comprobanda immoremur. Illud tamen non præmittendum existimaui, quod cum eiusmodi signa multiplicia sint, omnia tamen ad duo tantum capita commode referri possunt: Nam eorum aliqua Prælati, Principibusq; ipsis, qui Vniuersitatibus præfæcti sunt, non nisi ab eorum ministris præferuntur, verbi gratia, clauæ argenteæ vel auræ, quæ Cardinalibus, & ipsi quoque Papæ præferri solent: alia vero sunt, quæ vt plurimum ab ipsis Dominis gestantur, licet eorum aliqua ab alijs quandoque eisdem præferri; contingat. Huius generis inter cetera sunt, quæ Dominos in publicum prodituros sæpe induere mos est, vt eorum caput, manus, vel pedes, aut vniuersus denique habitus corporis exornetur: qualia erant olim apud Romanos Latuseclauus proprium Senatorum indumentum: Palmata vestis, quam soli Consules inducebant: Lunulæ, quæ pedes nobilium decorabant: Sceptrum ac diadema, quæ apud quoscumque populos semper fuerunt Regum propria ornamenta, quemadmodum & apud fideles in Ecclesiastica militia Manipulus vt a minimis exordiar, & Tunicellæ Subdiaconalem: Stola & Dalmatica Diaconalem; Planeta extensa Sacerdotalem; Sandalia; Crux pectoralis, Chirothecæ, Annulus, Mitra, & Baculus Episcopalem, Pallium Archiepiscopalem; Galerius, & purpura Cardinalitiam significant dignitatem. Ex eorum autem numero, quæ semper ab alijs præferri, & numquam ab ipsismet Principibus, & Magistratum gerentibus deferri consueuerunt: erant apud eosdem Romanos fasces securibus alligati, qui Proconsulibus, Consulibus, & Dictatori, vt proxime dictum est, senario, vel duodenario, seu viceno, & quaternario numero præferebantur pro illorum maiori, vel minori potestate, vel auctoritate: nam duplicatus

Mos Romanorum Magistratum.

Latuseclauus erat tunica purpura prætexta vulgari latior.

tus fascium numerus duplicatam potestatem & auctoritatem indicabat. Ignis etiam prælatus, quemadmodum & Labarum in castris Augustalem & Imperatoriam dignitatem supremumq. Imperium significabant. Sicut & Vexilla pro illorum diuersa ratione: hæc equitum, illa peditum agmina, necnon ea ducentium maiorem vel minorem dignitatem potestatemq. demonstrant. Et quidem inter Ecclesiasticæ militiæ duces Crucis signum prælatus Patriarchas & Archiepiscopos ab Episcopis, Cardinales Legatos a non Legatis distinguit. Quemadmodum & Bulgæ, seu hyppoperæ, quas valisas vocant, gentilitijs insignibus decoratæ, & Clauæ argenteæ, quæ, vt diximus, S. R. E. Cardinalibus præferuntur, discrimen maximum ostendunt inter illos, & ceteros Curie Prælatos. Cum igitur quælibet dignitas sua habeat insignia, quæ nulli, nisi eandem, vel maiorem dignitatem obtinenti licet esse communia: profecto fateri necesse est Romanam Ecclesiam, quæ in vniuerso orbe supremum locum tenet, atque vniuersali potestate super omnes fideles ac iurisdictione præstat, proprijs, ijsq. præstantissimis insignibus decoratam, atque munitam esse: idq. ita esse oportere, non solum de ijs ornamentis, quibus summus Pontifex ad sacra faciendâ accessurus induitur; cuiusmodi sunt, Sandalia

MyR. Mis
se, c. 53.

Crute aurea desuper ornata, Phanon, siue, vt illum appellat Innocentius, Orate, quo collum armiq. ipsius circumdantur, & sacra Thyra triplici diademate circumcirca redimita, qua solius Romani Pontificis caput vni Deo aperiendum tegitur: verum etiam de ijs, quæ in publicum quacumque ex causa prodeunti præferenda sunt, ad illius supremam summamq. iurisdictionem, & prope diuinam in terris maiestatem, vt iam diximus, ostendendam.

*Crucis vexillum Romani Pontificis insigne esse
demonstratur, cum sit signum Christi
Redemptoris nostri, cuius vices
Papa gerit in terris.*

CAP. X.

IN SIGNE vero præcipuum Romani Pontificis illud idem sine dubio existimare debemus, quod Christi signum fuisse, ipsiusq. victoriarum trophæum Scriptura sacra docet, & sanctorum Patrum testimonia confirmant. Vti enim Proregem non aliud nisi Regis, domini sui vexillum erigere, vel sequi decet; & Vicarius eodem, quo suus Episcopus, signo vitur: sic Romanus Pontifex, qui Regis Regum, & Episcoporum Episcopi vices in terris gerit; alio insigni non gloriabitur, nisi eo, quod vere inuictissimi Imperatoris, & maximi sempiterniq. Sacerdotis, a quo super gentes, & super regna constitutus est, proprium & eidem gratissimum esse optime nouerit: vt ex illius erectione omnes intelligant, se toto cordis affectu id ipsum profiteri, quod de seipso dicebat Apostolus ad Corinthios scribens: *Non enim iudicauimus nos scire aliquid inter vos, nisi Iesum Christum, & hunc Crucifixum.* Est Romanus Pontifex Beatissimi Apostoli Petri successor, & Christi Vicarius, quod omnes Catholici, ad quos præsertim noster sermo dirigitur, pro comperto habent. Proinde necessario fit, vt vnū, idemq. sit Romani Pontificis, quod & Domini nostri Iesu Christi insigne. Viuifica vero Crucis signū proprium esse, ac præcipuum Christi Redemptionis insignis, ipsemet testatur, cum de extremo vniuersali iudicio loquitur: *Tunc, inquit, apparebit signum filij hominis in celo.* Quod beatissimus martyr Hippolytus, Cyrillus Hierosolymitanus, Hieronymus, & alij grauissimi Patres de signo sanctæ Crucis verissime ac sapientissime

tissime interpretati sunt. Et quidem Hippolytus hæc habet: *Orietur ab oriente in occidentem usque signum Crucis superantis splendorem solis, denuncians aduentum & apparitionem iudicis.* Cyrillus ita scriptum reliquit: *Signum verum, & proprium Christi, quod non audes virtus contraria imitari, est Crux.* Augustinus (ne singulorum sententias referamus) latronem a dextris Christi crucifixum a se interpellatum in hæc verba respondentem inducit: *Sed hæc Crux ipsa regni insigne est, & propter eam Iesum Regem appello, quia video Crucifixum.* Opus enim Regis est vitam suam pro his, quibus regnat, opponere. Quibus paulo infra subiicit: *Quomodo enim ingrediente Rege in civitatem, exercitus antecedit, præferens humeris signa, atque vexilla regalia, & ambitu preparationis armifera annunciat Regis introitum; ita Domino descendente e calis, præcedet exercitus Angelorum, qui signum illud, id est, triumphale vexillum sublimibus humeris præferentes divinum Regis caelestis ingressum terrestrium mentibus nuntiabunt.*

His clarissime se subscribit Ioan. Damascenus in hæc verba: *Adoramus etiam figuram præiosa & vivifica Crucis, tametsi ex alia materia facta est, non materiam venerantes (absit enim) sed figuram tamquam Christi signum.* Dicit enim discipulis suis contestans: *Tunc apparuit signum filij hominis in calo, Crucem dicens: & idcirco mulieribus dixit resurrectionis Angelus: Iesum queritis Nazarenam Crucifixum.* Et Apostolus: *Nos prædicamus Iesum Christum, & hunc Crucifixum. Multi enim Christi, & Salvatores, sed unus Crucifixus. Non dixit lancea perfoctum, sed Crucifixum.* Quid plura? potest ne aliquid verius dici signum filij hominis, nisi illud, quo, qui Dei est filius, declaratus fuit filius hominis esse? quid autem adeo certe eum manifestavit filium hominis esse, nisi mors, quam nullus unquam evasit filius hominis? Quia igitur per Crucem mortuus est, Crux manifestavit eum esse filium hominis. Crux igitur vere signum est filij hominis: unde in divinis officijs ad honorem sanctæ Crucis in Ecclesia

De consummat. mundi. Carec. 15.

Serm. de tēp. 130.

De orth. fid. lib. 4. cap. 12.

Mat. 24.

Mar. 14.

1. Cor. 1.

Breu. Ro- celebrari consuetis non semel repetitur. *Hoc signum Cru-*
 man. in so cis erit in calo, cum Dominus ad iudicandum venerit: Cum
 lemnic. S. igitur signum sit Christi Regis morientis, & regnantis;
 Crucis. nam *regnavit a ligno Deus*: & denique etiam iudicantis;
 Psal. iux. merito filij Ecclesiæ Christi sponsæ a matre edocti Cru-
 Rom. in- ces his magnificis verbis humiliter salutant:
 terpr. 95.

Breu. Ro-
 man. in
 Domini-
 ca Passio-
 nis, ex
 Theodul-
 pho au-
 Gore.

Vexilla Regis prodeunt,
Fulget Crucis mysterium,
Quo carne carnis Conditor
Suspensus est patibulo.

Hinc forte vsu receptum est, vt beatissimus Christi præ-
 cursor Ioannes non cum ense, quo capite plexus mar-
 tyr fuit effectus, sed cum Cruce in manu pingitur; vt
 inde clarius intelligatur, eum præconem fuisse Domi-
 ni, qui per Crucem peccata mundi tollere debuerit.
 Eandem ob causam concipere quis mente non absurde
 posset, a sacrorum rituum præceptoribus vsu receptum,
 vt Subdiacono, cuius est Epistolam in solemni Missæ ce-
 lebratione cantare, Crucis ferendæ ministerium fuerit
 demandatum, vt præconis partes, quas Ioannes Bapti-
 sta Christo exhibuit, repræsentare videatur. Quare si
 ex Crucis signo præcursoris Christi munus declaratur,
 congruum erit, vt eodem quoque signo Christi Vica-
 rius indicetur.

Lib. de di-
 uin. offic.

Lib. de di-
 uin. offic.

Lib. de di-
 uin. offic.

Lib. de di-
 uin. offic.

Lib. de di-
 uin. offic.

Ioan. 11.

Huc accedit, quòd vti Reges, Imperatores, ac Du-
 ces, cum delectum militum habent, exercitumq. con-
 scribunt, insignia, vexillaq. sua foras producunt, & in
 altum leuant, vt omnes intelligant quòd conuenire de-
 beant illi, qui stipendia acceperint, vel accipere velint:
 ita fidelium omnium Dux, & Imperator vnigenitus
 Dei Filius quando venit in mundum, vt filios Dei, qui
 erant dispersi, congregaret in vnum, Crucis signum
 tamquam proprium & peculiare vexillum elegit, & in
 sublime extulit, vt hominibus ab vniuersis mundi par-
 tibus conuocatis significaret eos, qui nomina sua dare
 vellent, atque Christianæ militiæ adscribi, omnes ad

Crucis

Crucis vexillum occurrere, & sub illo congregari oportere, vt hac ratione compleretur, quod Dominus se facturum prædixerat; dicens: *Et alias ones habes, qua non sunt ex hoc ouile, & illas oportet me adducere: & fiet unum ouile, & vnus pastor:* quod certe sub Crucis vexillo implendum erat iuxta Isaiaë vaticinium: *Et leuabit signum in nationes, & congregabit profugos Israel, & dispersos Iuda colliget a quattuor plagis terræ.* Quem locum doctissimus Hieronymus sic explicat: *Leuabit signum Crucis in vniuersas nationes.* Et infra: *Postquam surrexerit radix Iesse, vt regnes in Gentibus, & vexillum Crucis ob salutem totius orbis fuerit eleuatum, tunc etiam Idumæa, & Moab, & filij Ammon, omnis scilicet Arabia latitudo dent Apostolis manus, & in locis idolâtria Christi Ecclesia suscitentur, & cet.* Quod vaticinium quàm exacte impletum fuerit, Cyrilli Hierosolymitani disertis verbis edocemur: *Hoc ipsum, quod tu nunc hic ades, persuadeat Crucifixi virtutem. Quis enim te nunc cognouit? Hoc Persas seruire fecit, hoc Scythas cicuraui, hoc Aegyptios a catiis, & canibus, & varijs erroribus ad Dei cognitionem adduxit: hoc ad hodiernum vsque diem curat morbos, dæmones fugat, & veneficiorum, incantationumq. auertit imposturas: hoc cum Iesu apparebit in calo: præcedet enim Regis trophæum, vt videntes quem pupugerunt, & a Cruce agnoscetes, quem contempserunt.* Qui vero sacrum hoc trophæum præferunt, illos imitari videntur, qui inter triumphandum de more arma deferunt, quibus præcipue victoriam reportarunt. Sic plane cum propugnator, ac Imperator noster fortem armatum virtute Crucis deuicerit, de attrio suo deturbarit, vniuersa eius arma sustulerit, erecto, elatoq. signo gloriosissimæ Crucis de illo merito triumphauit, vt egregie explicauit Apostolus in Epistola ad Coloss. his verbis: *Expolians principatus, ac potestates traduxit confidenter, palam triumphans eos in semetipso.* Non enim solum expoliauit dæmones, eorumq. imperium signo Crucis destruxit, sed palam & confidenter traduxit, id est, ignominiose superatos ostendit, & velut exemplum & spectaculum

Ioan. 10.

Isa. 11.

In Isaia.

Hier. 1. 22.

-on A 211

Joh.

Catech. 2.

Luc. 11.

Coloss. 2.

Etaculum omnibus vilipendendos ostendit. Vti enim in triumphis victores per urbem circumagere captiuos solent, & pompa publica ducere: sic Christus per Crucem diabolicis potestatibus spolia detraxit, & triumphans in semetipso confidenter, & palam per Crucem superatos, ac deuictos ostendit. De quibus, triumpho scilicet, & trophæo ita & quidē egregie scriptū reliquerunt Venantius, Honorius, Clementianus, Fortunatus:

Crux species trophæi est, quod deuictis hostibus soles fieri triumphanti. Et quia Dominus tria regna sibi subiecit, suspensus in æra victoriam de cælestibus, & spiritalibus nequitijs est adeptus. Expandens autem manus ad populos palmam de terrenis. Quod vero sub terra Crux fixa est, ostendit eum, & de tartaro triumphare. Hæc de Cruce ut est Christi signum. Reliquum est ut ostendamus ipsam esse Romani Pontificis proprium insigne: quod in proxime sequenti capite manifestissime demonstrabimus.

Tomo 7.
Biblioth.
SS. Pat. in
De Apo-
stol.

Ex eo quod signum Crucis singulis B. Petri Successoribus prælatum constat, deducitur, quod sit illorum proprium ac peculiare insigne.

C A P. XI.

Porphy.
in Iulogog.

DOCEAT Peripatetici eam affectionem alicui speciei, seu formæ propriam esse, quam vel omnibus eius formæ particularibus subiectis, vel solis, vel semper inesse compertum est. Illam vero, quæ omnibus & singulis, ijsq. solis ac semper adhæret, maxime propriam esse dicendam. Quamobrem si ostenderimus, Crucis coram Pontifice Romano prælationi hæc omnia conuenire, nedum illius propriam, verum & maxime propriam esse absque vlla dubitatione constabit.

Primum

Primum igitur, videlicet quod omnibus Romanæ sedis Pontificibus semper in usu fuerit, Crucem præferri, ex ijs, quæ in primo Libro ad huius ritus antiquitatem probandam diximus, facile colligitur. Idemque ex consuetudine usque in hanc diem perpetuo seruata comprobatur: Nisi enim omnibus ac singulis sibi succedentibus summis Sacerdotibus Crux prælata fuisset, hic ritus ad hæc usque tempora minime peruenisset. Neque vero est, quod quis dubitet, fuerit necne semper in usu: semper enim & perpetuo tenore seruatus fuit. Quoniam vero omnes ac singuli eodem honore & paræ potestatem habent; neque est, immo nec excogitari potest ratio, propter quam id vni ex eis, & non alteri conueniat. Ideo ritum illum unicuique illorum communem fuisse, esse, ac semper deinceps futurum, credendum est.

Quæ est enim, obsecro, causa, cur sacri DD. Cardinaliū Senatus antiquior Diaconus, noui Pontificis electionem ac nomen Clero populoque e sublimi loco renunciaturus, primum omnium venerabile Crucis trophæum de more proferat, ac ostendat, nisi quod illius ceremoniæ institutores pie & prudenter existimant, æterni summi Pontificis Vicarium & beati Petri Successorem, Christi clarissimo vexillo, vel electi nomenclatione vel familiæ proprio stemmate fidelibus debere innotescere? Quod sane & in laicorum Principum electionibus non raro contingere videmus; quam plurimum enim illis subiecti populi datum sibi nouum dominum per eius propria super oppidorum portas & moenia explicata, & infixæ vexilla, prius quam ex proprio illius nomine, intelligunt. Eius autem, quam dico in nuper creato summo Pontifice annuntiando consuetudinis seruandæ præceptum extat in lib. Cerem. Rom. his verbis exaratum: *Interim* (hoc est Lib. 1. cap. 2. cum electores electo, clamide, quam Crœcam vocant, exuto, & Pontificiis vestibus nondum induto in sede Pontifi-

Pontificia gestatoria in aula, in qua electio celebratur, medio firmata sedenti, reuerentiam exhibent, gratulantur, & fausta precantur) prior Diaconorum aperta sacrii fenestella, qua populus expectans videri potest; Crucem proferi, alia voce clamitans: Annuncio vobis gaudium magnum: Papam habemus. Reuerendissimus Dominus Cardinalis. N. electus est in summum Pontificem, & elegit sibi nomen: N. Qui ritus efferendi Crucem, antequam electus Pontifex omnino annuncietur, cum antiquissimus in Catholica & Romana Ecclesia, ac perpetuus fuerit, & in omni Pontificum Romanorum creatione adhibeatur: profecto Crucem, commune esse insigne omnium, ac proprium singulorum beati Petri Successorum concluditur.

Solius Romani Pontificis est ex propria auctoritate iubere, ut sibi in publicum exeunti Crux praeferatur.

CAP. XII.

QUOMODO autem solius Romani Pontificis proprium insigne sit, quod omnibus Apostolicæ Sedis Legatis, Patriarchis, Archiepiscopis, & aliquibus etiam Episcopis commune cernitur, nonnihil ambiguitatis asserere alicui posset. Quisque tamen id facile intelliget si considerauerit plurimum differre, quam ratione aut colore, quove titulo, vel insigni aliquo quis honestetur. Cum non raro contingat, ut plures vno eodemq. signo decorentur: quod tamen iure proprio vni tantum conuenit, ceteris vero omnibus ex huius gratia & concessione. Quod sane manifestissime videre est, in hoc, de quo agimus negotio. Idq. inter Apostolicam sedem, & ceteras quascumque tam

tam Patriarchales; quàm Archiepiscopales; & per vniuersum orbem distributas Ecclesias luce clarius manifestari potest; vt in iam supra relato capite, *Antiqua extr. de privilegijs, &c.* accurate obseruauimus. Ex sententia enim Patrum Concilij Lateranensis, & Innocentij III. qui illi præsuit; fere omnia liquido apparent; quæ ex dictis in præsentia, & in duobus proximè præcedentibus capitibus probatione indigere alicui videri possent: Nempe Romanam Ecclesiam certum ac proprium insigne habere: illudq. esse viuificæ Crucis trophæum, ac denique Romani Pontificis adeo proprium; vt sibi præferatur, & nullis aliarum, quæcumque illæ sint; Ecclesiarum Prælati Crucis venerabile signum præferri liceat; nisi quibus ab ipsa Romana & Apostolica Sede ex speciali gratia id fuerit indultum; neque nisi intra certos limites, & iuxta formam ab eadem Sede illis præscriptam: quemadmodum in pallij induendi, & gestandi vsu videre est. Quod omnes ab eadem Sede humiliter petunt, & acceptam ab ea legem de illo certis tantum diebus vtêdo exactissime seruauant: Ne igitur eadem frustra repetamus, Lectorem ad ea, quæ eo in loco a nobis dicta sunt, remittimus.

Accedit ad hæc, quod inuictissimum signum, qualè profecto & vnicum est Crucis insigne, quod Constantino, vt de victoria certus redderetur; ostensum fuit; illi Ecclesiæ peculiariter tribuendum est, quæ sola semper inuicta, & omnino insuperabilis extitit. Cum autem nulla huiusmodi priuilegio gaudeat, nec re vera gloriarî possit, præter illam, cui Principis Apostolorum Successor præfectus est, vtpote de qua, ac de vniuersali Ecclesia ab illius ædificatore Christo dictum est: *Es porta Mat. 16. inferi non preualebunt aduersus eam.* Crucis signo iure decorantur Pontifices illi Ecclesiæ præpositi, quæ nunquam in errorem labi; nec hæreticorum versutijs, aut tyrannorum tormentis etiam collatis in vnum totis eorum viribus superari potuit, nec poterit. Quemadmodum

Li. Theſ.
ex cat. au
ſea, c. 6.

de illa merito ſcripſit Cyrillus : *Secundum hanc Domini promiſſionem Eccleſia Apoſtolica Petri ab omni ſeductione, hereſiſq. circumſcriptione manet immaculata ſuper omnes Præpoſitos, & Episcopos, & ſuper omnes Primates Eccleſiarum, & populorum in ſuis Pontificibus in fide pleniffima, & auctoritate Petri. Et cum alia Eccleſia quorundam errore ſint verecundata, ſtabilita inquaſſabiliter ipſa ſolum regnat, ſilentium imponens, & omnium obturans ora hæreticorum, & nos neceſſario ſalutis non decepti ſuperbia, neque vino ſuperbia debriati typhum veritatis, & ſancta Apoſtolica traditionis unâ cum ipſa conſitemur, & prædicamus.*

Deſertur quoque hoc trophæum ante cuiuſcumque ordinis Clericorum, Monachorum, & aliorum vitæ regularis unâ ſimul ordinate procedentium Collegia. Sed abſque dubio ex eiufdem ſedis Apoſtolice indulgentia, & facultate: ſine cuius auctoritate, nec in unum conuenire, nec Eccleſias ædificare, nec ſacra facere poſſent. Nam nonniſi per Episcopos, quos in partem ſolicitudinis aſſumit Romanus Pontifex id probaret, nec templa, nec monaſteria, nec huiuſmodi alia loca ſacra pro Regularium Collegijs fundari, nec fabricari liceret.

Huc accedit, quod huiuſmodi militum, ſeruorumq. Dei agminibus Crux de more præfertur, nō in alicuius præcellentis dignitatis argumentum, ſed in teſtimonium, quod in ſorte Domini numerentur, & tamquam ſpiritalis militiæ exercitus Crucis vexillum ſequantur aduerſus hoſtes inuiſibiles, ad quos expugnandos, & debellandos validiſſimum eſt Crucis propugnaculum. Crucis enim venerabile ſignum religioſis viris una ſimul conuenienti ordine incedentibus prælatum, ad viuum repræſentat venerandum illud vexillū, quod Conſtantino Magno ad proelia proficiſcenti præferebatur. Ad cuius ſimilitudinem eo propius accedit, quod vexillum Cruci appendi ſolet ipſius Crucis latitudinē exequans Saluatoris noſtri, vel Sanctorum eius imaginibus ornatum, quale fuiſſe Conſtantini Labarum, de quo præter

præter Nicephorum (vt supra retulimus) Eusebius scripsit his verbis: *Ad cornu illius particula, qua ex transverso erat per hastile traiecta velamen, quoddam perenne appensum adhasit, regalis videlicet, & magnifica textura, mirabili varietate lapidum pretiosorum artificiose coniunctorum, luciq. claritate pulchre resplendentium depicta, & multo auro contexta, qua dici non potest, quantam spectatoribus ob suam pulchritudinem excitaret admirationem. Illud igitur velamen ad cornu affixum longitudine, latitudineq. Crucis mensuram penitus exæquans, oblongum vero, & erectum hastile in sublimi appensum, cuius pars inferior versus basim longius ducta fuit sub ipsam Crucis insignem ad texturam discurrentis fimbrias auream p. Imperatoris, pariter ac liberorum suorum effigiem ad præter usque concinne descriptam continuit. Isto igitur saluari signo Imperator tamquam hostilius cuiusque & infestæ violentiæ propugnaculo semper usus est. Cuius expressæ similitudines, mandatis, vt universum exercitum perpetuo antecederent. Hæc Eusebius. Quæ si quis accurate considerauerit, facile perspiciet Ecclesiasticorum collegiorum sub proprijs signis, quorum hastilia velo exornata sint, in vnum conuenientia, simulq. incedentium agmina quandam præferre imaginem militarium copiarum consimilibus Crucis vexillis vndique præmunitarum, quibus imperabat, & quorum ductor tunc erat inuictissimus Constantinus.*

Cum autem vsu receptum fuerit in Ecclesia, vt aliquibus hastili nudo, alijs vero saltem anteriorem partem induto superimposita Crux præferatur. Et v. plurimum Monachorum & huiusmodi aliorum regulari instituto astrictorū virorum Sodalitates cooperto, Præsules vero nudo vtantur, non penitus forte a veritate aberrabimus, si dicamus, Crucem sine velo, esse dignitatis insigne, cum velo autem multitudinis, seu militiæ sacræ in vnum coeuntis, & vna de mote procedentis quoddam quasi Vexillum existere. Cum igitur sacrum Crucis vexillum non ob eandem causam, & satis diuerso ritu, ac forma Archipræsulibus,

De vita
Constant.
lib. 1. c. 29

Deudi
2. c. 13
2. c. 21
2. c. 21

& Ecclesiasticæ militiæ Sodalitijs præferatur. Et in pri-
mis quoniam summus Pontifex sibi iure Crucem
præferri faciat, ceteris vero omnibus & ipsis etiam Me-
tropolitans non nisi ex facultate à sedis Romanæ Episco-
po facta, nullus iam dubitandi locus erit, quin Crux
solius sit Romani Pontificis, certo quodam modo pro-
prium insigne.

Est autem huius veritatis non leue argumētum, quod
Metropolitæ, & ceteri, qui præferendæ sibi Crucis pri-
uilegio gaudent, in omnibus suæ ditionis locis, ad quæ
ipse Maximus Pontifex, vel eius Legatus Apostolicæ se-
dis insignibus vtens accesserit, Crucem demittūt, neque
amplius altero eorum præsentē eam sibi præferri patiū-
tur; nimirum ea ratione profitentes præclarissimi eius-
modi insignis vtendi facultatem sanctæ Romanæ Ec-
clesiæ acceptam referre. Etenim ob consimilem cau-
sam inferiorum Ordinum classis regiæ Capitanei ve-
xilla in conspectu vniuersæ classis Generalis Præfecti so-
lent deponere in subiectionis ipsorum, & fidelitatis tes-
timonium, quemadmodum ob id, quod luna lucem
suam a sole mutuatur, solis radijs apparentibus splendo-
rem, lumenq. suum non ostendit, & illo præsentē or-
bem illuminare desinit.

*Crux semper & ubique Romano Pontifici
præferenda.*

C A P . . . X I I I .

RESTAT, vt demonstramus Crucis prælationem
semper Romano Pontifici conuenire. Huius rei
indubiam fidem faciunt rituum Romanæ Ecclesiæ Li-
bri, in quibus ex vetustissima consuetudine iubetur, vt
quoties Papa suus per Urbem, siue extra eam incedat,

siue

Lib. 1. sc-
tio. 2. &
12. cap. 1.
2. & 3.
Li. 2. c. 2.

sive ad Ecclesias, sive ad quævis alia loca, tam propinqua, quàm remota, iter habeat; immo intra palatium ipsum, cum ad sacellum, quod Cappellam Palatinam dicimus, sacro Cardinalium Senatu comitante procedit, ut diuinis in ea celebrandis officiis intersit, Cruce illi eunti, & redeunti semper præferatur. Excepto tamen triduo maioris hebdomadæ, dum ad Matutinas horas audiendas, quasi atratus egreditur, siquidem nec ulli ex ceteris, quibus Crucis huiusmodi usus communicatus est, ad horas illas proficiscenti obicertum latens, ac reconditum mysterium præferri licet.

Lib. Cemon. 2.
cap. 42.

Semper etiam id ipsum ei conuenire certo constat, & vbiq; locorum. Nullum enim est regnum, nulla diocesis, vel ciuitas, nulla prouincia, nullus denique in orbe locus, quem Pontifex præsentia sua dignum fecerit, vbi ei suum Pontificium, Crucis videlicet signum, non sit præferendum. Nam sicut summus Pontifex omnium quotquot in terris sunt, fidelium est Pastor, & rector; ita vniuersus terrarum orbis est illius Metropolis & diocesis. In quem sensum verissime vsurpatur quod in ore omnium frequentissimum est prouerbium: *Vbi Papa, ibi Roma*.

Confirmat postremo sententiam nostram præstantissimi huius signi cum ceteris quibuscumque eiusdem Pontificiæ dignitatis insignibus comparatio; qualia sunt diuersorum generum amplissima vexilla. Pilei item pretiosi, & ipsa (vt cetera taccam) sanctissimi Corporis Christi ante eum cum splendida pompa gestatio. De his omnibus & alijs, quæcumque illa sint, cum Crucis vexillo comparatis, id quidem enunciare licet, quod de Tiara, seu (vt vocamus) Regno Innocentius III. pronunciauit in hæc verba: *Romanus itaque Pontifex in signum Imperij vsitur Regno, & in signum Pontificij vsitur Mitra: sed Mitra semper, & vbiq; Regno vero nec semper, nec vbiq;.* At nos de Mitra ipsa, cuius usus frequentior est Pontifici, quàm Tiara, & aliorum, quæ

23221 IV
101
101
101
101
Ser. i. de
S. Siluestro.

supra memorauimus Insignium, id certissime asseueramus, Pontificem non uti Mitra semper, & vbique: Cruce vero & semper, & vbique. Nam Mitram non gestat, nisi dum diuina operatur, at Crux nedum ad diuina officia peragenda, vel audienda, sed etiam ad alia quaque munia obcunda accedenti summo Pontifici siue sacro, siue domestico, & quotidiano habitu induto nunquam non præferenda est. Si ergo soli, si cuilibet Romano Pontifici, si semper, & si vbique conuenit prælatio Crucis, necesse est ut fateamur, Crucem Romani Pontificis nedum propriū verum & maxime proprium esse insigne, quod demonstrandum sumpseramus.

Crux præstantiori ratione super Romani Pontificis, quam supra Metropolitanum gentilitia insignia semper statuitur.

CAP. XIII.

SI QVIS autem, Crucem non Romani tantum Pontificis, sed Archiepiscoporum, Primatum etiam, atque huiusmodi Prælatorum proprium Insigne esse contendat; quod eam super illorum, & non supra Romani Pontificis gentilitia signa insculpi, depingi, aut aliter effigiari videat. Facile satisfieri posse arbitramur hoc pacto, ut primum dicamus, Crucem Metropolitanum insignibus superimponi, illaq. huiusmodi illustrissimo signo honestari, ut ab Episcopis, qui hoc priuilegio carent, distingui possint, atque dignosci, non tamen ut cum Pontifice Romano comparentur, a quo hoc singulare priuilegium acceperunt. Quamobrem si Dominicæ Crucis vexillum proprium Metropolitanum insignem esse alicui videatur, hac plane tantum ratione concedendum censemus, quatenus Archiepiscopi

Ut taceatur quod apud Patres hoc in usu non erat.

pi inferioris tantummodo, non autem superioris ordinis Præsulibus, & multo minus ipsi maximo & supremo Pontifici comparantur, per quem secundum Deum assecuti sunt quidquid honoris habent, & dignitatis.

Sed quid opus est, ut dubitationem, cui sensus ipsi evidentissime satisfaciunt, verbis & rationibus de medio tollere laboremus? Omnibus enim paulo diligentius rem hanc insipientibus & considerantibus non modo vnum, sed etiam bina Crucis signa singulis Romanorum Pontificum, gentilitijs Insignibus superposita manifeste apparebunt. Quis enim est, qui non cernat, licet non omnes fortasse aduertant, binas illas clâues, quæ supra Romani Pontificis gentilitijs insignibus statuuntur, ea ratione dispositas, ut vna alteri in medio superponatur, Crucis figuram referre? quæ admirabili quodam sapientissimoq. consilio Pontificum stemmatibus adijciuntur, ut ea vna, ut ita dicam, Hieroglyphica nota Pontificæ dignitatis, omnium suprema potestas, & Pontificis maxime proprium insigne demonstraretur. Namque Potestas per Clâues representatur: signum vero Crucis, in eo quod decussatæ cernuntur. Nam quod clâues potestatis ac iurisdictionis symbolum sint, luculentissime declaravit ipsarum Auctor dicens Simoni Petro: *Tibi dabo clâues Regni cælorum: Quodcumque solueris super terram, &c.* At si cui dubium sit clatium in eiusmodi forma dispositionem Crucis signum conficere, illi quoque dubitandum erit Constantini Magni vexillum instar Crucis illius fabricatum, quæ sibi in cælo apparuerat, Crucis similitudinem expressisse, cum Eusebio, Nicephoro, & ceteris, qui historiam illam scriptis tradiderunt, admirabile illud signum χ , vnius ex elementis Alphabeti Græci formam prætulerit, cui omnino similis est illa, quæ per Clâues ea ratione compactas figura efficitur Pontificum insignibus imponi solita.

Idem

Idem quoque fateri compelleretur, beatissimum Andream Apostolum martyrium suum in Cruce minime consummasse, cum ex antiquissima traditione a pictoribus ubique expressam habeamus arborem ipsam, in qua sic forte, ut contigit, appensus fuit & litteræ græcæ figuram habuisse. In dubium præterea reuocaretur illud, quod tot Patrum auctoritate supra conclusimus, Iacob videlicet Patriarchæ manus cancellatas

Gen. 48. in crucis figuram fuisse compositas, quando Ephraim, & Manassem benedixit: Nam ita composita, & cancellata manus, nullam aliam figuram efficere poterunt, præter illam, quam ex Clauibus supra Pontificum stemmata poni solitis constitui videmus.

Diff. 23. Consequeretur etiam & illud omnino a veritate alienum, quod Sanctus sacerdos contra sacrorum Canonum præscripta absque Crucis signo ad pectus sacra faceret, aut reciperet, licet de vno eodemque Orario certicem pariter & utrūque humerum premat. Cum tamen Concilij iij. Bracarensis Patres eam stolæ decorationem a Sacerdotibus faciendam excoGITARINT, & iusserint, ut hac ratione Crucis signum sibi in pectore præparent. Ad hanc confirmandam veritatem facit quod Burgundi, ut vulgo notum est, erga B. Andream Apostolum singulariter affecti, Crucem, non ut Galli, & alij Christiani equites a collo ad ventrem, & a latere dextro ad sinistrum; sed ab humero dextro ad latus lævum, & a læuo humero ad dextrum latus habent; Crucem similem ei, cui sanctus Andreas affixus fuit, deferre volentes.

Or. 124. Amplius, si nulla alia figura Crucis nomine nuncuparetur præter illam, quam ad similitudinem Crucis Domini formare consuevimus, non deessent fortasse qui etiam de beati Petri Apostolorum Principis crucifixione dubitarent, cum longe diuerso modo, quam Magister & Dominus eius ac noster, hoc est, verso ad terram capite, & pedibus in altum leuatis in Crucem actus

actus fuerit. Quæ plane crucifigendi ratio non fuit singularis in Petro, cum, Seneca teste, apertissime constet, olim transuerso capite multos patibulo Cruci affixos: *Video, inquit Seneca, istæ Cruces non vnius quidem generis, sed aliter ab alijs fabricatas. Sunt qui capite in terram conuerso suspendant: Alij per obscena stipitem agunt: Alij brachia patibulo explicuerunt. Duo enim ligna, quorum vnum alteri superponeretur, quacunque ratione id fieret, Crucem componebant. Ideo a Græcis didymon xylon dicebatur, quod Latine redditur geminum lignum. Et re vera Crux apud Latinos, non a certa quadam eam componendi forma dicitur, sed quod præ ceteris patibulis durius, dirius, ac diutius cruciaret. Nam, vt beatus Augustinus dicit: Vbi dolores acerrimi exagitant, cruciatus vocatur, a Cruce nominatus. Quod satis clare indicauit Apostolus ad Philippenfes de Christi incomparabili obedientia scribens: Factus obediens usque ad mortem, mortem autem Crucis. Illa enim morte, sicut idem Augustinus scribit, peius nihil fuit inter omnia moriendi genera.*

Lib. de cō
folat. ad
Martiam.
Et Czli.
Rhodig.
ant. lect.
li. 10. c. 8.

Tract. 361
in Ioan.
cap. 8.

Phil. 2.

*Clauus decussata iure usurpata pro Insigni
Patriarchij Lateranensis, & Eccle-
sia vniuersalis per vniuersum
orbem diffusa.*

CAP. XV.

CONSIDERANTIBVS nobis qua ratione ducti fuerint, qui vno illo, & communi symbolo, Clauum scilicet decussatarum cuiuslibet Romani Pontificis Insignia propria decoranda existimarint, occurrit hoc ipsum sacrosanctæ quoque Lateranensis Ecclesiæ

R proprium

proprium esse Insigne. Nam tametsi Vaticanus quoque illustrissimus Clerus Basilicæ in beatissimi Apostoli Petri memoriam gloriosam extructæ addictus Clauium signo vtatur, hæc nihilominus hinc & inde æquis spatijs pendent, & Crucis figuram non efficiunt, quam passim constitui cernimus per decussationem illarum, quas Lateranense Patriarchium pro Insigni suo Maiorum traditione iampridem accepit; qua singulari prærogatiua sacrosanctam illam Ecclesiam merito gaudere fatemur, quod in Vrbe & Orbe primatum ei conuenire credamus & prædicemus, propterea quod beatissimorum Pontificum, qui Christi Regis regum, & Domini dominantium vices in terris gerunt, Sedes propria sit, cui singulari quadam ratione, vt magni Gregorij more loquar, incardinantur, & tamquam sponsæ suæ propriæ spirituali coniugio copulantur. Est enim proprium illorum, qui matrimonio iuncti sunt, vt neuter quidquam sibi retineat, quod alteri coniugi communicare nolit: quo fit, vt eisdem titulis, ornamentis, priuilegijs, & insignibus Sponsa, quibus & Sponsus, honestetur, decoretur, & vbique pro arbitrio vtatur. Hinc merito in more consuetudineq. positum est, vt quàmprimū aliquis ex amplissimis Patribus ad summi Apostolatus apicem euehitur, statim gentilitium, & familiæ suæ proprium Stemma Clauibus ea forma compactis exornet, quas Lateranensis Ecclesia pro suo, vt mox diximus, excellentissimo Insigni accepit.

B. Gregorius.

Nec omittendum existimo, Clauēs in Crucis formam eadem ratione compositas, illius quoque Ecclesiæ Insigne esse, quæ in vniuerso orbe propagata est, & ab omnibus merito vniuersalis appellatur. Cuius quidem rei hanc vnam causam dicemus: quod vnus & idem Romanus Pontifex non minus vniuersæ per totum orbem terrarum diffusæ multitudinis fidelium, quàm Lateranensis Patriarchij proprius, ac vniuersalis Episcopus, Caput, Moderator, & Pastor existat. Qua-

re

re non sine matura consideratione factum credimus, vt decussatæ Clauēs, quæ Lateranensem Ecclesiam speciatim repræsentant, intra scuti vnus terminos circumscribatur: quæ vero vniuersum Christianorum cœtum referunt, nullis arctatæ finibus contineantur, sed hastili longo appendæ cernantur. Ex qua quidem varia, ac diuersa Clauium dispositione duarum, de quibus modo nobis sermo est, Ecclesiarum distinctio manifeste cōspicitur: cum altera Romani tantummodo Patriarchij, altera vero per vniuersum orbem diffusas cunctas Christi oues complectatur: sed quia Romana Ecclesia ceterarum quarumcumque Ecclesiarum Mater, Caput, & Magistra existit, æquissimo iure & ipsa vniuersalis creditur ac prædicatur. Nec mysterio vacat, quòd latum illud & rotundū, seu orbiculatum tētorium quod Confalonem vulgo appellamus, Clauibus, quas vniuersalē Ecclesiā repræsentare diximus, superimponi conspiciamus: ampla enim omniumq. capacissima sphærica figura, latitudinem, amplitudinemq. demonstrat vniuersalis Ecclesiæ, in qua omnes ex omni plane Natione, quæ sub cælo est, ad fidei vnitatem collectæ speciales Ecclesiæ continentur. Ipsa vero forma tentorij, cum eorum, qui in castris degunt, domus quodam modo sit, ac veluti tabernaculum, Ecclesiam in terris aduersus multiplices ac immanissimos hostes perpetuam pugnam gerentem, ab eadem in cælesti patria opulenta requie iam fruente, quæ triumphans nuncupatur, discernit, atque distinguit. Et ne quid intactum quoad possumus relinquamus, si qui sunt, quibus hæc quæ de signo Crucis per Clauēs decussatas expresso, non plene satisfaciunt, in Tiaræ, quæ eiusmodi Clauibus superstat, summitatem oculos erigat, vbi conspiciere poterit alterum, quod supra indicauimus, Crucis viuificæ signum, licet propter loci illius angustam capacitatem & proportionem valde exiguum, ad Crucistamen, de cuius figura modo loquimur, imitationem ad amussim

fabrefactum, quod omnem, quæ circa propositum negotium suboriri posset, ambiguitatem prorsus amouebit. Hæc enim cum in sacri illius ornamenti fastigio statuatur, quod solius Vicarij Christi caput exornat, cui omnium Principum & Regum diademata subiiciuntur, & ipsius quoque Cæsaris corona merito cedit, liquido consequitur, Crucis venerabile signum nedum proprium, & maxime proprium Romani Pontificis Insigne existere, verumetiam in vniuerso orbe principem locum obtinere, vt verissimæ sint Ambrosij, & Augustini duorum Ecclesiæ luminum sententiæ. Ille enim dixit: *Sapiens Helena, qua Crucem in capite Regum leuauit: vt Crux Christi in regibus adoratur.* Hic vero: *Nihil erat tunc in carne intolerabilius, nihil est nunc in fronte gloriosius.* Vnde ad credentium consolationem merito subdit: *Quid seruat fidei suo, qui talem honorem dedit supplicio suo?*

Ambros.
de obitu
Theodos.
Imper.
Aug. tracta. 36. in
Ioannem.

Ex duobus sacrorum Euangeliorum locis explanatis demonstratur, Crucem semper paratam ijs precipue, qui celsiorem in Ecclesia locum obtinent.

C A P. X V I.

POSTREMO quisquis duo sacri Euangelij loca perpendat, in quorum primo Pontificia dignitas beato Petro a Christo promittitur: in altero autem ipsi confertur, haud difficile deprehendere poterit, eos, qui supremum in Dei Ecclesia honorem consequuntur, statim præparatos esse oportere ad Crucem Domini suscipiendam, & cruciatus omnes eius causa preferendos.

Matt. 6. Primus extat apud Matthæum, quando Saluator noster

noster Apostolo Petro post illam cælesti ac diuina magis quàm humana lingua dignam ab eo editam confessionem : *Tu es Christus Filius Dei viui*, respondit in hæc verba : *Et ego dico tibi, quia tu es Petrus, & super hanc petram ædificabo Ecclesiam meam; & tibi dabo (en promissio Pontificatus) Claves Regni calorum. Et quodcumque ligaueris super terram, &cet.* Quibus mox subnectit Euangelista ea, quæ ad Crucem attinebant, in ipsomet capite nostro adimplenda. Exinde (dicens) cæpit Iesus ostendere discipulis suis, quia oporteret eum ire in Hierosolimam, & multa pati a senioribus, & scribis, & Principibus Sacerdotum. Quibus verbis quoniam Petrus humano quodam affectu ductus ausus fuit aduersari, hoc sermone idem Dominus illum acriter increpauit : *Vade post me Satana, scandalum es mihi, quia non sapis ea, quæ Dei sunt, sed ea, quæ hominum.* Et vt doceret, non solum Petrum, verum & ceteros quosque fideles per voluntariam Crucis assumptionem sequi oportere exemplum filij hominis, quem Petrus ipsius Dei viui filium confessus fuerat, statim subiunxit huius rei necessitatem, dicens : *Si quis vult venire post me, abneget semetipsum, & tollat Crucem suam, & sequatur me.* Alter, & quidem apertior locus Ioannis vltimo habetur, vbi Saluator post suam a mortuis resurrectionem in cælum ascensurus dixit Petro : *Pasce oues meas.* Quibus verbis iuxta orthodoxorum Patrum interpretationem, Pontificiam dignitatem Clauium nomine ei aliàs promissam contulit, & in illius (vt ita dicam) possessionem illum immisit, suumq. ad vniuersam Ecclesiam regendam Vicarium instituit. Illis autem statim subiecit : *Amen, Amen* Ioan. ult. *dico tibi : cum esses iunior cingebas te, & ambulabas vbi volebas : cum autem senueris, extends manus tuas, & alius te cinget, & ducet, quo tu non vis.* Quæ de morte ab eo in Cruce obeunda dicta fuisse, ipsemet Euangelista explicauit subdens : *Hæc autem dixit significans quæ morte clarificaturus esset Deum.* Quod etiam euentus demonstrauit.

strauit. Nam Imperatoris Neronis iussu Cruci affixus gloriosissimo martyrio ex hac vita decessit. Quo factum est, vt non solum in ministerio commissi sibi gregis, sed etiam in mortis genere, ac vitæ præsentis consummatione perfectissime compleuerit quod sibi a Magistro, & Domino mandatum, & iniunctum fuerat hisce nouissimis verbis: *Sequere me.* Cum igitur beatissimo Petro primo Christo in terris Vicario mul coniuncta vnitaq. fuisse, mente, & oculis inspicimus, Pontificiam videlicet dignitatem; propter Christum assumptionem, quis non quantopere conueniat, deceat, immo & oportet (quod paulo superius dicebamus) cuilibet ad beat. Apostoli Petri cathedram euecto maxime proprium Magistri, & Domini sui Insigne inuictissimum, & gloriosissimum Crucis trophæum illico erigatur, & ante ipsius oculos statuatur; vt eo duce impositi sibi grauissimi oneris munia auspicetur, prosequatur, & ad optatum finem eodem opitulante a se perducantur. Id profecto clarissime explicauit Andreas Cretēsis Episcopus: *Et hoc est (dicens) quod nunc faciunt, qui clauum susceperunt Pontificium, in excelsum Ecclesia locum conscendentes, & hanc gloriosissimam, & vel maxime adorandam Crucem in altum extollentes, & saepe sublime extollentes ostendunt, populis propemodum clamantes: Ecce inuentus est, qui fuerat absconditus salus thesaurus: ecce signaculum, in quo signati sumus: ecce Crux, per quam cogniti fuimus Crucifixo: ecce cornu, in quo inimicos nostros ventilabimus, in quo illesi transimus laqueos inimici; quo freti infantium tela putamus plagas demonum.* Sapientissimo igitur ac pio admodum consilio introductum apparet, vt numquam in publicum prodeat Romanus Pontifex, nec pedem domo efferat, nisi felicissimo isto trophæo præeunte; quo publice ac palam significet, ac protestetur sibi in animo esse, & apud se constantissime, ac firmissime deliberasse, pro viribus sibi a Deo collatis, & conferendis Christi vestigia sequi,

Serm. de
Exalta. S.
Crucis.

qui, & pro illius fide prædicanda, pro sibi commissi gregis salute procuranda, & ipsius Crucifixi Domini nostri gloria illustranda, & propaganda, quæcumque sibi aduersa hilari animo subire, fortissime sustinere, feliciter superare, immo & ipsam mortem, si id necessitas exigat, intrepide, & alacriter perpeti.

Nec illud prætermittendum videtur, quod ex Crucis summo Pontifici prælatæ occurſu, & inspectione admonentur omnes, qui ei obuij fiunt Christiani, quanta cum humilitate, ac veneratione excipiendus sit Pontifex, quantoq. honore, & reuerentia prosequendus; nempe quasi in eo Christum ipsum propter nos Cruci affixum suscipiant, venerentur, & adorent. Quemadmodum secum Galatas egisse testabatur Paulus his verbis: *Sicut Angelum Dei excepistis me, sicut Christum Iesum.* Quam ob causam Reuerendissimus D. Episcopus Vestanus in eo, quem & supra citauimus libro de osculatione pedum summi Pontificis, merito asserit, ideo Crucem sandalijs Papæ affixam fuisse, vt fideles ad eius pedes obuoluti Crucem perspecta maiori animi pietate debitos ac necessarios honores Pontifici redderent, atque exinde Christum contrectare, atque osculis contingere viderentur.

Nec ab his abhorret quod in Venetorum Annalibus relatum comperi de signo Crucis Coronæ maximi eorum Reipublicæ Ducis ad eum finem apposito, vt qui debitum honorem supremo illi Principi deferre ob aliquam humanam causam recusabant, ac liberos se, & immunes credebant, ob venerabilem tamen Crucis imaginem illi cederent, debitumq. honorem deferrent.

Postremo & illud accedat quod hac quasi perpetua Crucis præsentia Pontifex ipse maximus admonetur, dum tot tantisq. ac prope diuinis honoribus ab vniuersi orbis fidelibus se affici conspicit, in memoriam sibi Christum Dominum reuocandum esse, a quo tantam

tam dignitatem, tantamq. potestatem accepit, ut cuncta hæc obsequia ad illum referat, cuius causa sibi exhibentur. Numquam præterea illi gratias non agat, eiusq. vestigia sibi sequenda, exempla. imitanda proponat, cuius auctoritate munitus tanta sibi obsequij & obedientiæ signa deferuntur. Summo denique studio contendat tam pro se, quàm pro sibi commissis ouibus custodiendis, & pascendis vires ac robur perpetuis ac deuotissimis precibus a Deo impetrare.

*Vno beati Iustini Martyris testimonio, quæ
hactenus dicta sunt, summam
confirmantur.*

C A P. XVII.

Iustinus
Martyr.

SED ad salutiferæ Crucis honorem, & ad omnium, quæ de illa diximus, confirmationem, & quasi per orationem nouissime proferatur beati Iustini doctrina, pietate, ac martyrio insignis testimonium, quod in secunda ipsius ad Antoninum Pium pro Christianis apologia habetur in hæc verba: *Quia didicerant* (cultus videlicet Idolorum impij præceptores) *illum* (hoc est Christum) *opem allaturum membris omnibus, Aesculapium protulerunt in medium: Crucem tamen in nullo Iouis filio retulerunt, non enim intelligebant mysterium scripturarum figurate omnia tradentium. Nec quod Crux sit principium Insigne principatus, ac roboris, ut oculis cernitur. Considerate totum mundum, an in eo quidquam geratur sine hac figura: aut constet ulla societas: Mare non sulcatur, nisi hoc trophaum, quod vocatur velum, maneat incolume: fossores non operantur, sicut nec opifices nisi instrumentis hanc formam habentibus. Hominis figura non aliter a brutis differt, quàm quod erecta est, & manus expandit, & in facie a fronte protensum nasum profert,*
per

per quem sit respiratio, ut plane figura Crucis videatur, quod & Prophetæ sic indicat: Spiritus ante faciem nostram Christus Dominus. *Vestra quoque insignia declarant huius figura potentiam, ut trophæa, & quedam, quæ prælata vobis urbem submouent, magistratus & potestatis insignia, quamvis id non aduertatis agentes aliud. Defunctorum quoque Imperatorum vestrorum imagines consecratis hoc schemate, quos diuos cognominatis in Titulis.* Tren. 4.

Hoc igitur antiquissimi viri, doctissimi Philosophi, & fortissimi martyris testimoniū, si quis diligenter consideret, proculdubio animaduertet, non sine causa illud a me hoc loco fuisse relatum: nempe uti omnium fere, quæ diximus, quasi summā & epilogum. Etenim antiquissimus & frequentissimus Cruce lignandi usus, quæ primo loco statuimus, confirmatur his verbis: *Considerate totum mundum, an in eo quidquam geratur sine hac figura, aut constet vlla societas; quod longa serie & inductione per omnes pene hominum actiones, clarissime ostendit. Crucis vero in altum erectionem, ante subditos populos, infimæq. plebis homines, immo & ante viros dignitate & auctoritate præstantes, lationem comprobat cum subiungit: Vestra quoque Insignia declarant huius figura potentiam, ut trophæa, & quedam, quæ prælata vobis urbem submouent, magistratus & potestatis Insignia.* Sed quid apertius dici, aut significari poterat de his rebus, quæ in postrema parte diximus, quam quod a principio proponitur his verbis? Non enim intelligebant mysterium Scripturarum figurate omnia tradentium, nec quod Crux sit præcipuum Insigne magistratus & roboris, ut oculis cernitur.


LIBRI TERTII FINIS.





APPENDIX

De honore viuificæ Cruci Domini
exhibendo.



Serm. de
tép. 101.



PIVS LECTOR, qui gustauit, req. ipsa expertus est grauissimæ illius sententiæ veritatem, quam de sanctissima Dominica Cruce præstantissimus Doctor Augustinus protulit in hæc verba: *Quid dulcius vel cogitari, vel dici potest, quàm mysterium Crucis, per quam non solum ab inferis reuocari, sed etiam in calos eleuari meruimus?* Veniam nobis condonabit, si nouissime allato inclyti Iustini martyris testimonio, quo huic scriptioni finem imponere pollicebamur, quasi a mellifluo, suauissimoque de Cruce sermone diuelli nequeamus, hanc Appendixem de honore illi a fidelibus exhibendo, subijciamus. Cum enim prolixius, quàm ab initio proposueramus de inexcogitabili ac prope incredibili honore tractauerimus, quo Redemptor ac Saluator noster per Crucis insigne homines dignatus est honestare, ac decorare, rationi & gratitudini cōsentaneum nobis visum est, nonnulla quoque adijcere de cultu & honore, quo diuinum & nobis tam salutare trophæum prosequi necesse sit, nisi tantorum beneficiorum immemores, & in tantum Benefactorem ingrati & esse, & haberi velimus.

222

2 A

2

Nullis

*Non est ita frequens vsus in Ecclesia Dei
venerari clauos & patibula alia
depicta, sicut Crucis
imaginem.*

CAP. I.

DE propositæ disputationis argumento duo satis
erit attigisse, quorum illud primo loco propo-
nitur, patibulorum omnium (quæ prope innumera ex-
cogitauerunt impij Satanae ministri, vt acerbioribus,
quibus possent, doloribus, catholicæ fidei Confessores,
& ipsum etiam fidei Auctorem Christum afficerent.)
figuras fidelibus in Dei Ecclesia non ita communiter
propositas fuisse venerandas, sicut viuificæ Crucis Domi-
ni effigies ac figuras, nisi forte vna cum Cruce proferan-
tur. Illi enim peculiare huiusmodi priuilegium fuit con-
cessum, Deiq. sapientia & virtute exhibitum, vt quæ-
cumque ad Crucis similitudinem, ex quauis materia
imagines fierent, illæ quoque coli, adorariq. deberent.
Cuius rei veritas quotidiano experimēto adeo patet, vt
nulla confirmatione opus habeat. Hinc sanctus Tho-
mas, Doctor Angelicus, in hanc ait verborum formam :
*Quantum ad rationem contactus membrorum Christi adoramus
non solum Crucem, sed etiam omnia quæ sunt Christi. Vnde
Damascenus dicit in Libro 4. Pretiosum lignum, vt san-
ctificatum tactu sancti corporis & sanguinis, decenter adoran-
dum, clauos, indumenta, lanceam, & sacra eius tabernacula,
quæ sunt, presepe, spelunca, & huiusmodi. Ista tamen non re-
presentant imaginem Christi, sicut Crux, quæ dicitur signum fi-
lij hominis, quod apparebit in celo, vt dicitur Matth. 24. Ideoq.
mulieribus dixit Angelus: Iesum quæritis Nazarenum crucifi-
xum, non dixit lanceatum, sed crucifixum. Et inde est quod Cru-
cem Christi veneramur in quacumque materia, non autem ima-
ginem clauorum, vel quorumcumque huiusmodi.* Hæc bea-
tus

S. Thom.
P. 3. q. 25.
ar. 4. ad 3.

Damasc.
lib 4. fid.
orth. c. 12.
post med.

B. Anton.
3. p. tit. 12.
c. 10. §. 5.

Serm. 32.
diuer. in
edit. Lo-
ana.

tus Thomas, cui etiam adstipulatur beatus Antoninus in Summa. At quoniam sacrorum patibulorum omnis in vniuersum cultus ab hæreticis in dubium reuocatur, & irridetur, non erit superuacaneum, vno saltem exemplo, quod ab omnibus catholicis maxime recipitur, hoc dogma confirmare; nempe instrumenta, quibus viri Sancti, propter veritatem asserendam, cruciatibus & morte affecti fuerint, in maximo pretio esse habenda, & a fidelibus condigno cultu prosequenda.

Quod testimonio beati Patris Augustini de vno ex lapidibus, quibus Protomartyr Stephanus petitus fuit, manifestissime constat, vt videre est apud eundem S. P. August. hæc dicentem: *Quando lapidabatur S. Stephanus, aliqui etiam innocentes, & maxime de ijs, qui iam Christo crediderant, circumstantes: dicitur lapis venisse in cubito, & excussus inde venisse ante quemdam religiosum. Tulit illum, & seruaui. Homo erat de nauigantibus: fors nauigationis attulit ibi ad litus Ancona, & reuelatum est illi, ibi debere reponi lapidem illum. Ille obediens reuelationi, & fecit quod iussu est. Ex illo capis esse memoria sancti Stephani, & rumor erat quia brachium sancti Stephani ibi est, nescientibus hominibus quid contigisset. Verum autem intelligitur propterea illi fuisse reuelatum, vt ibi poneret lapidem, qui de cubito Martyris excussus est, quia Græce cubitum ἀρχων dicitur. Sed qui sciunt, quæ ibi miracula fiunt, ipsi nos doceant. Qua plane narratione instrui-mur, non modo cineres, & ossa Sanctorum, verum etiam catenas, quibus vinctus, & Crucem, cui affixus fuit Apostolorum Princeps Petrus: craticulam, & carbones, quibus beati Laurentij corpus assatum fuit, ceterorumq. omnium Apostolorum, Martyrum, aliorumq. Sanctorum cum Christo in caelesti patria regnantium sacra patibula, & monimenta, quæ illis veluti trophæa, & victoriarum signa facta fuerunt a populo Christiano dignis honoribus merito frequentanda. Ex his aperte cognoscimus, lapidem illum, Dei prouidentia disponente, tanto in pretio & honore haberi coeptum,*
cum

cum Deus ipse locum, in quo reponendus ac asseruandus esset, reuelare, vbi templum in Protomartyris sui memoriam ædificari deberet, admonere, ac denique ad dicti lapidis præsentia omnipotentia suæ miracula operari dignatus fuerit. Sed quamuis hæc admirabilia sint, omniq. prorsus studio, & pietate suscipienda, quemadmodum & infinita prope alia, quæ de Sanctorum reliquijs apud probatæ fidei Auctores legimus; at non videtur fuisse in vsu, tamen factum fuit, vt imaginibus patibulorum sanctorum Martyrum adoratio a Christiano populo exhibeatur, sicut Crucis imagini diximus semper exhiberi. Quod sane peculiaris honoris, singularisq. prærogatiuæ munus vni omnium tormentorum acerbissimo Crucis Domini patibulo exhibitum fuit. Cuius priuilegij illa causa est, quòd Crucis exemplum, & imago non minus, quàm ipsius exemplar, & prototypon, eundem Dominum ac Deum propter nos Crucifixum oculis nostris obijciat, atque representet.

His autem valde coherentia sunt, quæ a B. Athanasio afferuntur in quæst. 16. ab eo non minus erudite pieq. explicata, quàm fuerit ab ipso inet proposita. Ipsius autem verba huiusmodi sunt: *Quæstio est: Quare credentes* Athanas. q. 16.
omnes ad Crucis imaginem Cruces facimus, lancea vero sancta, aut arundinis, aut spongia figuras nullas conficimus, cum tamen hæc tam sancta sint, quàm ipsa Crux? Responsio: Figuram quidem Crucis ex duobus lignis compingentes, conficimus: ut si quis infidelium id in nobis reprehendas, quod veneremur lignum, possumus duobus inter se disjunctis lignis, & Crucis dirempta figura, ea tamquam inutilia ligna repntare, & infideli persuadere, quod non colimus lignum, sed quod Crucis typum veneramur. In lancea, aut spongia, vel arundine, nec facere hoc, nec ostendere possumus. Hæc S. Athanasius. Nostra tamen tempestate, Passionis Domini nostri instrumenta vnà cum Cruce pinguntur, ac circumferuntur, & interdum etiam sine ipsa Cruce depicta apparent, in eiusdem scilicet Passionis mysterijs representandis.

Cum imaginibus idem, qui illorum prototypis honor deferatur, omnes Crucis effigies, quemadmodum & ipsum Crucis Domini lignum latria cultu merito sunt adoranda.

CAP. II.

Adora-
tionis spe-
cies tres.

ALTERVM, idq. fufius tractandum caput eft de specie honoris, quo Crux Dominica profequenda eft: quod vt magis perfpicue dilucidetur, binæ præmittendæ funt partitiones: quarû illa fit prior apud facros Theologos vulgatiffima, qua videlicet adorationis fpecies in Latriâ, Hyperduliam, & Duliâ fecare ſolemus. Altera vero eft paulo fupra indicata, & apud omnes peruulgata, qua patibuli Crucis nomine, modo illud ipſum ſacratiffimum lignum accipimus, in quo Saluator noſter pepedit; modo vero, idq. fæpiſſime, intelligimus quaſcûque Cruces ad dicti patibuli exemplar fabricatas. His igitur ita conſtitutis propoſito argumento facile ſatisfacere poſſumus. Quare illud primo aſſerimus: quod certo certius conſtat, Crucem Dominicâ, quæ inter omnia fidei noſtræ monimenta præſtantiſſima eſt, illiusq. imagines omnes latriæ cultu eſſe adorandas. Cuius plane veritatis illud a Patribus, & a ſacrorum Theologorû Scholis receptum eſt firmiſſimû fundamentû; quod ſcilicet imago eodem honore, quo ipſius prototypon colimus, veneranda eſt; & hac quidẽ de cauſa, quia quantus qualiſcve honor imaginibus exhibetur, ille plane in exẽplar illarum traducitur, quod eiufmodi ſignis repræſentatur. In exemplar, inquam, quod per lineamenta, & figuram exprimitur, & non in illa, ex quibus tamquam ex materia, ſeu ex partibus conſtant, vel componuntur. Nam quemadmodum qui ſtatuar Regis caput aperiunt, in illa ſe Regem ipſum colere ac honorare arbitrantur; & qui in Principis imaginem contumeliam inferunt, tamquam

Exemplû.

quam læsæ maiestatis, rei plectūtur, ita plane qui Crucis imagini contumeliosus est, ipsum etiā Dominū pro nostra salute Crucifixum impugnat ac detestatur. Quod S. Andreas Cretensis pro sacrarū imaginum defensione martyrio clarus Cōstātino Copronymo Iconomacho intrepide obijciebat his verbis: *Execrandum caput, non tibi videtur pati pro Christo, qui pro illius forma patitur, neque ad primū exemplar credis transire ignominia, qua imago afficitur?*

Ex Meta-
phr. apud
Sur. 17.
O Job.

Quomodo vos sape eos, qui imperatorias contumelia affecere statuas acerbissime punitis, perinde ac eos, qui vos probus sunt insecti, ultimis affecistis supplicijs? Et post pauca: Eos, qui in Imperatorias peccauerūt statuas acerbissime punitis; aduersus sacra aliquid audere imaginē non reputatis esse Archetypi ipsius exēplaris ignominia? His clarissime adsupulatur earundē imaginū inuictus propugnator Ioan. Damasc. in hæc verba: *Quia nonnulli nobis exprobrant, quod adoramus, & veneramur Saluatoris nostri, & Regina nostra Deipara imaginē, insuper & reliquorum Sanctorum famulorum Christi; audiant, quod a principio Deus hominem ad sui imaginem fecerit. Cuius gratia igitur inulcem adoramus, nisi quatenus ad imaginem Dei facti sumus. Nam, ut inquit Deiser, & magnus in diuinis Basilus, imaginis honor ad exemplaris transfertur honorem.*

De fid. or-
thod. li. 4.
cap. 17. in
prin.

Postremo hæc est tum Nicænæ ij. quæ fuit vij. generallis, tū Tridentinæ Synodi nouissime celebratæ sententia, quam Conciliū in c. de inuocat. Sanct. apertissime decernit, & complectitur his verbis: *Sed quoniā honos, qui imaginibus exhibetur, refertur ad prototypa, quæ illa representant, ita ut per imagines, quas osculamur, & corā quibus caput aperimus, & procumbimus, Christum adoremus, & Sanctos, quorū illa similitudinem gerunt, &c.* Hoc ipsum experiētia confirmatur, cum eodē intuitu colores, quo & lucem aspiciamus, per quam colores cernimus, ac vna completa intellectu conclusiones, qua & principia intelligamus, quorum lumine conclusionibus assentimur.

Concil.
Trident.
25. sess.

In hunc proculdubio sensum sacra Scriptura refert, quod Dauid ante Dominū, & corā Domino saltauerit, cum

2. Reg. 6.

cum accinctus Ephod lineo ante arcam testamenti, per quam Deus repræsentabatur, mente & corpore cū explicabili gaudio gestiebat. Quoniā igitur sanctæ Crucis imagines Iesum Nazarenum verum Deum, veroque cultu latræ adorandū repræsentant, merito ipsa quoque Crucis signa, quæ illum referunt, eodem cultu colenda esse atque adoranda profiteamur. Pro qua veritate cōprobanda, quia modo, vt supra quoque admonuimus, non cum hæreticis, Crucis Christi inimicis, sed cum catholicis, quicæ sola gloriantur, nobis sermo est, vnus Ioan. Damasc. qui de Crucis, sicut de ceterarum omnium sacrarū imaginum adoratione, diffuse, diserteq. scripsit testimoniū, quod nobis pro millibus erit, proferendum selegimus. Hic de imaginibus in genere, præter illa, quæ supra retulimus, ita scriptum reliquit: *Vt enim diximus, honorem, qui exhibetur benignū, gratiūq. conferuis, beneuolentia ad cōmunem Dominum præferre indicium, sic & imaginis honor ad prototypum exemplar imaginisq. veritatem transfertur.* De Cruce vero Dominica, quæ pendentem Dominū sustinuit hæc inter alia speciatim dicebat: *Ipsū nimirum pretiosum lignum & perquā vere venerandum, in quo semetipsum in hostiam pro nobis Christus obtulit, atque vt sanctificatum tactu sancti corporis & sanguinis decenter adorandum.* De omnibus vero dictæ Crucis Domini figuris in hæc verba loquebatur: *Adoramus etiam figurā viuificæ Crucis, tamen ex alia materia facta est; non materiam venerantes (absit enim) sed figuram, tamquam Christi signum, eodem, quo & Crucifixum, honore illam prosequendo.* Et paulo post: *Adorandum est igitur signum Christi: vbi enim fuerit signum eius, illic & ipse erit: materia autem, ex qua figura Crucis exprimitur, siue sit aurum, siue lapides pretiosi, aut alia, post figurationem, si contingat dissolui, non est adoranda.*

De fid. orthodox. li. 4. c. 17. circa fin.

Damasc. li. 3. c. 12. post med.

Damasc. vt supra.

Ad hæc tam clara Damasceni testimonia, accedit vetustissimū traditione Apostolica receptus ritus in diuinis officiis, quæ nisi Crucis imagine in altaris medio constituta celebrari non solent, nec decet; sed peculiari ratione

tione in die sancto Parasceues religiosissime seruatus, iuxta quem vel ipse Episcopus, vel quilibet alius Sacerdotali ordine insignitus sacra faciens verbo, cantu, & exemplo cunctos, qui ad eius dici mysteria audienda, & videnda frequentes de more conuenerunt, vt sanctissimā Crucem profundissima humilitate simul cum ipso adorent, inuitat & allicit. Et cum nemini dubium sit mysticum illud officiū haud minus rite per eos absolui, qui Cruce ex quauis materia confecta vtuntur, quā qui ex ipsomet sacratissimo Crucis Dominicæ ligno fabricatā adorant: idcirco omnibus æque vna est eademq. adorationis forma, & eadem venerationis causa, nempe Domini nostri Iesu Christi Crucifixi repræsentatio, propter quam quasi vita, intellectu, & diuina penitus virtute præditam huiusmodi ab ipsa matre Ecclesia præscripta salutatione illam compellamus, dicentes:

*O Crux aue spes unica
Hoc passionis tempore*

*Auge pijs institiam
Reusq. dona veniam.*

Ex Theodulpho in
Dominic.
Pass.

Dominica Crucis lignum, quod ipsum Dominum in eo pendentem sustinuit, quodam peculiari eminentiori. honore præ ceteris sacris Sanctorum reliquijs prosequendum est.

CAP. III.

ALIA vero a nobis explicanda conclusio in hanc sententiam statuitur: Ipsum Dominicæ Crucis signum, in quo, vt matris Ecclesiæ elogio vtatur, *Salus nostra pendit*, præter illam, de qua modo egimus, sibi cum ab ea desumptis exemplis communem patriæ adorationē, propria quadam peculiariq. veneratione colendum est. Et ne nimis in longum nostra protrahatur oratio, sponte præterimus disputationem inter plurimos versatam:

T an sin-

an singularis eiusmodi cultus ad Duliam, vel Hyperdulam ferri debeat; cum graues Auctores, qui de hac quaestione scripserunt, minime inter se conueniant. Satis autem erit nobis modo ostendisse, præstantissima illius ligni fragmenta non tantum latriæ, sicuti probauimus, cultu adoranda, verumetiam honore cultuq. præferenda ceteris omnibus, quæ in vniuerso orbe asseruantur sacris reliquijs Sanctorum. Quam plane assertionem in dubium reuocare non poterit, qui excellentissimum illud priuilegium perspicaciter considerauerit, quo beatissimum illud lignum decoratum fuit; in diuinis officijs non semel hisce, & alijs verbis repetitum: *Sola fuisti digna portare Regem calorum & Dominum*. Et alio in loco: *Electa digno stipite, tam sancta membra tangere: Beata cuius brachijs, sancti pendis pretium, statera facta corporis*, & cetera huiusmodi non pauca. Tanti vero æstimatur hæc prærogatiua, ut ob consimilem, longe tamen nobiliorem titulum, Redemptoris nostri Genitricis sanctissimæ venter, viscera, & vbera, beata prædicentur. De illa enim quotidie cantamus: *Beata viscera Mariæ Virginis, quæ portauerunt aterni Patris Filium*. Item: *Beata vbera, quæ lactauerunt Christum Dominum*, utpote, qui in Euangelio illam eisdem anco-mijs laudari, ac beari intelligimus. Sancto enim Luca referente didicimus, mulierem, voce inter turbas sublata, illius ventrem, & vbera in hæc verba laudasse, & beata prædicasse: *Beatus venter, qui te portauit, & vbera, quæ su-xisti*. Etenim in tantum dignitatis culmen euecta fuit, ut mater Dei diceretur, & esset. Ut igitur ad institutum nostrum reuertamur; quis nisi mentis inops, non iudica-uerit, ligno Dominicæ Crucis maiorem, quam ceteris omnibus Crucis signis cultum exhibendum, cum ipsum Creatoris sui pretiosissimo sanguine delibutum, & consecratum fuerit? Nam quemadmodum Imperatoriæ statuam, quia Imperatorem repræsentat: & Imperialia indumenta ob id, quod Imperatori adiacent, veneratione prosequimur, ita profecto felicissimum eiusmodi lignum, non modo

In festo S.
Crucis.

In Missali
& Breuiar.
Rom. in
Dominica
Passio-
nis. Ex
Theodul-
pho.

LUC. 11.

modo cum alijs ad sui similitudinē formatis Crucibus
 (propterea quòd Dominum nostrū Crucifixum repræ-
 sentant) communi honore afficimus, verum etiam ob sin-
 gularem, quam ex membrorum Christi contactu, super
 reliquas omnes obtinet, dignitatem, proprio, ac feruen-
 tiori, meritò veneramur. In quam sententiā doctissimus
 Hieronymus illam Psalmi sententiam aptauit: *Adorare* Hierony.
scabellum pedum eius, quoniam sanctum est. Ait enim: *Multa* in Pl. 93.
opiniones de scabello sunt; sed hoc proprie dixit corpus Domini-
cum, in quo Maiestas diuinitatis, tamquā super scabellum stetit. Act. 1.
Quòd autem adorari debeat, ex ascendente docuerunt Apostoli,
cum adorantes regressi sunt Hierusalem: Sed & ad Crucem Do-
minicam, & ad animam sanctam hæc referenda sunt. Calsio-
 dorus in eundem pene sensum accipit alterum eiusdem
 regij Prophetæ locum: *Adorabimus in loco, ubi steterunt pe-* Psal. 31.
des eius. ubi hæc habet: *Quòd si hoc ad historiam pie velis re-*
ferre, significat, forte sanctam Crucē, ubi corporaliter stetit, quan-
do in ea Crucifixus apparuit: in qua stetisse recte dicitur, ubi cor-
pus eius infixum fuisse monstrauit. Merito ergo hunc Prophetæ
locum dicit adorandum, qui nobis & fidei signum præstitit & sa-
lutem. Calsiodoro assentitur Ioan. Damascenus ita dicēs:
Ait David: Introibimus in tabernaculū eius, adorabimus in loco, De fid. or
ubi steterunt pedes eius: Quòd autē Crucem dicat, ostendit quod thod. li. 4.
sequitur: Resurge Domine in requiē tuam: sequitur enim Crucem cap. 12.
resurrectio. Et subdit: Si enim amatorū desiderabilis domus, & Ps. 131.
amicus, & lectus, multo magis Domini & Saluatoris nostri, per
quā & saluati sumus. Et re vera, quis nisi mētis expers ne-
 gare audeat, potiori honore Capitis, & Domini, quàm
 membrorum, & seruorū illius reliquias esse venerandas?
 Nam si maiori, ut par est, affectu in beatissimæ Virgi-
 nis, Ioannis Baptistæ præcursoris, & sanctissimorū Apo-
 stolorum, quàm in inferioris ordinis Sanctorum cineres,
 ossa, patibula, vestes, & cetera illorū monimenta honore
 afficienda commouemur: longe profectò feruentiori spi-
 ritu nos incendi, impelli, & quodam modo rapi necessē
 est, ad condignum cultum exhibendum, & impenden-

dum, clavis, lancea, sudario, reliquisq. Passionis & mortis Domini instrumentis, pretiosissimo illius sanguine cruentatis, vel solo membrorum illius contactu sacratiss, & sanctificatis, ac in primis saluificæ illius Crucis. Nam cum eiusmodi Christi, & Beatorum cum ipso in cælo regnantium reliquiæ non sui, sed illorum, quorum sunt gratia, veneratione digna merito habeantur, oportet sane, vt quisque fateatur, quod vitæ, passionis, ac mortis Domini monumenta in honore maiori haberi, & omnibus alijs Sanctorum reliquijs præferri debeant.

Et quamuis diuinæ potentie miracula, quæ ad præsentiam sacrarum seruorum Dei reliquiarum sunt, manifestissime declarent, valde gratam esse Domino, vel minutissimis illorum pulueribus impensam venerationem; nihilominus quantum eiusmodi sacræ reliquiæ a Crucis Dominicæ sacrosancto ligno hac in parte superentur, quisque facile percipiet, qui animaduertit multiplicia; omniq. stupore dignissima prodigia, non modo ad ligni, in quo Redëptionis nostræ opus consummatum fuit; verum etiam ad imaginum illius contactum, vel aspectum seu intuitum diuinitus facta. Nec e memoria libi excidere permiserit, quæ supra meminimus de mirifica, & nihil non efficere poteri virtute signi Crucis sola dexteræ ductu formati, sine quo nullum regulariter post Christi in Cruce affixionem inter mortales miraculum factum fuisse supra demonstratum est.

Si quis vero illud ipsum Crucis Dominicæ sanctissimū lignum minori honore prosequendum putet, quàm mater Ecclesia ob dictam contactus causam verbis, & facto habendum esse, declarat; ex eo quod quædam alia, quæ (Euangelica ipsa historia testante) eadem Christi sacrosancta mēbra tetigisse accepimus, ac proinde nulla maiori veneratione digna habeantur, is nobiscum proculdubio omni dubitatione semota sentiet, si Beati Athanasij responsionem intellexerit, quæ consimilem quæstionē quintodecimo loco in suo quæstionū Libro propositam

clarissime dissoluit. Huius autē grauissimi doctoris verba Latine reddita sic habēt: *Num quia Christus uetus est, infidēs asino, asinos honorifice venerari debemus? Responsio. Non per asinum Christus diabolum deuicit, & Damones; neque in eo salutem operatus est, sed in Cruce. Vnde asinum quidem si uident Damones, non horrent, neque metuunt; uidentes uero Crucem, terrentur, fugiunt, & euasunt.*

Quæst. 1.
Annal. li.
1. de diu.
offi. c. 14.
Vide Io-
næ Aure-
lianus. de
de cultu
imag. li. 3.

Ex quibus manifestissime confirmatur quod supra tractauimus; quā semper religioso & sapienti consilio primi fidei Christianæ propagatores, Crucis signum præ omnibus tam sæcularium Principum quā Ecclesiarū Præfulum vexillis, ac trophæis elegerint pro Pontificiæ dignitatis proprio, & præcipuo insigni. Hanc plane honorificētissimam Crucis uirtutē optime calluerunt uergermani fratres, felicissimi Apostoli, Petrus, & Andreas; nam hic ad Crucis patibulum, quasi ad regium, & purputa, margaritis & omnis generis gemmis ornatum folium alacri animo accessit, & ad primum illius a longe aspectum magnificis encomijs illam salutauit, rogans, & supplex exorās, ut se discipulum eius, a quō tanta gloria decorata fuerat, suscipere dignaretur: Ille uero Apostolorum princeps, cū eā se nece putaret indignum, quā Dominus ac Magister suus præsentis uitæ cursum consummarat, precibus obtinuit, ut saltē obuerso in terrā capite, & non ea, quā Christus, forma Cruci affigeretur.

Abdias
lib. 3.
Pet. dam.
ser. 2. de
S. Andrea

Abd. li. 1.
de S. Petro.
Io. Chry-
sost. in en-
com. SS.
Apost. Pe-
tri, & Pau-
li.
Hierony.
in de vit.
illustr.
De verb.
Domini
serm. 18.

Hanc itidem intellexit lux Doctorū Augustinus, qui ob id a Christo Crucem fuisse honoratam, dicebat, quia fideles suos per Crucem esset honoraturus. Et hanc ob causam a Christianis Imperatoribus cautum, ne quis deinceps nocentium in Crucem ageretur, nimirum ne facinorosi & improbi homines morte Crucis pro ignominia gloriam reportarent: *Modo*, inquit, *in panis non est apud Romanos: ubi enim Domini Crux honorata est, putatum est, quod & reus honoraretur.* Agnouit, & inter ceteros disertissime illam declarauit Leo magnus his uerbis: *De instrumento, quod iniquitas Iudaorum parauit ad*

Tract. 36.
in Ioann.

Ser. 4 de
Pass. Dñi.

panem

pnam, potentia Redemptoris gradum nobis fecit ad gloriam.
Sed his tandem imponendus est modus.

EPILOGVS.

RELIQVVM igitur est, vt præcellentissimū triumphalis Crucis insigne, quod veterum, & recētorum Auditorum testimonijs summo in pretio, & in supremo & in explicabili honore in Ecclesia Dei semper fuisse intelligimus, nos etiam quibus possumus maximis honoribus prosequamur: salutari ac omnipotēti huiusmodi charactere nos ipsos, vniuersasq. & singulas res nostras frequentissime signemus, ac exornemus; nihil operis actionisue nisi hoc signaculo præmisso, auspicemur. Ad primum occursum, siue aspectum, non modo illius, quæ summo Pontifici, Metropolitæ, alijsve ex maioribus Sacerdotibus præferri consuevit, verum etiam cuiuscumque alterius, quæ circumferatur, seu quouis in loco firma permaneat, continuo assurgentes caput aperiamus & inclinemus, & pro loco, & tempore coram ipsa genua flectentes humiliter illam salutemus, & adoremus; atque illi, quæ repræsentat nos ipsos, & Præpositos nostros, in quorum dignitatis honore illis præfertur, deuotis precibus commendemus. In cunctis aduersitatibus, & mentis corporisq. periculis ad huiusmodi signum, tamquam ad fortissimum idemq. certissimum præsidium ac propugnaculum confugientes, illius formatione contra quæcūque nobis aduersantia nos muniamus, ac tueamur. Hac enim ratione nostram in Iesum Christum Dominum nostrū propter nos Cruci affixum, fidem, spem, fiduciamq. omnem constituisse declarabimus. In quem & ardentem dilectionem nostram manifestabimus, si frequens eiusdem trophæi inspectio perpetuaq. illius recordatio in omnibus nobis operetur, vt Ducis, ac Imperatoris nostri Crucifixi vestigia prompto, & alacri animo persequamur. Quod per nos fiet, si propria Cruce ab vnoquoque nostrū in hume-

in humeros accepta, humilitatis, obedientiæ, patientiæ;
 & in bonis operandis, & malis æquo animo tolerandis
 vsque ad mortem perseuerantiæ Christi exempla imita-
 ri studebimus. Hæc enim a nobis postulare Crucis Do-
 minicæ in terris relictam imaginem certo nobis persua-
 dere debemus. Nam sicut valde paucorum est, si vni-
 uersæ fideliū multitudini eos conferamus, quibus Crux
 ipsa corporea, vel ad supplicium, vt cum sanctis Marty-
 ribus, & primo cum aliquibus Apostolis factum est:
 vel ad eminentis dignitatis ipsorum, quod cum insi-
 gnioribus tantum Ecclesiæ Præsulibus seruari videmus
 testimonium, materiali, vt dicunt, acceptione tollen-
 da & sumenda proponitur: ita omnium prorsus Chri-
 stianorum est, illam spiritali ratione vltro accipere, &
 patienter, immo & gaudenter perferre. Quamuis enim
 minime diffitear hoc ab eis, qui in Ecclesiastica hierar-
 chia ceteris præfecti sunt, in primis postulari, cum eo-
 rum sit, ne dum verbo, verum & exemplo fidei illorum
 commissas oues ad Crucem libenter subeundam indu-
 cere, nulli tamen dubium esse potest, id ipsum in om-
 nibus, & singulis, qui Christo nomen dederunt, fuisse
 & esse imperatum. Nullum enim ex militibus suis exce-
 pit Imperator ille cum ait: *Qui non accipit Crucem suam, Mat. 10.*
& sequitur me, non est me dignus. Cuius mysterij peruetu-
 stus ille ritus nos admonet, cum in cuiusque per lauacrū
 regenerationis in Christo renascentis scapulas Sacerdo-
 tis manibus sacra quoque vnctione adhibita Crucis si-
 gnaculum imprimitur. Pia enim cærimonia illa signi-
 ficat, simul ac Christi milites candida innocentiae veste
 induuntur, ipsorum humeros mystico illo charactere si-
 gnari, vt meminerint, in huius miseræ vitæ breuissimo
 stadio aduersus carnem, mundum & satanam sibi esse
 strenue decertandum: quod est, Cruce assumpta, Chri-
 stum sequi. In quo certamine quicūque pro nobilissimo
 eiusmodi signo viriliter egregieq. defendendo ad mor-
 tem vsque legitime certauerit, ante Imperatoris cæle-
 stisq.

ftisq. Iudicis, cuius illud est Infigne proprium, terrificum tribunal, tutò sisti, astareq. poterit, vt suorum laborum egregiamq. certaminum mercedem, & coronam accipiat. Immortales igitur Deo a nobis habendæ, & pro tenuitate nostra, quas possumus, maiores agenda sunt gratiæ, quod Sacro, & sancto, & omnia sacrate & sanctificante Crucis signaculo sibi nos dicari donauerit; & huiusmodi ratione, vt sub inuictissimo gloriosissimoq. vexillo suo nos elegerit, vocauerit, suscepit, atque admiserit, concesseritq. nobis vt sanctissimum Romanum Pontificem cunctorum Episcoporum, & vniuersæ militiæ Christianæ principem antesignanum, & vexilliferum suum agnoscamus, quem ductorem sequentes recto transire ad cælestem patriam, cuius ipse clauis obtinet, deducamur, & introducamur:

2. Cor. 1. vt qui socij fuerimus passionum, simus & participes cōsolationum. Nos vero huic nostræ elucubrationi, pia, quam sancta mater Ecclesia nos docuit, precatione finem imponentes, humili, & supplici corde & voce oremus in hanc verborum formam:

O Crux splendidior cunctis astris, mundo celebris, hominibus multum amabilis, sanctior vniuersis: quæ sola fuisti digna portare talentum mundi: dulce lignum, dulces clauos, dulcia ferens pondera, salua Christi ouile sub tuo vexillo congregatum, reis donando veniam, & pijs augendo iustitiam. Amen.

F I N I S.

INDEX

I N D E X

E O R V M

Q V A E S C I T V S V N T D I G N I O R A .



S A



ABDIAE liber cisti
fidei probata non
fuit, multa tamen
vere continere di
citur. pag. 5

*Actiones sacra omnes sine Crucis
signo absolui non possunt.* 11

Adorationis species tres. 142

*Aegidius Columna, Romanus, de
potestate Ecclesiastica.* 66

*Aegyptij & Arabes Crucis signum
ante Christi aduentum obser
uarunt.* 28

*Alexander de sancto Elpidio Epi
scopus Melitanus de potestate
Ecclesiastica.* 66

*Alphabeti Hebraici antiqui li
tera, extrema Crucis habet si
militudinem.* 21

S. Andrea Crux. 89

*Antipas ritum consignandi se si
gno Crucis ab Apostolis ac*

cepit.

*Antonius Monachorum pater co
signandi se signo Crucis ritum
excoluit.* 6

*Anulus in Ecclesiastica militia
quid.* 112

*Archiepiscopalis dignitas quibus
declaretur.* ibid.

*Archiepiscopi Nazareni privile
gium.* 65

Archiepiscopis praefertur Crux.
ibid.

*Archiepiscoporum Crux, simplici
linea ducta constat.* 78

*S. Augustinus, Anglorum Aposto
lus.* 69

*Augustinus Fayaronius, Archie
piscopus Nazarenus, de pote
state Ecclesiastica.* 66

I N D E X.

B

- B**ACVLVS, in Ecclesia-
stica militia quid. 112
Baptizandis Crux imprimitur a
Sacerdote. 151
Bartholomai Cryptes Monachi
testimonium. 67
Benedictio supra populum, quo-
modo & quando fiat a Sacer-
dotibus, & Episcopis. 14.
& 15.
Benedictio data a Jacob Patriar-
cha suis nepotibus, cur fuerit
in Crucis figuram facta. 15
Benedictio & populi dimissio in
Missa considerantur. 17.
& 18.
Benedictionis Sacerdotalis, &
Episcopalis consideratio. 18.
& 19.
Benedictio mensa non sine Crucis
signo. 20
Bulga, sine hyppopera, Cardinali-
bus praelata quid. 113
Burgundi Crucem gestant ab hu-
mero dextro ad laevum, in
& contra. 128

C

- C**apitanei Classis, in conspe-
ctu Generalis vexillum
demittunt. 124
Capitis insula, instar Crucis, in

- ciuitate Carangonara India.
68
Caput Pontificis uni Deo aperi-
tur. 113
Carbores B. Laurentij veneran-
di. 140
Cardinalitia dignitas quibus de-
claretur. 112
Charitas distinguit filios regni,
& diaboli. 86
Catena, quibus vinctus fuit B.
Petrus, veneranda. 140
Chiroteca, in Ecclesiastica mili-
tia quid. 112
Christiani omnes se Cruce signant.
106
Christi mors signum est nostrae
salutis. 32
Christum ascendentem in caelum
Apostolos benedixisse signo Cru-
cis, rationibus, & auctoritati-
bus probatur. 4
Christus cur noluerit lapidari,
aut precipitari, suae gladio
truncari, sed crucifigi. 32
Cineres Sanctorum veneranda.
140
Circumlationis Crucis ratio tri-
plex. 46
B. Clara in corde mysteria Passio-
nis Christi. 89
Claue argentea, & aurea, Car-
dinalibus, & Papa praeferi
solita. 112. 113
Claues representant potestatem.
127
Claues

INDEX.

Claves dua, Romanorum Pontificū gentilijs insignibus praelata; Crucis figuram referunt.

127

Claves decussata, iure usurpata pro insigni Patriarchij Lateranensis, & Ecclesie uniuersalis per uniuersum orbē diffusa.

129

Clauī, & patibula Christi quomodo uerentur.

139

Concilium Lateranense, anno M. CC. XV.

69

Consalon, Ecclesie gubernaculum.

131.

Constantini successores Constantinum imitati sunt in praefrenda, & honoranda Cruce.

62. & 63.

Constantino Crucis signum quomodo, & quando apparuerit cum inscriptione Graeca.

39.

Constantino Crucis signum ostensum, ut de uictoria cerius redderetur.

121

Constantinus magnus Imp. Crucis signum mirum in modum extulit.

7

Constantinus Romae, & Constantinopoli Crucis signum affigi mandauit cum inscriptionibus.

40

Constantinus ter in calo uidit Crucē cum inscriptione Graeca in tribus uictorijs, quas ob Crucem miraculose reposita-

uit.

41

Constantinus tres ex are Cruces fieri curauit ob triplicem Crucis uisionem, triplicemq. uictoriam, quam miraculose repositauit.

41. & 59

Constantino Urbē Romam ingredienti, & a uictoria redeunti uictoria & Crucis trophaum fuit allatum.

59. & 60

Constantinus grauissimis penis cauit, nequis deinceps ex reis Crucis patibulo afficeretur.

61. & 62

Constantinus Crucem ex auro purissimo fabricauit, gemmisq. pretiosissimis exornauit.

89

Constantinus Magnus Crucis signum sibi in castris praeferruiussit.

110

Consulibus fasces duodecim praeferebantur.

107. & 112

Craticula B. Laurentij ueneranda.

140

Cruciatus, a Cruce dictus.

129

Cruce, in qua imago Christi affixa pendeat, antiquissimi Patres usi sunt.

70

Cruce signandi ritus iam inde ab Apostolis ortum habuit.

3.

Frequentissimus fuit in Ecclesia Dei iam inde ab eius infantia. ibidem. Hunc ritum ab ipso Salvatore Apostolos accepisse credendum est. ibid. modus sine forma, & uulnus,

V 2 qua

I N D E X.

- qua ab ea nascuntur, ibidem.
 usus ibidem. 137
- Crucis signatorum exercitus quā-
 do traxerit ortum. 24
- Crucem in terra effingendi usus
 ablatus. 25. De hoc multa ibi-
dem leguntur scitu digna.
- Crucem portantes varij. 34
- Crucem a collo pendentem Episco-
 pi, & Archiepiscopi gestantes
 considerantur. 53. 54. & 55
- Crucem cur Christus honorauit.
 149
- Crucis pro terminis regionū apud
Scotos Anglis finitimos. pag.
 43
- Crucisfigendi modus antiquus.
 129
- Crucisfigi cur Christus voluerit,
 non autem lapidari, prae-
 tati, aut gladio truncari.
 32
- Cruci Domini honor exhibendus.
 158
- Crucis adoranda praeceptum Gre-
 gorio magna Armenia Epi-
 scopo tributum ante omnes.
 42
- Crucis affigende usus frequens in
 Ecclesia Dei. 43. & 44
- Crucis affigende, ac veneranda
 cunctis in locis usus ex Ioanne
 Chrysostomo demonstratur. 45
- Crucis circumlacionis ratio tri-
 plex. 46
- Crucis Dominica signo quid re-
 presentetur. 111
- Crucis effigies veneranda. 142
- Crucis efformanda usus in quali-
 bet materia fuit antiquus &
 frequens. 20
- Crucis imaginis excellentia, non
 modo figuras naturales, ve-
 rum etiam Astrologicas, &
Mathematicas superat. 28
 & 29
- Crucis in nummis areis, & in
 alijs metallis usus apud Con-
 stantinum frequens. 26
- Crux Lateranensis. 51. Collegij
 S. Spiritus. 80
- Crucis inuenta ab Helena prae-
 gium felicissimum. 35
- Crucis erectio post Constantini
 conuersionem. 38
- Crucis pingenda usus frequens &
 antiquus. 22. 23
- Crucis praefenda ritus, anti-
 quissimus, Pontificibus, Pa-
 triarchis, Archiepiscopis, &
 Metropolitibus. 65
- Crucis praelatio perpetua in itine-
 re ante summum Pontificem;
 ardentissimum ipsius erga il-
 lam studium demonstrat. pag.
 88
- Crucis sculpende in petra anti-
 quitas. 22. ubi primum in-
 uenta Crux sculpta in petra.
 ibid.
- Crucis victoriosa memoria facit
 illud, quod corporis Christi
 prae-
 sen-

INDEX.

- praesentia faciebat.* 32
Crucis virtus omnia peragit. Sacramenta. 12
Crucis signi effectus mirandi. pag. 8
Crucis signo Christum Apostolis in calum ascendentem benedixisse credendum est. 4
Crucis signo quomodo represententur Christi plaga, quomodo sanctissima Trinitas, quomodo dua Christi natura. 10
Crucis signo muniti multa pericula euaserunt. 30. 31. contra vero qui eius fuerunt obliti. ibid.
Crucis signum exercendum esse in actionibus nostris docuerunt sacri Doctores. 7. & 9
Crucis signum, seu figura, quae prius abhorrebatur, maximo in honore esse cepit a Principibus, & ab omnibus alijs, teste Ioanne Chrysostomo. 8
Crucis signum ante somnum quomodo adhibendum iuxta Hymnum Prudentij. ibid.
Crucis signum caruleis notis facientes quinam sint. 21
Crucis signum ubique ac semper celebratum. 23. & 24
Crucis signum circumferendi usus antiquus, in lapidibus, ac vestibus antiquissimus. 24
Crucis signum multis in artibus exercendis representatur. 26.
27. idem in calo, & in homine ipso cernitur. ibid.
Crucis signum apud Arab. & Aegypt. obseruatum ante Christi aduentum. 28
Crucis signum Ephesi erectum. 38
Crucis signum quomodo, & quando apparuerit Constantino cum inscriptione Graca. 39
Crucis signum Roma in loco celeberrimo Constantinus affixi mandauit cum Inscriptione Latina. 40. & Constantino-poli. ibid.
Crucis signum, Veneto Duci concessum, & ob quam causam. 135
Crucis trophaeum venerandum. 37
Crucis vexillum deferendi ritus ante Summum Pontificem in publicum prodeuntem. 33
Crucis vexilli gestatio in processionibus. 48. 49. & 50
Crucis vexillum quid passet. 109.
Crucis vexillum cur magis summo Pontifici, quam ceteris conueniat. 109
Crucis vexillum cui conueniat. 109. & 111
Crucis vexillum praefertur Pape ad supremam ipsius in terris

I N D E X.

dignitatem, ac potestatem in-	currunt, fidem, religionemq.
discandam. 111	detegendam. 86
Crucis vexillum Romani Ponti-	Crux praefertur, ad eorum, qui
ficis insigne est, cum sit signum	eam prosequuntur, tutelam.
Christi Redemptoris nostri,	93
cuius vices Papa in terris ge-	Crux prelata, indicat illius, cui
rit. 114	praefertur, praeipuum aliquam
Crucis usus in Ecclesia duplex.	dignitatem. 106
35	Crux, proprium Christi insigne.
Crucis usus occultus & manife-	107
stus. 37	Crux pectoralis, in Ecclesiastica
Crux corpore & mente tollitur.	militia quid. 112
33	Crux, Christi signum. 112. 115.
Crux stationalis quanam sit. 51	116. 117. & 118
Crux triplici generi Principum	Crux, Romani Pontificis proprium
solemni ritu praefertur. 55.	insigne. 118
& 56. Quando praeferi cœ-	Crux semper, & ubique Romani
pta, & unde originem habue-	Pontifici praeferenda. 124
rit hic ritus. 56. & 57	Crux praestantiori ratione super
Crux cur a Simone gestata. 57	Romani Pontificis, quàm su-
Crux honorata mirum in modum	pra Metropolitaram gentili-
a Regibus, & Imperatoribus	cia insignia semper statuitur.
post Constantini conversionem.	126
63. & 64	Crux parata semper ijs, qui Cel-
Crux visa in Hispania. 78	siozem in Ecclesia locum obti-
Crux facie conuersa, & facie	nent. 132
auersa, cur praefertur, & qui-	Crux, in qua pependit Christus,
bus. 73	quomodo adoranda. 139. &
Crux, cruciatus signum. 79	seq. & 145. & seq.
Crux Collegij sancti Spiriens. 80	Crucis Christi imago, quomodo
Crux cur praefertur Pontifici in	adoranda. 139. & seq.
publicum prodeunt. 83	Crux, cui affixus fuit B. Petrus,
Crux praefertur ad fidem in Dei	quomodo veneranda. 140
Filium Crucifixum protestan-	
dam, & tam illius, cui praefer-	
tur, quàm illorum, qui ei oc-	

INDEX.

D

D Extra manus quomodo
nobilior sinistra. 12
Dextra manu cur signū fiat Cru-
cis. *ibid.*
Diaconalis dignitas, quibus de-
claretur, 112
Diadema, Regis ornamentum.
ibid.
Diaconus antiquior Cardinalium
Pontificis electionem renun-
ciat. 119
Dictatori fasces viginti quat-
tuor praeferbantur. 107. 112
Didymon xylon, geminum lignū,
Crux. 129
Dionysius Areopagita B. Pauli di-
scipulus. 12
Dominico die audire Missam
quisque tenetur ex praecepto.
19
Dulia, adorationis species. 142

E

E Ecclesiarum edificatio non
sine Cruce. 35. & 36
Ephesinis in foribus Crucis signū
erectum. 38
Epilogus de Cruce. 152
Episcopalis dignitas quibus de-
claretur. 112
Episcopi confirmandos Cruce mu-
niunt. 106

Episcopus Crucem a collo penden-
tem portans consideratur. 53
Idem de Archiepiscopis consi-
deratur. *ibid.* & 54. & 55
Eucharistia Sacramentum Pon-
tificis extra Urbem proficiscen-
ti praefertur. 81
Euphemia Virgo consignandi se
signo Crucis ritum habuit. 6
Eustathius, dum sub Traiano
pratorem ageret, Placidus di-
ctus. 72
Exorcista, quid. 74

F

F Asces precedere solita ma-
gistratus Romanorum. 79
Fasces securibus alligati. 112
Figura Crucis omnes figuras an-
tecellit. 28
Forma, sine modus se Cruce si-
gnandi, & utilitates. 10. &
11. Varia forma, & modus
quantum ad digitos. *ibid.*
Fragmenta Crucis. 100. 101. 102.
& 146
Francisci Alvarez testimonium. 68
S. *Francisci* stigmata. 89

G

G Alerus, in Ecclesiastica mi-
litia quid. 112
Gregorij Magni vera effigies a
Ioanne Diacono descripta. 47.
& per

& per pictorem efficta. *ibid.*
 Gregorius magna Armenia Pra-
 sul ante omnes iussit Crucem
 quibusdam in locis adorari a
 se collocatas, ad easq. tamquam
 ad sacra confugia concurrere.
 42
 Guillelmus Cremonensis, Episco-
 pus Nonariensis, de potestate
 Ecclesiastica. 66
 Guillelmi de Rep. Angl. testimo-
 nium. 67

H

Hebraici Alphabeti antiqui
 littera extrema, Crucis
 habet similitudinem. 21
 Hebraeorum littera antiqua sunt
 in usu apud Samaritanos ad
 hanc usque diem. *ibid.*
 Hyperdulia, adorationis species.
 142
 Hyppopera, Cardinalibus prala-
 ta, quid. 113

I

Iacob Patriarcha cur benedi-
 xerit Ephraim, & Manaf-
 sen manibus cancellatis, in
 Crucis figuram. 15
 Iacob Patriarcha manibus in Cru-
 cis figuram compositis, suis Ne-
 positibus benedixit. 128
 Iacobus Viterbiensis Archiepisco-

pus Neapolitanus, de potestate
 Ecclesiastica. 66
 Ignis praelatus, Augustalem, &
 Imperatoriam dignitatem si-
 gnificabat. 113
 Imagines patibulorum Christi,
 qua veneratione honoranda.
 139. & seq.
 Imagines patibulorum Martyrum
 quomodo veneranda. *ibid.*
 Imago Crucis Christi quomodo a-
 doranda. *ibid.*
 Imperatoria statua, veneratione
 prosequenda. 146
 Ioannes Apostolus ante obitum
 manu sua se signo Crucis si-
 gnauit. 5
 Ioannes, Christi praeursor, cum
 Cruce in manu pingitur. 114
 Ite missa est, quid. 17. & 18
 Iter facientes cum Pontifice, ad-
 moneantur a prauis operibus
 cauere, & bonis incumbere.
 104

L

Labarum, praelatum in ca-
 stris, Augustalem, & Im-
 peratoriam dignitatem prae-
 ferebat. 113
 Lactucam comedens quadam Dei
 famula absque signo Crucis fa-
 cto, a demone arrepta, proti-
 nus cecidit. 30
 Lapis B. Stephani Ancona repositus
 ob reuelationem, & mi-
 raculum.

INDEX.

raculum. 140
Latria adorationis species. 142
Latusclauus, proprium Senatorum indumentum. 112
Laurentij craticula veneranda, & carbones venerandi. 140
Legati de latere, ubi Pontifex adest, Crucem deponunt. 32.
 & 124
Lignum in fonte Marath amarissimo immissum a Moyse redidit fontem dulcem. 13
Lignum Crucis Dominica peculiari honore prosequendum. 145
Lunula pedes nobilium decorabant. 112

M

Magica incantamenta Crucis virtute superata: 96
Manipulus, in Ecclesiastica militia, quid. 112
Marath amarissimus fons quomodo miraculose euaserit dulcis ligno inibi immisso a Moyse. 13
Maria Virgo, eiusque venter, & vbera. 146
Martialis Episcopus Apostolorum discipulus fuit. 19
Martyrij Monachi exemplum de Cruce. 30
Mense benedictio non sine Crucis signo. 20
Metropolita, Pontifice, vel eius Legato accedente, Crucem de-

mittunt. 124
Metropolis cur Crux praeferatur. 66
Militum Christi dignitates, Crucis signo distinguuntur. 107
Miracula, quae post mortem Christi per fideles suos operatus est Deus, omnia communiter signo Crucis adhibito facta fuerunt. 98
Missa Ambrosiana consideratur, & praesertim populi dimissio, & benedictio. 17. & 18
Missae est, quid. 18
Missam audire die Dominico unusquisque tenetur. 19
Mitra in Ecclesiastica militia quid. 112
Mitra Pontificis quid. 125
Monasteria non possunt aedificari nisi per Episcopos. 121
Mors Christi signum nostrae salutis. 32
Mors Romanorum magistratum in fascibus praeferebatur. 107

N

Nocentes in Crucem non agi, cauerunt Imperatores. 149

O

Onuphrius Panuinius de Basilica Lateranensi. 91
Orale, sine Pharon, quid. 113
Ossa Sanctorum veneranda. 140
 Pallium,

INDEX.

P

P *Allium in Ecclesiastica militia quid.* 112
Pallium à Sede Apostolica petitur. 121
Palmatam vestem soli cōsules inducunt. 112
Passionis Domini instrumenta, cum Cruce pinguntur. 141
Patibula Christi quomodo adoranda. 139. & seq.
Patibulorū Christi imagines quomodo honorande. ibid.
Patibula Martyrum, eorumq. patibulorum imagines qua veneratione honorentur. ibid.
Patriarcharum Crux, duplici linea ducta constat. 78
Petri Catena veneranda. 140
Petrus quo modo crucifixus. 128
Phanon, siue Oralc, quid. 113
Pileum pretiosum, Pontificis. 125
Planeta extensa, in Ecclesiastica militia quid. 112
Pontifex Romanus, Christi vexillo vititur. 114
Pontifex solus iubere potest, ut sibi Crux praeferatur. 120
Pontificem incedentem qua comitentur. 81
Pontificis caput uni Deo aperitur. 113
Pontificis Crux, simplici linea ducta constat. 78

Populi dimissio in Missa Ambrosiana sit post benedictionem: & multis modis consideratur. 17. & 18
Potestas per Claves representatur. 127
Præfatio in libros de sanctissima Crucis signo. 1. libros distinguit, & cuiusque materiam proponit. 2
Præsagium felicissimum ex inuenta Cruce ab Helena. 35
Præsul, mediator inter Deum, & ones sibi creditas. 75
Proconsulibus fasces sex praeferbantur. 107. & 112
Procopius, ad susceptum baptismum dictus Neanias. 72
Prorex, quod vexillum sequi debeat. 114
Purpura, in Ecclesiastica militia quid. 112

R

R *Egnum Pontificis, siue Tiaræ.* 125

S

S *Acerdotalis dignitas, quibus declaratur.* 712
Sacerdotes soli baptizandis incipite Crucem formant. 106
Sacræ omnes actiones signo Crucis absoluntur. 12

Sacra-

I N D E X.

Sacramenta omnia signo Crucis
peraguntur. 12
Sancta Sanctorum, Oratorium S.
Laurentij in Basil. Lateran. 91
Sancti Spiritus in Saxia Roma
Crux. 80
Sandalia, in Ecclesiastica militia
quid. 112
Sandalia, Cruce aurea desuper
ornata. 113
Sceptrum, Regis ornamentū. 112
Scoti Anglis finitimi Crucibus
pro terminis viebantur ad re-
giones distinguendas, ac sepa-
randas ab inuicem. 43
Signo Crucis omnes actiones, &
omnia Sacramenta peragun-
tur. 12
Signum Crucis cur dextra fiat
manu. 12. *absque signo Crucis*
nihil est sanctum, & nulla cō-
secratio meretur effectū. *ibid.*
13. & 14
Silvester Pontifex Crucis tro-
phæo usus. 66
Simon Cyrenæus cur Crucem por-
tatis. 57. & 58
Stationalis Crux quam sit. 51.
& 52
Statua Imperatoria veneratione
prosequenda. 146
Stella Crucifer quam dicatur. 28
Stephani Protomartyris lapis ex
eius cubitu excussus, & Anco-
nā portatus, ibiq. repositus. 149
Stigmata S. Francisci. 89

Stola decussatio quando institu-
ta. 120
Subdiaconalis dignitas quibus
declaretur. 112
Subdiaconus Crucem praefert. 114

T

T *Hæc littera in frontibus ge-*
mentium impressa cur de
Cruce intelligebatur. 21
Templa non possunt edificari, nisi
per Episcopos. 121
Templorum edificatio non sine
Cruce. 35
Tessera, Crux appellata. 86
Tessera militares, & hospitales.
87
Thecla consignandi se signo Cru-
cis ritum ab Apostolis didici.
5. & 6
Tiara sacra, diademate triplici
circumcirca redimita. 113
Tiara, siue Regnum Pontificis. 125
Tonsura capitis, instar Crucis in
ciuitate Caranganara India.
68
Tunicella, in Ecclesiastica mili-
tia, quid. 112
Turci a peste seruati, quia Crucis
signum sibi impresserant. 96

V

V *Alisia, siue hyppopera, Car-*
dinalibus prelata, quid. 113
vbi

INDEX.

Vbi Papa, ibi Roma. 125

Verbum Dei quod semel assum-

psit, numquam dimisit. 17

Vexilla praelata pro illorum diuer-

sa ratione varia significant.

113

Vexilli Crucis gestatio in proces-

sionibus. 48. 49. & 50

Vexillum Crucis deferendi ritus

ante summum Pontificem in

publicum procedentem. 33

Vexillum S. Crucis inter Sedis A-

postolica insignia connumerat-

ur. 68

Vicarius, Episcopi signo vitur.

114

Vititates, quae a Crucis signo na-
scuntur. 10. & 11

X

X forma similis Clauium
figura. 127

Xylon didymon, lignum gemi-

num, Crux. 129

Z

Z Acharius Ioannis eleemo-

sinarij discipulus per e-

leemosinam dedit cuidam mē-

dico Crucem argenteam, quam

penes se habebat. 47

FINIS.

R O M A E,

Ex Typographia VATICANA.

M. D. XCII.

